

22



نیب ۲۲

http://neab.neabinternational.org
info@neabinternational.org

سرپرست: امین کامل

مدیر: منیب الرحمن

مددگار: فاروق آفاق، فیاض دلبر

نیب رسالہ چھ ڈریس منز ژورل لکھ کڈنہ یوان۔ رسالہ کس مدیر ستر خط و کتابتو، خریداری تہ نگارشات سوزنگو پتہ چھ:

Muneebur Rahman, c/o Amin Kamil,
Budshah Nagar, Natipora, Srinagar 190015
J&K

Muneebur Rahman, BLI Translations,
648 Beacon Street, Boston, MA 02215

نیبس منز چھین والین تخلیقاتن تہ خطن ستر چھ نہ ادارک متفق آسہی ضروری، نہ چھہ نم اندر باوند آمتن خیالن ہنر ادارس گنہج کا نہہ ذمہ داری۔

ہندوستانس منزنی شمارہ Rs 20، سالانہ Rs 80۔ عرب تہ یورپی ملکن منزنی شمارہ \$10، سالانہ \$40۔ تمہن تمام ملکن ہند خاطرہ یمن ہنر کرکسی ہند تبادلہ نرخ ڈالرس مقابلہ سبھا کم چھ، پیہ مول الگ پاٹھو مقرر کرکند۔

نیب ڈاک کہ ذریعہ منگناوند خاطرہ گوہہ پٹھمین پتہ پٹھ لیکن۔ ڈاک خرچ کر نیب برداش۔ ڈاکس منز روومت پرچہ پیہ دوبارہ کہ مزید خرچہ وراے سوزنہ بشرطیکہ امیک اطلاع پیہ پرچہ شائع سپدن والہ رٹکس اندس تام وند۔

سرورقک تصویر چھہ سرینگر کو جوان تہ قابل فوٹو گرافر دانش اسماعیل سند۔ نیب ناوک ڈیزاین چھہ مرحوم غلام رسول سنوٹشن بنوومت۔ پیہ پرچہ آواہیو کیشنل پبلشنگ ہاوس کہ ذریعہ دلہ چھاپنہ۔ ساری حقوق چھہ محفوظ۔

◆ نیب رسالکو پراڈی شمارہ چھہ امہ چہ ویب سائٹ پٹھ پی ڈی ایف چہ شکلہ منز دستیاب۔

منز سوم

- ۲ نیبک مجوزہ املا ۲
- ۳ نیبہ دو: تنقیدی نثر
- ۸ ڈوک مسود: مظفر عازم، رفیق راز، مرحوم طاووس بانہالی، محمد رمضان، شبنم عشتیانی، حیات عامر حسینی، نثار عظم
- ۱۲ امین کامل ٹینگ صائغ ادبی بددیانتی
- ۱۳ امین کامل گنگہ باز (نظم)
- ۱۵ منیب الرحمن گنگہ باز، شاعر سز علامت (تنقید)
- ۱۷ مظفر عازم ژور غزل
- ۱۹ منیب، مظفر عازم سوال جواب
- ۲۲ ہری کرشن کول زول پآرم (افسانہ)
- ۲۷ رفیق راز ... ژور غزل
- ۲۹ منیب، رفیق راز ... سوال جواب
- ۳۳ غلام محمد شاد ڈاکر (نظم)
- ۳۷ اقبال فہیم پچھس رودہ وود (نظم)
- ۳۸ نسیم شفا فی شہر بے صدا (نظم)
- ۴۰ فیاض دلبر ... لوکک نشانہ (نثر پارہ)
- ۴۳ شہناز رشید زہ غزل
- ۴۴ منوج رازدان دیکو زہ بڈ کش، پرون ہمسایہ (نظمہ)
- ۴۶ محمد رمضان ... ژور غزل
- ۴۸ منیب، محمد رمضان ... سوال جواب
- ۵۳ فاروق آفاق نو غزل
- ۵۸ حیات عامر حسینی ... وومید، اکھنعت (نظم)
- ۶۰ منیب الرحمن ... کاشر املاکو مسلہ (مضمون)
- ۷۴ رخسانہ جبین ... زہ غزل
- ۷۵ غلام رسول جوش ... زہ غزل
- ۷۶ جواہر لال سرور ... زہ غزل
- ۷۷ شبنم عشتیانی ... پانژھ نظمہ
- ۸۰ نثار عظم ... زہ غزل
- ۸۱ منیب الرحمن ... مشقہ ہند خالی اند (نظم)، زہ غزل
- ۸۴ تاثرات دود کھنٹھ گلدان منز (شاعری)

نیبک مجوزہ املا (۲)

یمن لفظن منز ہکون یہ اعراب برقرار تھاؤتھ تکیاِ یمن منز چھ
اکثرن پٹھ یئین لفظن ہند مغالہ گوشہان۔ مثلاً ”یز“، لفظس اگر نہ
اعراب تھاو، اتھ تہ ”ز“، لفظس درمیان روز نہ کا نہہ امتیاز۔ ”ز“،
حرفن پٹھ اعراب ترأؤتھ چھ پیہ یم لفظ بنان: تر،۔ یمن پٹھ تہ
چھ اعراب ضروری۔ صرف چھ نہ کینون مرکبن منز اعراف
ضرورت۔ مثلاً ”زمر“۔ یہ ہکون اسی اتھ مرکبن منز اعرابہ
ورأے تہ لیکھت۔ بہ چھسکھ باقی لفظ تہ یئین مرکبن منز اعرابہ
ورأے لیکھان تکیاِ یمن مرکبن منز چھ نہ یئین لفظن ہند مغالہ
گوشہان۔ مثلاً کرمر، سپرمر، وڈی مر، بیتر۔

”ستی“، لفظس چھس نہ بہ اعراب تراوان تکیا ز یہ چھہ یسلہ ورتا وہ
کزی ویلا د، پیہ چھہ نہ اتھ پٹھ پیہ کہہ لفظک مغالانہ گڑھان۔ ”ستی“
لفظس تہ چھہ نہ اعراب ضرورت۔ اتھ پٹھ ہیکہ ”ستی“ لفظک مغالانہ
گڑھتھ۔ مگراول چھہ سہ لفظ سبھاکم ورتاوس منز، دؤیم چھہ سیاق پانہ
امتیاز قایم کران۔ لہذا چھہ نہ ”ستی“، لفظس تہ اعراب کا نہہ خاص
ضرورت۔ ”کزی“، لفظس تل چھہ اعراب ضروری تکیا ز ”کزی“،
لفظس ستی ہیکہ رل گڑھتھ۔ ”کزی“، لفظس تل اعراب تھاتھ
ہکون اس ”کزی“ لفظ تله اعراب تھو دلتھ۔ امتیاز گڑھہ پانہ
قایم۔ ”کتن“، لفظس تل اعراب تھاون چھہ ضروری نہ رو ز نہ
”کتن“، نہ کتن، لفظن درمیان کا نہہ امتیاز۔ ”کنس“، لفظس تل تہ
چھہ اعراب ضروری تکیا ز اتھ تہ ”کنس“، لفظس درمیان گڑھہ امتیاز
رو ز ن۔ ”کنس“، لفظس تل اعراب تھاتھ چھہ نہ ”کنس“، لفظس
پٹھ کہہ اعراب ضرورت۔

باقی لفظن مزرا عراب تھاو نہ، نہ تھاو نہ ستر پیہ نہ کا نہہ فرق تکیا ز یمن
ہند ورتا وچھ سبھا قلیل۔ گس، تہ مکن لفظن تل نے اعراب
تھاو، کا نہہ فرق پیہ نہ۔ ز پچھہ عینہ زیر ہند اعراب چھ سبھا کم لفظن
مز ورتا و نہ یوان۔ اکھ زہ لفظ چھ البتہ تھو یمن ہند ورتا و سلسلہ چھ تہ
یمن مزہ بھو اسی اعراب ورتا و مکمل اٹھ کر کر تھ۔

-- منيب الرحمن

کمپیوٹر انٹرنیٹ چین ضرور شانِ مد نظر چھہ اردو زبان نسخِ خطس کن
پھیران۔ فارسی زبانی چھہ گوڈے پتمہ صدی ہندس آغازس منزے
مکمل پاٹھو نسخِ خط پاننومت۔ امہ لحاظ نسخِ خط چہ کارآمدی کن
وجھتہ پڑن اسہ تہ اور کن قدم تنہی۔ عربی فارسی اردو کو فانت
(طرزِ خط) چھہ یونکوڈ unicode مطابق مائیکروسافٹ کہ ذریعہ
گوڈے دستیاب۔ صرف چھہ یمن منزسائن اچھرن رپرتہ درہنہز
شمولیت کرنک ژیر۔ خوشی ہنہز کتھہ چھہ مظفر عازم صابن چھہ اتھ
سلسلس منز کا م شروع کر مژ۔ نسخِ خط ورتاؤس ستی چھہ اعرابن ہند
مسلمہ پیہ ہن کھر لہ بنان۔ اعرابن ہند ورتاؤ صرف تمن لفظن
منز یمن پٹھہ دو یمن لفظن ہند مغالتہ گوشہ نک اندیشہ آسہ چھہ
ضروری۔ مگر اعرابن ہنہز آرایشی، شوقیہ تہ مدفصول (مدفصول لفظس
پٹھہ گوشہ غور کرن) نمائش چھہ نہ ضروری۔ ہر گاہ اکس لائہ اندر
اعرابوؤس پنہواہ (۵۰) سٹروک (پنہواہ لائہ او گنجہ ٹینڈر دباؤنی)
پوان چھہ، اعراب ہتھہ چھہ یکم ہتہ پٹھہ ڈودس ہتس تام ہران۔
یتھہ شخصس پٹھہ چھس بہ لفظ اعرابوؤ اے یٹھ تہ تمن ہندس سلسلس
منزاکہ مقرر ملائی معیار رچ سفارش کران۔ یہ سلسلہ روز جاری۔

زپٹھ عینہ زیر چھ اکھ مصوۃ لیس صرف کینز نے لفظن منز یوان چھ۔

مثلاً
عَتر عَتر عَتر
عَکَتمَن عَکَتمَن
عَکَسن عَکَسن
رَپ رَپ
رَکَسن رَکَسن
ژَن ژَن
(مَسن) چَپَته
چَپَزم

تنقیدی، علمی نثر گوہر نہ شاعری بنن۔ اتھ منز ہیکن شعری خصوصیت
وچتھ، مگر یہ گوہر نہ تشبیہ سازی تہ استعارہ بازی ہنز مشق بنن۔
وچھو کھیم کینہہ مثالہ:

”مگر سائنس دان سنزہ علامت چھہ حسابہ چین
علامت نہ کتھ فضا حوت ہند مندین پراونج کوشش
کران تہ شاعر سنزہ علامت چھہ مرثان تہ اؤ سطورن
ہند روپ رٹھ اہماکس تنقید گٹا شتس منز اچھ
مرثاوان ز نارہ برہین چھہ پیموش پھولان تہ رتہ
رٹھن یوقوتی رہیہ ووتھان۔“ (رحمن راہی، کہوت
صفحہ ۶۴)

تنقیدی نثر منز چھہ مشابہت تہ استعارہ سبٹھ کم ورتاوندہ یوان۔
تشبیہ چھہ کتہ ساتہ مثال قائم کرنہ خاطرہ دنہ یوان تاکہ زیر بحث کچ
باریکی سپد واضح۔ مثلاً ٹینگ صاب چھہ مجورس متعلق ونان ز مجبور چھ
کاشر شاعری سہ شہہ تہ ششر کماوان لیس اتھ واریاہ کالہ پٹھ
لوگت اوس۔ کاشر شاعری ہندس جمودس چھہ سہ وندہ کال کس
ماحولس تہ مشابہت دوان۔ حالانکہ یہ اوس نہ تیوت باریک نکتہ ز
تشبیہ ہنز ضرورت اوس۔ مجبورن پھٹ وکاشر شاعری ہند جمود وون
روز ہاکافی تہ سیو، سادہ تہ طاقت ور جملہ۔ لفظ سخاوت ہنز اوس نہ بیو
ضرورت۔ بہر حال، یہ چھہ توتہ اکھ مثال۔ اکھ و ہر مثال یمہ ستر زیر
بحث تنقیدی نکتہ سمجھونج کوشش چھہ کرنہ آمز۔ مگر راہی صاب چھ
شاعر تہ سائنسدان سنزن علامت ہنز فرق سمجھونہ خاطرہ پٹھمس
اقتباس منز سبٹھ مجرد استعارہ بازی کام ہوان۔ بیو تشبیہ ستر
چھہ نہ زیر بحث علامت ہنز خاصیت تہ نیران۔ یم چھہ پانہ شعری
علامتہ تمن ہند بیان یا وپوٹھنہ۔ چونکہ لیکھن دول چھہ نہ جملہ لفظن
منز شاعر تہ سائنسدان سنزن علامت ہون کڈتھ ہکان، لہذا چھ
سہ خالص استعارہ بازی کام ہوان۔ اہماکس گٹا شتس منز اچھ
مرثا و تھ پیموش پھولن تہ رتہ رٹھن یوقوتی رہیہ و تھن چھہ نہ تنقیدی
نثر۔ یہ چھہ شاعری۔ وچھون وونی مجورس متعلق ٹینگ صابن تہ

یو دوے تمن ترہن ورن منز نثر لیکھن والہن تہ نثری کامن ہند
تعداد ہر یو، مگر یہ نثر چھہ نہ کلہم پاٹھ تھ معیارس و تہ وومت یک
ازیک پرن دول تقاضہ کران چھہ۔ ساروے کھوتہ پتھ چھہ سون علمی
یا تنقیدی نثر۔ افسانوی نثرس منز چھہ سبٹھ پیش رفت نظر گوہان،
مگر تنقیدی نثر چھہ و تہ ترجمہ کاری تہ ممدود، کینہہ ہاسپد سیو دتہ
کینہہ ہا وگہ۔ یو دوے امہ کچ ترجمہ کاری تنقیدی نثرہ کہ لفظی آسک تہ
بوک وجہ بنیہ، تاہم ہیو و ہے وجہ سائہ تنقیدی نثرہ کہ لفظی آسک تہ
وجہ۔ یو نہ کتہ چھہ نثرس متعلق کینہہ نکتہ پیش یمن پٹھ سوچ کرکچ
ضرورت چھہ:

نثر گوہر پننس اسلوبی اعجازس، رنگین تہ بہترین لفظ ووترس بجایہ
نفس مضمونس متعلق پرن ولس منز دلچسپی پیدا کرن تہ سو دلچسپی
برقرار تھان۔ تاثیر تہ طاقت چھہ تمن والہ، وہ رؤس، تہ سادہ
نثرچ خاصیت۔ نثر گوہر استدلال قائم کرن۔ امیک راد گوہر نہ
نفس مضمونس پتھ ترا و تھ بروہہ نیرن۔ یہ گوہر نہ عبارت آریانی،
لفظ سخاوت، لفظ گنہ، گول مول کھن، تضاد بیانی تہ زبان سازی
ہند مجموعہ یمن۔ یہ گوہر نہ تھوژ آسن یعنی امیک اندرون (علم) تہ
بیرون (زبان) گوہن اکھ اکس ستر پکڑ۔

طاقت ورن نثرچ پہچان چھہ امیک اختصار، آہنگ ہموازی، ربط،
استدلال، جملن ہند تنوع، امیک پزر، صفتن ہند کم ورتاوندہ، سادہ، جامد
تہ غیر استعاراتی زبان۔ نثرس منز یا کتہ تہ ادب پارس منز گوہر غیر
ضروری طول تہ وضاحت نش احتراز سپدن۔ بیو دوشوی چیز وستر
چھہ نثرس تاثیر تہ پرن ولس دلچسپی راوان۔ نثرس منز یوت ارتکاز
آسہ، چاہے تہ تنقیدی نثر آسن یا ادبی، تیوت چھہ امیک اثر تہ طاقت
ہران۔ طولس تہ وضاحتس منز چھہ عبارت آریانی، لفظ ژرہ، جملن
ہند تچھر تہ کج بجٹی تہ ہر ہر کران۔

پورہ اقتباس۔

مُجور چھ کاثر شاعری سہ شہہ نہ ششتر کلاوان لیس
اتھ واریاہ کالہ پٹھہ لوگمت اوس۔ نلہ کثر ونگلنگ یہ
عمل چھ عجیب انداز نہ ادا تھاوان۔ ششتر گانہ چھہ
امہ آواز ہند تا شیرہ ستر آوسان نہ تموا اندرہ چھ
وہ لیسومت آب فوارہ پٹھہ ووتھان نہ نژان۔ شہیمہ نہ
ہاٹھیمو پٹھہ وصل آمادہ زنانہ ہندی پاٹھی و نشان
نہ زمان۔ امہ کہ وچھ تلہ چھہ درقم، ٹینکہ پٹھہ نہ اچھہ
پوشن ہنزہ رنگہ وکیر تھہ کئی برجستہ یوان۔ تھہ کئی
غالب سندس معشوق عاشقہ سند اتھہ لگتھ گلستان
پٹھتھ یوان چھہ۔ (دیباچہ کلیات مجور، صفحہ ۵۳)

یمن تشبہن، استعارہ بازی نہ اتھ منظر کشی کس ونہ تنقیدی نثر؟ یہ
زبان ہیکہ اویہ ایا ریڈیو فیچر خاطرہ مناسب آستھ۔ تنقیدی، علمی
نثرس منز ہیکو کہ عمومی تعریف کرنے کہ غرضہ تم لفظ ورتاوتھ یمن منز
استعارہ آسن مثلاً پٹھہہ اقتباسک گوڈ نیک جملہ مگر یہ استعارہ پورہ
پیرا گرافس منز بروہہہ پکناوتھ نہ مزید متعلقہ استعارہ ورتاوتھ چھہ یہ
اقتباس شاعری بنان۔ تھہ نثری نظم و نثہ ہیکو۔ لہذا گوڈ نیک جملہ
لیکھتھ تھہ منز جمود پھڑ اونچ مثال دنہ چھہہ آمثر چھہہ باقی ژورن
جملن منز شاعری سہز مثریمہ ستر مجور سہز شاعری متعلق کا نہہ تنقیدی
نکتہ بروہہہ کن چھہ نہ یوان، بلکہ چھہ معاملہ ہم بنان، یوت زیہم جملہ
ہیکن کا نسہ تہ اہم شاعر س پٹھہ چسپان سپد تھہ۔ یہ چھہ غیر ضروری،
غیر متعلق نہ خالص شعرہ زبانی ہند ورتاوتھ۔ یو دوے اتھ نثرس رتھہ
کھنچہ مزہ ہیو یوان چھہ مگر سستی چھہ پرن ولس احساس سپدان نہ مقالہ
نگار چھہ خالص عبارت آرایہی کا مہو ان پچ نہ تنقیدی مضمون منز
کا نہہ ضرورت چھہہ۔ اتھ مٹھن (۹۰) لفظن ہندس اقتباس منز
چھہہ اٹھن (۸) لفظن ہنز صرف اکھ کتھ ونہ آمثر مجورن پھڑ دو
کاثر شاعری منز واریاہ کالہ جمود۔ باقی چھہہ شعری، جنسی عبارت
آرایہی۔ ژھر جملہ بازی نہ عبارت آرایہی ہنز بیا کہ مثال وچھو ٹینگ

صائبس شمس اقتباس منز۔

دینا ناتھ نام سہز آواز سہز اکھ تیتھہ پٹھہ ثابت یکر
سو درہ کین سہزن پاژ گرتھہ تمہ منزہ اظہارک ہمالہ
پرہت ہیز رکھور۔ نام سندری آلون دیت کاثرس
لفظہ سمندر سچھو پٹھہ نہ امہ کس پٹھہ لگو اظہار
نہ پاوژ ہندی پروہ تراوونی نہ ہے بنگہ کرونی لال جواہر
نہ موختہ انہر۔ نامن اوس کاثر زبانی ہندس ساری
سے ارزتس کھو لو تھہ امکو تم امکان دریاف کردی مثریم
تمس بروہہہہ ژھپٹھہ تھہ نہ ژھو پے کتھہ آس۔ نامن پیو و
کاثر پاوژ بل کو لافانی فنکار و منزہ اکھ۔ تھہ شاعر
چھہ ساری سے تہندی اندری پکھس ژہہ تھہ تمیک
بہترین سہہہہ نہ زیہہہہ پانس گن انان نہ تھہ منز پٹھہ
تخلیقی نہ ژہند گاش تا تھہ اکھ تھہ فی اڈرن وجودس
منز انان یوہہ لوسہ مٹھہ پٹھہ کالک نہ بینہ والہ پگہک
نالہ مؤت ہش آسان چھہہ۔ یہ دور پیو و دینا ناتھ
نامن سند دور۔ (دینا ناتھ نامن سہز شہلو گل شعرہ
سو مہر نہ ہندس نامہ، صفحہ ۶۷)

یم جملہ چھہ تھہ پاٹھی اکھ اکس پتہ لیکھنہ آمثر۔ سارانی جملن منز
چھہہ لون (۹) لفظن ہنز اکے کتھ ونہ آمثر نہ نامن کردی اظہار کو نہ
زبانی ہندی نوڈ امکان دریافت۔ باقی چھہہ غیر ضروری وضاحت۔
حیرت چھہ یہ زیہن جملن منز چھہہہ صرژہ تہ کئی۔ گوڈ کس جملس منز
چھہہ آواز، پٹھہ، سو در، پاژ کزن، اظہارک ہمالہ پرہت ورتاوتھ آمثر
نہ دویمس جملس منز چھہہ آواز ڈاٹھہ آلو، پٹھہ ڈاٹھہ چھو پ، سو در
ڈاٹھہ سمندر نہ اظہارک ہمالہ پرہت ڈاٹھہ اظہارک لعل جواہر لفظ
ورتاوتھ آمثر۔ تریم جملہ چھہ ہنا تجریدی مگر پیہ تی وان یہ پٹھہن
جملن منز ونہ چھہہہ آمث۔ حد چھہہ نہ امہ پتہ پیو و جملہ چھہ لفظ
بدلاً تھہ پیہ تی باوان یہ پٹھہ ہند فراد باوتھہ گئے۔ وڈی چھہ ٹینگ
صاب سمندر چہ جایہ تہندی او ندیہ کھ لیکھان، پٹھہہ یا چھو پ دنہ چہ

جایہ چھڑہہ دین لیکھان، اظہار کہ ہمالہ پر بت یا لعل جو اہرن ہنز
جایہ بہترین سریہہ تہ زیہہ لیکھان۔ اکے کتھ لفظ تبدیلی کرتھ پھر
بکھر ونہ ستر چھڑہہ تنقیدی نکتہ واضح سپدان۔ دپان اکہ لہ بوڑن گوڑ
ساسہ لہ بوڑن۔ اتھ نثرس منز چھہ انڈر سٹیمٹ کھوتہ لچھ درجہ و
پایہ مبالغہ آرائی۔ تنقیدی نثرس منز گروہہ امہ لفاظی نش احتراز
سپدان۔ پیہہ کینہہ مثالہ:

”امہ کہ مقبولیت کو راش ونہ خاطرہ آہ اتھ منز تھہ کنی
کینہہ مذہبی باتھ لیکھنہ تھہ کنی کینون زلہ ونن فلمی
باتن ہندی پنہ گوڑ مثر اوتھ چھہ نجبن ہند پینگ
وپھنا ونہ یوان۔ مجورنی امی تازہ زبانی ورتاون کوڑ
کاشر ادبک اکھ تو و تھ تو۔ یہ اؤن زمانہ چین
سوچن تراین تہ باون طرحن نکھہ پہن تہ ایچ میڈ
مشیپہ سونہ کہ تمہ داں ڈورک پاٹھی یو زمستانج
سارے بریس تہ کھوکھس و تر اوتھ آسہ۔ (محمد
یوسف ٹینگ، راش، صفحہ ۸۶)

یہ گروہہ یاد تھ اؤن تنقیدی، علمی نثرس منز چھہ مشابہتن ہند ورتاو
تیوتے غیر مستحسن پوت کلیشین یا پامال فقرن ہند چھہ۔ بیا کہ مثال:
”گوڑہ گوڑہ باسیو نادمن یہ آلو گراہن ہندی پاٹھی
بابنک تہ عجیب۔ تمہ گجر ڈولکہ ڈم ڈمکو پاٹھی یس
میدانی انسان گوڑہ گوڑہ تلواں تھان چھہ مگر تھہ کنن
یہ لے ویز چھہ گروہان ادہ چھہ اتھ لیہ پٹھ کچہ گام
کین ہندی پاٹھی قدم بے اختیار نزن ہووان۔ گوڑہ
گوڑہ اوس باسان ز زو آہ کہ پتر شاٹھکی پاٹھی مامار
نادمن یہ شاعرانہ مثر اکھ بے وایہ ژھٹھ تہ پتہ وسہ مدہ
تہ گروہہ جانہ مرگ۔ (پیہہ سے پان، رگن ہنز
پارڈان صفحہ ۱۱۷)

تجربہ دیتک، بے معنویتک، استعاریتک، لفظ گنبرک، عبارت
آرائی ہندا انتہا وچھو راہی صاب نس نمس اقتباس منز۔

کیٹس اوس وڈنمت زسہ چھہ پر تھہ کانہہ لفظ مضہ
کہ وکھنکی پاٹھی محسوس کران۔ ازیک شاعر چھہ نہ
لفظن پوت بلکہ پتیس ساری سے تجربس و اُنچہ چھو کچ
رہہ تہ خیالہ کہ شہیرک و ہرا و بناوتھ شعور کہ تاہ تہ
لا شعور کہ و ہر ونہ انہ گٹھ منز پکناوتھ بتاہ ہندس
آکینس تہ پر بتاہ ہندس پلس پانہ و اُنی ٹھوسہ ٹھوسہ
منز شریک کرتھ فنک و و پڈا و وجود عطا کر کچ کوشش
کران۔ (کھوٹ صفحہ ۲۶۴)

یہ چھہ بالکل بے معنی اقتباس۔ لفظ کہ تحرک کس باریک نکٹس کن
اشارہ کرنہ خاطرہ چھہ کیٹس اکھ سبٹھا و ہز مثال دژمثر (انسانہ سند
نبض)، مگر راہی صاب چھہ از کس شاعر سنز کار کردگی ہندس سلسلس
منز تر و زہن (۵۳) لفظن ہندس اکس نہایت ز تھس تھلس منز
شہ ستھ صرژہ ورتاوتھ سرونے مجر داستعارہ بازی کران۔ خراب نثرہ
کین نمون ہندس مقابلس منز چھہ یہ اقتباس نمبر اکھ انعامک مستحق۔
راہی صاب چھہ شعر کیا گوڑ کس سلسلس منز دان:

”شعر پون یا بوڑن گوڑ گولابس مشک ہون تہ
محسوس کرتھ تھہ حض ثلثن۔ یا منز تھس نارٹن تہ
دزن دگ ژیتھہ پرز ناوڑ۔ تھس حالس ہے معنہ
کر کی زتہ کیا؟“ (شعر شناسی، صفحہ ۱۳۹)

بیلیلہ تہ کانہہ اہم نکتہ پرن و اُلس سجاوچ ضرورت چھہ پوان،
سانی یم نقاد چھہ استعارہ بازی کام ہووان۔ شعر بوڑن تہ گولابس
مشک ہون چھہ نہ کنے چیز۔ یہ چھہ استعارہ ورتاو۔ اگر کنے چیز آسہ
ہے، شعر پر نہ کھوتہ کونہ انون گولابے تہ تھہ ہیمو مشک؟ شعر کیا ز
پرون؟ امہ قسمہ چہ استعاراتی، شعری زبانی ہنز نا کامی ژیتھہ چھہ
سون اکھ اہم نثر نگار اختر محی الدین لیکھان۔

”دانا ہس اکس پرژھکھ ز افسانہ کیا گوڑ؟ جواب
دو پٹھ زندگی ہند دریاوک اکھ آپہ قطرہ یس افسانہ
نگارن کہہ اندازہ تاہ زژان سدن روڈمت آسہ ز

امک ساری رنگ گوھن در پٹھ۔ یو دوسے یہ جواب
 بڈ خوش کروں چھ مگر امہ ستر چھ نہ وارہ تون نیران ز
 افسانچ ہیئت کیا گوھہ آسن۔ (افسانہ کیا گو؟ نیب
 ۲۳)

یہ گوھہ یاد تھاؤن ز استعارتی زبان چھہ تمن موقعن پٹھ شوبان پیتر
 نس تنقیدی نکتہ سجا ونہ بجایہ عام تعریف کرنی مقصود آسن۔
 تنقیدی نثر گوھہ نہ تقریر تہ انشا پردازی بنن۔ اچ آواز گوھہ نہ بلند
 آہنگ آسن تہ یہ گوھہ نہ تھہ بن دعوا بن تہ تھکک یا مبالغہ آرایہ ہند
 میدان عمل بنن۔ تھس نثرس منز چھہ لیکھن والو سند تہ پرن والو سند
 تمام تر توجہ امہ کس آرایشی پہلوس پٹھ روزان۔ مضمونس منز پیش
 کرنہ آمتن خیالاتن تہ راین ہندس صحتس کن چھہ نہ توجہ سپدان۔
 نثر گوھہ نہ مصنوعی بنن۔ یو کینہ ووجہ ووجہ کون نثرس منز مصنوعیت پیدہ
 گوھان چھہ، تمن منز چھہ غیر ضروری تہ حدہ رؤس استعاراتی یا
 شعری زبان تہ انشا پردازی علاوہ، غیر مانوس لفظن ہند ورتاؤ، لفظ
 کاشراونک تہ زبان سازی ہند حدہ ڈلتھ عجیب غریب شوق بیتر
 شامل۔ یم لفظ عام ورتاؤس منز آسن تم الگ گن تر آؤ تھہ غیر مانوس
 لفظ ورتاؤ تھہ نہ لفظ تھرے کرتھ چھہ نہ نثر علمی بنان۔
 تضاد بیانی تہ گول مول اظہار چھہ نثرس بہ پڑھ تہ بہ وقعت بناوان۔
 نثرک آہنگ تہ چھہ کامیاب نثرہ خاطرہ اہم۔ یہ آہنگ گوھہ صوتی
 تہ آسن تہ معنوی تہ۔ ساختی تہ آسن تہ استدلالی تہ۔ جملن درمیان
 گوھہ تہ تھہ ربط آسن ز پرن وول گوھہ نہ نثرک بڈ حصہ پڑھ واپس
 پھیرن یہ سرہ کرنہ خاطرہ ز لیکھن والو سند مدعا کیا چھہ؟ لیکھن والو
 سند مدعا گوھہ نثر پرنس ستر ظاہر سپدن۔ امہ خاطرہ گوھہ نہ
 پرن ولس چھہ ضرورت پینز۔

نثر گوھہ پرنس منز ہموار آسن۔ جملن غیر ضروری ز پھر دنہ ستر چھہ نثر
 کھر دلہ نہ غیر ہموار بنان تہ پرنچ روچھہ متاثر سپدان۔
 نثر گوھہ ہمیشہ زو ستر پرن۔ یمہ نثرک آہنگ کن خراب باسہ، تمیک
 آہنگ باسہ اچھن تہ خرابے۔ اگر نثر نگارس پتن نثر پرنس منز گوھہ

گوچہ گوھن، یہ گوھہ زانن ز پرن وول تہ ہیکہ نہ سہ نثر ہمواری
 سان پڑتھ۔ نثر گوھہ نہ پرنس یا پوزنس منز بد ہیئت، بد آہنگ، بد مزہ،
 تکراری، مشکل یا غیر واضح آسن۔

پنس نثرس گوھہ نہ جذباتی حدس تام لور سپدن۔ نظر ثانی چھہ
 ضروری مگر یہ گوھہ زوئاس کڈنہ بجایہ تنقیدی آسن۔ بلکہ گوھہ پتن
 نثر بیس اتھہ پرنان تا کہ یم غلطی پانہ نظر انداز سپدن تمن ہنز ہیکہ
 نشاندہی سپد تھہ۔ یہ چھہ امہ موکھہ تہ ضروری تکیا ز کاشرس منز چھہ نہ
 چھین والین کتابن تہ رسالن کا نہہ ایڈیٹر پرن تہ کنہ فصحیح کران یا
 امیک مشورہ دوان۔ نگارشاتن تہ پرن والین درمیان چھہ صرف اکھ
 کاتب آسان۔

جملن ہند تنوع تہ چھہ نثرس منز تاثیر تہ طاقت پیدہ کران۔ اکس پٹھ
 اکھ، اکی طرز کو جملہ چھہ نثرس منز یکسانیت تہ تکراری آہنگ پیدہ
 کران، یس پرن والو سنز دلچسپی منز کی انان چھہ۔
 یو چیز و علاوہ گوھہ گرامرس تہ زبانی ہنز باقی غلطین کن تہ دیان
 دین۔

نثر گوھہ سادہ آسن۔ سادہ نثر چھہ صاف نثر آسان۔ اتھہ منز چھہ
 صفتن تہ متعلق فعل لفظن ہند ورتاؤ کم سپدان۔ یہ چھہ نہ عجیب لفظن
 تہ پانس کن توجہ پھرن والین فقرن ہند ورتاؤ کران۔ یہ چھہ استعارن
 ہنز شاندار تہ ثقافتی اشارن تہ یکن ہند ورتاؤ نش تہ دور ہوان۔
 اتھہ منز چھہ نہ شعری نثرچ جذباتیت تہ مبالغہ تہ نہ نام نہاد علمی نثرک
 گنہر تہ مصنوعیت آسان۔ سادہ نثرک پز، دیانت تہ صحت گوھن نہ
 خوبصورت تہ رنگین نثرہ چہ مشتبہ کار آمدی تہ نثرہ کس اُکھت علمی
 چھلاؤس پٹھ قربان کرنہ تہ۔ انکار، شعری تہ پراو دار نثرک
 اسلوب چھہ نفس مضمونک مول ہر راوان۔ یہ اسلوب چھہ لہذا بجا طور
 مگر اکثر غلط پاٹھو کینون فن کارن یانن پارن متعلق غلط تہ اپز کو خیال
 تہ عام کران۔ اتھہ برعکس چھہ سادہ نثر پندہ نوعیت کو سبھا محتاط
 آسان۔ سادہ نثرچ خوبصورتی چھہ امہ چہ محتاط سادگی اندرے
 موجود۔ سادہ نثر لیکھن چھہ نہ آسان۔ یہ نثر لیکھن چھہ یہ دل ز تہ

دانشمندی ہندکارنامہ۔ سادہ نثر کہن ژھوٹین جملن درمیان شہہ پٹنج
 جاعے چھہ پران والی سند رفتارہ خاطرہ ضروری۔ یہ چھہ نہ خوبصورت
 نثر کو پاٹھو خالص تصوری آسان بلکہ چھہ اتھ منزاکھ شہیت پیدہ
 گوہان یوس تنقیدی نثرہ خاطرہ ضروری چھہ۔ نثرچ یہ شہیت
 چھہ نہ پانس کن توجہ پھران بلکہ چھہ یہ دریافتک حوالہ بنان۔ یہ نثر
 چھہ نہ پانہ مقصد بنان بلکہ اکھ ذریعہ۔ لہذا چھہ سادہ نثر تنقیدس منز
 سبٹھا کارآمد۔ سادہ نثرس منز چھہ انکسار۔ اکثر چھہ چھنس منز آمت
 زیوہ اولس ہران چھہ ادیب چھہ سادگی کن پھیران۔ لہذا یہ وٹن
 روز نہ غلط ز سادہ نثر چھہ بالغ نثر۔ سادہ نثرچ اکھ خاصیت چھہ یہ ز
 یہ چھہ صاف تہ روشن آسان تہ امہ کن چھہ اتھ منز شرافت تہ
 شایستگی۔ یہ نثر چھہ قاری لیس عزت تہ اعتماد تہ حساس تہ ذہن آسنک
 اعتبار بخشان۔

-- منیب الرحمن

زوک مودر

یہ عنوان تحت چھپنے نیک کین مشمولاتن متعلق تنقیدس تہ
تھینس پٹھ بنی پرن والین ہنزہ رایہ پیش۔ یہ سلسلہ
چھ خاص کرنوں لکھارہن ہنزہ تریہ تہ حوصلہ افزائی خاطرہ
ضروری تہ اہم۔ وومید چھپ پرن والی کرن پنہ ناوہ سان
یاور اے امہ رنگو خط سو تہ تھ تھ روٹ۔

۴۴ چانی نظم کوٹن ہنزہ چھہ جان نظم۔ بہلا رینہ چھہ ل دید
ہنزہ شاعری پٹھ بہترین کام کر مرث۔ مہ چھہ نہ تسن پورہ کتاب
وچھمو۔ وومید چھہ سو تھاو یہ کام نندہ ریشہ سنز شاعری پٹھ تہ
جاری۔ چائن سوالن ہندی جواب چھہ ستر۔ گوڈہ کرہ بہ سودہ یم
سوال پرژھہ خاطرہ شکر یہ تہ مبارک۔ شکر یہ تکیا ز امہ ستر چھہ باس
لگان ز سوال پرژھن والی چھہ شعرس واقع کوشش کر مرث۔ مبارک
تکیا ز نیک زندہ تھاو تھ چھکھ ژہ اکھ کارنامہ انجام دوان تہ تھ سوال
چھہ ذمہ داری ہندسہ رویہ ہاوان لیس سانہ برادری منز آسن سبھا
ضروری تہ موجود ہناک چھہ۔ مظفر عازم، ورجینیا، امریکہ
۴۵ یوت نام پتمہ شاکر تعلق چھہ شاعری ہند حصہ چھہ کمزور۔ مہ آو
نہ پنہ کتابہ پٹھ چون تبصرہ بالکل پسند۔ رسالک گیٹ اپ چھہ
جان۔ کور آم سبھا پسند۔ تھی کور گپھن آسن۔ چانیو سوالودیت مہ
وٹش تہ مہ نیو پورہ مضمون لیکھتہ تہ منز چائن تمام سوالن ہندی
جواب چھہ۔ رفیق راز، ریڈیو کشمیر، سرینگر

۴۴ (یہ خط اوس ۱۹۸۲ عیسوی منز راولپنڈ پٹھ پاکستانکو اکو کاشری
ادیب مرحوم طاوس بانہاکی سید محمد یوسف بخاری لیس لیو کھمت، لیس
لاہورہ پنجاب یونیورسٹی منز شعبہ کشمیر یا تک صدر رودمت چھہ۔ اس
چھہ یہ خط پرن والین ہنزہ دلچسپی ہند خاطرہ مظفر آباد کہ نیرک پوٹ
رسالہ تہ محمد یوسف بخاری سند شکر یہ سان شایع کران۔ طاوس بانہاکی
سندہن کارنامن منز چھہ ل دید تہ شیخ العالم سنز شاعری ہند منظوم اردو

ترجمہ لیس پاکستانس منز شایع سپد مت چھہ۔

برادر یوسف، ۱۹۵۰ پٹھ ۱۹۶۰ تام یم داہ وری گذارم تم آسن
پر تھ رنگہ امتحانکو وری۔ اردو زبانی منز پنہ فنک اظہار کرن والی لوکھ
آسن سبھا مگر کاشرس منز فنی یا ادبی لحاظہ اتھ روٹ کرن دول اوس نہ
کانہہ۔ میانی پیشرو کاشری میر غلام احمد کشتی صاب، احمد شیم صاب
بہتر آسن بنیادی طور اردو پاٹھو سو نچان تہ لیکھان۔ کانہہ کاشر کتاب
مہیا آسنک یا کاشر اخبار تہ رسالہ فراہم سپدنگو ساری وسیلہ آسن میانہ
خاطرہ اکھ خواب۔ مالی وسیلہ اوس ادبی وسیلہ کھوتہ محدود مگر یمین
داہن و رین ٹل مہ اردو شعبس اندر بولنہ تہ لیکھنہ رنگو اردو شاعرن
، ادبین تہ موسیقارن نشہ سبھا فیض۔ ۱۹۶۱ منز کر مہ کچول شاف
آرٹسٹ روزنہ بدلہ ریڈیو منز نیوز ٹرانسلیر سند حیثیتہ باقاعدہ
ملازمت۔ تہ امہ باقاعدگی ہند نتیجہ دراویہ ز ۱۹۶۳ منز کو ر مہ اردو
ادبس منز ایم اے۔ ۱۹۶۷ منز سپد میون خاندن۔ شرر چھہ علاوہ
چھس تہ پٹھ کاشر کتابہ حاصل کر تھ پنہ شعر وادبک مطالعہ تہ
کران۔ شعر وادبک مطالعہ چھہ اٹھن داہن و رین ہنز وائے پٹھ۔
مگر ادبی تخلیق خاطرہ پان وقف کرنک رودم حسرتے۔ بقول فیض
کچھ عشق کیا کچھ کام کیا دونوں کو ادھورا چھوڑ دیا

مہ چھہ باسان رکارد خاطرہ پان ازتمہ کتھ ضرور کرنہ یم نہ بہ زانہہ
پانس ستر تہ کران چھس۔ پانس متعلق یمہ ابتدائی کتھ مہ لوک پارہ چہ
یاد چھہ پوان تمن منز چھہ سرفہرست گپون، وٹون تہ کتابہ پر نہ یعنی
بیبلہ سانہ گر یا ہمسایہ تہ اشناون ہند گر وندہ را اٹن منظوم کاشر کتابہ
آسہ پر نہ یوان۔ یمے ترہ چیز یعنی وٹون، گپون تہ کاشری منظوم
خاص کر تھ رومانوی مثنوی پر نک شوق رود مہ ہمیشہ نالی نال۔ بہ
اوس سبھا لوکٹ بیبلہ بہ یمہ کاشر کتابہ فر فر پران اوس تہ پنہ خوش
الحانی سببہ گامہ گپون وائن منز لہرہ تراوان اوس۔ میون بابہ صاب
اوس نہ صرف پنہ گامک بلکہ اندر پتر سارے علاقک رومانوی
ہیرو۔ خوشحال، خوبصورت، بہادر، خوش آواز تہ پورمت لیو کھمت
آسنہ سببہ اکھ بانہاکی مہم جو۔ میون تہ آئیڈیل مگر ستم اوس یہ کہ گونہ

پٹھہ کا شعر کتابہ پر پس تام، تموک چننس یا شرین ستر گندس پٹھہ اوس مہ ستر انتہائی ظالمانہ سلوک کران۔ اٹھمہ جماعہ تام رود مہ ستر ظلم جاری مگر بہ رودس نہ بیوتریہ پو شوق نشہ باز نہ نومہ جماعہ منر پٹھہ و مہ اسلام آباد کس حنفیہ بانی سکولس منر داخل سپدن بیتہ تقریباً ڈوڈس وریس بہ آزادی سان عیش کران رودس۔ اسلام آباد سے منر کر مہ کینون ہم ملکتین ستر تہند گرہ گوتھتہ شاعری تہ موسیقی ہنر تہن منر مغلن و چنچ سعادت حاصل یمن منر گل بکاولی ہند مصنف لہ خان، اسلام آباد کہ حنفیہ سکولک سخت گیر فارسی پیہ اردو ٹیچر غلام نبی میر تہ ماسٹر محمد رمضان، اسلام آباد چ مشہور ادبی تہ سیاسی شخصیت غلام محمد زندہ دل یم ساری ہمعصر تہ موجود آسان اُسر۔ اردو فارسی تہ کاشر صوفیانہ شاعری اُس باقاعدہ سازن پٹھہ گو نہ یوان۔ یمن مغلن منر گوتھنہ ستر اُس مہ اک عجیب کیفیت محسوس سپدان۔ شاید آس اُتھر جنونی کیفیت منرے امی وریہ پاکستان اُتھ۔ آزاد کشمیر ہندس سرحدس پٹھہ قدم تراوڈ نے گئیہ مہ پٹھہ دنیاچہ تلخ حقیقہ واضح۔ آزاد کشمیر ریڈ یوکس سٹوڈیوس منر داخل سپدھ کیا زیون مہ کیا ہورم، یہ سورے چھ وونی بے معنی باسان تہ فراق گورکھپوری سند اکھ پرون شعر یاد پاوان۔

ترک محبت کرنے والو کون ایسا جگ جیت لیا
عشق سے پہلے کے دن سوچو کون ایسا سکھ ملتا تھا

ریڈ یوکس منر یمن شاعران ادیبین ستر شناسانی سپز تمن منر اوس نہ کانہہ تہ باقاعدہ کاشری پاٹھر شاعری کران۔ لیکن اردو شاعران منر اُس شاید مختار صدیقی مہ ساروے کھوتہ زیادہ ٹاٹھر حالانکہ تمن ستر گذر مہ سبٹھاکم کال لیکن شاعری تہ موسیقی متعلق رودس بہ سبٹھا حدس تام تمن ووستاد تصور کران۔ امہ اثر پذیری ہند اکھ فایدہ یا نقصان سپد یہ کہ اصل شاعری یا کھوٹ یا شوقیہ ادبس درمیان فرق کرک شیدا احساس رود ہمیشہ دامن گیر۔ ووستادن مقابلہ باسیاہ پننن ہمعصرن ہنز شاعری اکثر نہ صرف کم مایہ بلکہ سپد یہ خیال یقینس اندر تبدیل کہ شاعری بلکہ تمام فنون لطیفہ چھہ فنکارس بیعت

کرناؤتھ پنڈی سارے زندگی وقف کرنک شرط تھاوان۔ لہذا چھہ یہ کینہہ ترجیحی بنیاد پٹھہ کزن فرض۔ دویم کتھ یہ کہ پوزونہ خاطرہ گوتھہ سلیقہ علاوہ جرات تہ آسن۔ میانہ خاطرہ روزاصل رکاوٹ یہ زبہ چھس کاشری پاٹھر لیکھن یژھان مگر نہ چھم بوزن دول کانہہ نہ چھاپن دول تہ نہ چھم فراغت حاصل۔

کتھ گرہ کرٹل، کتھ گرہ ہانکل، کتھ گرہ ناؤن جہار

مون طاوسن، زون شمیمن، یارس گاراں یار

طاوس بانہالی، راولپنڈی، پاکستان

بہ گس لاڈ شاعر چھس زٹہہ ہیئتھ مہ انٹرویو کرنی۔ خیر جواب چھہ حاضر۔ پسندینے تہ چھپاؤ زبکھ۔ کامل صابنہ مضمونہ ستر چھہ یہ کتھ کافی شہادتہ سان ثابت گوتھان زکلیات رسول میر چھہ نہ ٹینگ صابن پانہ ترتیب دستمت۔ یہ ادبی ژورننگہ کرنہ خاطرہ گوتھہ کامل صابن شکر یہ کرنہ یمن۔ کلیات مجورس متعلق تہ چھہ کامل صابن استفسار سبٹھا اہم۔ مہ دژ پانہ کلیات مجورس نظر۔ ژورس صُخس پٹھہ چھہ کینہہ لفظ اکھ انہم ژینہ وڈی، عنوانہ دتھ۔ اتھ اندر چھہ لیکھنہ آمت: ”ہر گاہ اسے تھہ کتہہ کلیات مجور ناو چھہ کورمت... توے تھہ اُور نہ یم اسے تھہ کلیاتس منر...“ لفظ اسے چھہ ہاوان ز ترتیب دنہ دول چھہ نہ کئے نفر اوسمت۔ یینوٹ چھہ باسان ابن مجور نہ حیاتی منر تس دیدمانہ لیکھنہ آمت۔ پتہ بیلہ تم گذر یہ کلیات کس اُخری صُخس پٹھہ چھہ ٹینگ صابن حرف اُخر لپو کھمت تھہ منر سہ لیکھان چھہ: ”کلیات مجور ترتیب دس لگو میہ زہ وری تہ سبٹھا محنت۔ مہ اُسر مرحوم محمد امین ابن مجورس نشہ تہ واریاہ...“ یہ چھہ کلیاتس منر اندرونی شہادت موجودیمہ مطابق کامل صابن دعویٰ صحیح چھہ باسان ز یہ کلیات اوس بنیادی طور ابن مجور صابن ترتیب دستمت۔ اگر گوڈنکھ اقتباسک اسے طرز اسلوب مانون، تیلہ گوڈنکھ حرف اُخرس منر تہ یہ اسلوب برقرار روژن؟ تھہ منر کیا ز چھہ اسے بدلہ مہ لیکھان۔ نیس پز یمن ادبی ژورن خلاف دستخطی مہم چلاؤ۔ محمد رمضان، سعودی عرب

استعارہ رسالہ اندر حقانی القاسمی سندھیہ مضمونک کا شتر ترجمہ
چھبیس سوزان۔ سہ اوس / منہ چہ رگہ شٹھران / لولس تلہ کتر
کران / تہ لولہ ڈھو / ششتر گائٹن منز / ڈوٹین پٹھ / لوکہ پٹن اویزان
کران / سہ اوس / ہو، ہو، زنتہ چلے کلان

شبہنم عشایی، سرینگو

زبان، تاریخ، مذہب چھہ ترہ الگ تہ بیون تصوراتی تہ عملی دائرہ
کار، مگر یہ سوال چھہ بنیادی زمین ترین درمیان چھاکلی بہنہر کنہ یم چھہ
اکس ستر / لولر پکان - water-tight compartmentalization کلی
بہنہر چھہ زندگی تہ زندگی ہندن مختلف دائرہ کار منز ممکن، کنہ یہ چھہ
محض اکھ مفروضہ تہ قضائی غلطی category mistake یا اکھ قضائی
مغالطہ fallacy - زندگی چھہ اکھ اتھاہ، ناقابل تقسیم تہ تیز رفتار
حرکت۔ اگر نی چھہ تہ بی چھہ، تیلہ چھہ بیہ کینہہ اہم سوال پیدہ
گوشہان۔ مثلاً زبان کیا گئی؟ مذہب کیا گوی؟ تاریخ کس کیا چھہ
مطلب تہ معنی؟ یہ تہ پیہہ وچھن زمین ترین کیا تعلق چھہ پانہ والی تہ یم
کیا اثر چھہ اکھ اکس پٹھ تراوان؟ یہ سوال تہ چھہ اہم زمین ہی زبان
کیا گئی؟ مذہب چھہ تاریخ یا تاریخ کس چھہ کا نہہ مذہب آسان؟ یم
ساری سوال چھہ اسہ نوان تہذیب کس معنیس تہ حرکتس کن۔ بیا اکھ
سوال یس تہذیب، زبان، تاریخ تہ مذہب ستر یا یمن ہندس شتر محس
ستر وابستہ چھہ، چھہ یہ ز اظہار کیا گوی؟ زبان اگر انسانی
احساسات، ضابطن، تمناہن، تہ اعمال ہند اظہار چھہ، تیلہ کیا چھہ
مذہب، تاریخ تہ تہذیب؟ تہ یمن چھہ کا نہہ پٹھ زبان آسان یا یم چھہ
کنہ زبانی بارس انان یا وڈھہ بودوان؟ ظاہر کتھا چھہ ز اظہار چھہ
معنوی تہ آسان تہ عملی تہ، اشاراتی تہ کنایاتی تہ۔ کیا مذہب،
تاریخ تہ تہذیب چھہ معنوی، عملی، اشاراتی تہ کنایاتی اظہار آسان
تہ یم چھہ پانہ اکہ یا واریاہن معنوی، عملی، اشاراتی حقیقتن تہ تصورن
ہند اظہار یا ہند مظہر آسان۔ یہ سوال تہ چھہ بڈہ اہم ز پر تھہ
تاریخ، تہذیب تہ مذہب چھہ نا اکھ پٹھ مخصوص زبان آسان؟
تکلیا ز اگر تہ آسہ نہ، تیلہ آسہ ہے تمام تہذیب تہ تہذیبی ورتاوس،

عملہ یا اعمال تہ اقدارن منز اکھ ہشر، یس زن تاریخ منز کنی جایہ
چھہ نہ لنہ یوان۔ یمہ ساتھ بہ مختلف ادبن ہند مطالعہ چھس کران، یہ
سوال چھہ زیادے واضح گوشہان۔ ادب چھہ اکھ تہذیبی سفرک
اظہار، یس اتھہ تہذیب ستر وابستہ اکھ فرد یا جماعت چھہ بارس
انان۔ توے یم چیز تہ یم ادبی طریق کار اکس تہذیب یا زبانی منز
میلان چھہ تم چھہ نہ یس تہذیب منز ڈر پٹھ گوشہان۔ مثلاً عربی،
فارسی، ترکی تہ اردو تہ یمن ستر وابستہ یا یوستر اثر انداز گویون زبان
منز چھہ قصیدہ، مرثیہ، تہ تھی ادبی اصناف میلان، مگر یم چھہ نہ باقی
تہذیب منز میلان۔ وول اگر کنہ اکا کا نظر چھہ گوشہان تہ تہ سہ
چھہ محض اکھ سطحی چیز یا نقل باسان۔ لفظن ہند استعمال تہ تلہ تراوتہ
چھہ مختلف مذہبن ہندن مانن والین ہند بالکل الگ آسان،
یو دوے تم اکے زبان تہ بولان آسن۔ مثلاً کاشرس مسلمان تہ
کاشرس بڈہ سنز زبان چھہ اظہاراتی تہ معنوی رنگو کلی بیون تہ استعمالی
لفظ چھہ دون مختلف آگرن، تہذیب تہ مذہبن نشہ اندہ آمتی یا تم ستر
وابستہ تہ یہ تہ چھہ ز پر تھہ لفظس چھہ اکھ پٹھ کائنات آسان تہ تمیک
استعمال چھہ تم تمام معنی تہ استعمالی جہہ تہ پٹھ برو نہہ کن یوان یم اتھ ستر
وابستہ چھہ آسان۔ مثلاً کاشرس مسلمان چھہ ونان آب، رود، آفتاب،
خدا، اللہ، نبی، ولدیت، سکونت، تناول، ادرار، پیشاب، وغیرہ۔ مگر
ییلہ کاشرس یہ زبان بولان چھہ، سہ چھہ ونان پوڈی، بھگوان، سر یہہ،
دے، زل، ژند رماں، پستک، ماتا، زخم بیتز۔ یا اگر وول کا نہہ لفظ ہیو
چھہ، تمہ کس تلہ تراوس تہ اظہار منز چھہ الگ ترے۔ مثلاً داہ
(۱۰) لفظ۔ مسلمان چھہ ونان ڈہ مگر سون بڈہ بولے چھہ اتھ پران
ڈہ۔ علامتن ہند اظہار تہ چھہ پر تھہ تہذیب، مذہب، تاریخ تہ
زبانی منز الگ تہ ٹاکارہ آسان۔ مثلاً یونانی تہذیب چھہ پنہن دیوی
دیوتاہن اپالو، زلیس وغیرن ہند اظہار یا یم چھہ امکو علامات یا علامتی
نمایندہ، مگر ہندی تہذیب منز چھہ رام، کرشن، اگنی، پرتھوی، آکاش،
شو، پاروتی، لکشمی، ہنومان بیتز بنیادی اہمیتو حامل۔ وونی ونتہ مہ ز
یم کتہ تھہ چھہ اسلامی تہذیب یا تاریخ یا زبانی یا اظہار منز

شرپان۔ یم ساری سوال تلو مہ یمہ موجب زکاشر زبانی ہند مستقبل
 تہ امیک رسم الخط چھ یکن سارنی سوالن ستر ٹاکارہ پاٹھو وابستہ۔
 اردوک حال کیا چھ ہندوستانس منز؟ سہ تہ چھ تمہ تہندی بہنہرک تہ
 جارحیتک واضح ثبوت لیس پر تھہ گائے گاشداس اتھی یہ۔ اچھ بند
 کرنہ ستر چھ نہ حقیقت بدلان۔ کاشتر زبانی کتھ تہندیس، مذہبس تہ
 تارنخس ستر چھ واٹھ؟ یہ سوال پیہ اسہ مدلل تہ مربوط پاٹھو طے
 کُرن۔ محض خوابن ہندس دنیاہس منز روزنہ ستر یا عیش آرام ستر یا
 کینون آوارن ہندو جسمانی تہ ذہنی عیاشی خاطرہ ہیکون نہ اکھ یوڈ
 میراث تر آتھ ڈھنٹھ یا داوس لگتھ۔ تہندی لکراو چھہ اکھ تہ تہ
 ٹاکارہ حقیقت تہ لفظن ہندس ہیرہ پھیرس تہ ڈراماہس منز ہیکون نہ
 یہ نظر انداز کر تھ۔ تھہ کتر چھ تہندی ہند زوال تہندس سارے سے
 تہندی تہ اظہاراتی ڈھانچس ستر وابستہ آسان۔ کنہ چیز کس
 ادراکس یا تصور کس بارسس نیس منز یا امہ کس ہمس تہ تعبیر و تفہیم تہ
 اطلاس منز چھ کینون قضایا ہن category ہند اکھ اہم کردار
 آسان۔ بیوقضایا ہوور اے چھ نہ یہ ممکن۔ زبان، مذہب، تاریخ تہ
 تہندی چھ نہ امہ نشہ الگ۔ اگر اسہ کانہہ زبان کتر چھہ تیلہ پن
 اسہ تم قضایا صحیح تناظرس منز ستر یم امہ کس و تہنلس، ترقی تہ تنزلس منز
 اہم چھہ۔ یم ہکن سماجی، باعد الطبیاتی، جغرافیائی تہ مذہبی تہ آستھ
 تہ سائنسی، اقتصادی تہ تہندی تہ۔ مہ چھ نہ تمن واضح تہ ٹاکارہ
 عواملن تہ اثراتن نشہ انکار یم زبانی، مذہب، تہندی تہ تاریخ کس
 وسجارس منز اہم کردار چھ ادا کران۔ مگر یم ہیکو کھ نہ امہ کین بنیادی
 قضایا ہن ستر لآ و تھہ۔ یم پن بہر حال بیون، بیون تھادو تکیا زیہ ہند
 کردار چھ اساسی تہ مرکزی۔ اگر یہ کرو نہ تیلہ آسہ یہ اکھ category
 mistake معقولاتی مغالطہ۔ تھہ کتر چھہ پر تھہ زبانی پن رسم الخط،
 صوت و آہنگ تہ صرف و نحو آسان لیس تمہ کین قضایا ہن، تہندی
 شعورس، مذہبی علایم تہ اقدار یا تصورس منز پیوستہ چھہ آسان۔ رسم
 الخط تہ صوت و آہنگ چھ زبانی ہند ستر اش تہ اگر یہ بدلایا و تیلہ بنہ یہ
 بدل کینہہ مگر سہہ ہیکو نہ روز تھہ۔ جسمک تراش چھ تھہ روحس ستر

وابستہ آسان لیس اتھ منز چھہ۔ امیک رنگ روپ چھہ انج صوتیات
 تہ آہنگ۔ رسم الخط بدلنس ستر گوٹھہ یہ سورے زایہ تہ لٹھہ۔ مسئلہ
 چھہ زاکر چھہ کاشتر زبان یژھان موجود تھادو کنہ اتھ چھہ سنسکرت تہ
 شارداس منز تبدیل یژھان کرنی لیس بالاخر سائلس تہندی، مذہبی،
 روحانی، وجودی تہ تاریخی سرمالیس لڑہ پار کر۔ زبانی ہنز ترقی تہ وسجار
 چھہ اکھ ارتقائی عمل۔ یہ چھہ نہ کنہ منصوبہ بندی ہند نتیجہ آسان۔ بلکہ
 چھہ امہ کتر داغلی تناوک نتیجہ آسان۔ توے چھہ نہ یہ زبانی ہندس روحس
 یا جسمانی تراشس کانہہ زرزرائان۔ مہ آسکر پتمہ چھہ منز کینہہ
 سوال تلو تہ۔ مہ آس وہمید زسوجن سجن والی، عالم فاضل تہ زبان
 دان، شاعر، فلسفی تہ ادیب ین بروہہ کن تہ اکھ جان دار علی بھنگ
 گوٹھہ آغاز تہ یکن سوالن نیر واش۔ بہ چھس پیہ کینہہ سوال تلان تہ
 پران چھس ز امیک کیا تخلیقی تہ تنقیدی رد عمل نیر۔ نیب وچھہ چھم
 دل خوش گوٹھان۔ حیات عامر حسینی، شعبہ فلسفہ، علی گڑھ

مسلم یونیورسٹی

« دپان چھس وطنہ نش ساسہ بدر میل دور امریکہس منز کتھہ کتر چھو
 تہورت ستر ژونگ زالان تہ نیب ترتیب دوان۔ حالانکہ توہہ چھہ پنڈ
 پیشہ ورانہ کام سبٹھا زیادہ۔ حق گوو یہ زاکر وٹلس منز بہت تہ خالی
 کتھن ہندو تیر چلاوان تہ تو بے وطنی منز عملی کام کران۔ نیب چھہ
 سبٹھا خوبصورت، گیٹ اپ کتر تہ موادہ کتر تہ۔ فیاض دلبر صابن
 افسانہ آم سبٹھا پسند۔ شہناز رشید صابنہ ژور غزلہ چھہ یمہ شاکر زو
 باسان۔ حامدی صابنہ غزلہ تہ چھہ واریاہ جان۔ کامل صابن
 مضمون کلیات رسول میر تہ پوت سار پور۔ سوچکو واریاہ تہہ خانہ
 آہ مژراونہ۔ وہمید چھہ زتم روزن آئندہ تہ کتھن پردہ تلان۔
 تہندی پنڈ مضمون عربی عروض تہ ہیکل تہ رسول میرن کلہم ورنیات
 چھہ واقعی فکر انگیز۔ تہن نظم کوٹلن ہنزہ چک تہ آہم سبٹھا پسند۔ کشیر منز
 گیاوا ستر تھہ، وڈو چھہ جو ملک کاشری پنڈت لکھار تہ نیب پران۔
 اللہ تعالیٰ دی نو قدم مدد تہ یہ معیاری رسالہ روزن کامیابی سان
 بروہہ پکان۔ نثار عظم، نیو سیکرٹریٹ، جموں توی

ٹینگ صابن ادبی بددیانتی امین کامل

صابن کو رس مورده مال ز آنھ خورده بردم تہ و تھن حرن منز
نیونس پن ناوکھا تھ۔

کلیات رسول میر

مہ چھ نیب کس پتمس شمارس منز باوتھ دیتمت ز کلیات رسول میر
کو تمام با تھ چھ بخشی عبدالاحد ہا کر سندس کلام رسول میر ستن
حصن ستر نمبر وارر لان۔ عبدالاحد ہا کرن کر محنت تہ ٹینگ صابن
نیس کھتاوتھ، یہ سوچتھ ز سہ کس آسن یم لو کو پمفلٹ یاد تہ کس
ہن اتھ۔

یمن انکشافن مد نظر چھ کلچرل اکیڈمی پٹھ اخلاقی تہ قانونی فرض
ز سو کر نہ کلیات مجور تہ کلیات رسول میر کو نو ایڈیشن موجودہ
شکلہ منز بالکل تہ چھاپ۔ کلیات رسول میر چھ نہ واندہ ژورتہ
کلیات مجورس متعلق چھ صدر اکیڈمی (چیف منسٹر) سند آڈرچ
صربا عدولی سپر مژ۔ اکیڈمی پز دون ژون ادببن ہنزا کھ کمیٹی
بناؤی یو سہ اتھ معاملس پورہ چھل پھل دتھ وچھہ داچھہ تہ اکیڈمی
یمن متعلق پن مشورہ دیہ۔

مسودہ حبہ خاتون

مہجورنس 'حبہ خاتون' مسودس ٹینگ صابن دیتمت بیا کھ رسیدیس
اردو پاٹھو چھ آومہ بدس۔ یہ چھہ ہاوان تمہ وز چھہ ٹینگ صاب
باضابطہ اکیڈمی ہندیکریٹری اوسمت۔ تھہ کز چھہ یہ مسودہ اکیڈمی
ہند ملکیت بنان مگر ٹینگ صابن یو ریہ پنہ بہہ۔ رسید چھہ تھہ کز:
’’ اٹھانوے اوراق (۹۸) مسودہ حبہ خاتون بہ خط
حضرت مجور از خواجہ محمد امین وصول پاے۔ یہ اوراق
منتشر حالت میں کسی ترتیب کے بغیر ہیں اور بعض
اوراق میں پچھلے مضامین کی تکرار ملتی ہے۔ محمد یوسف
ٹینگ ۶ نومبر ۱۹۷۳۔‘‘

ٹینگ صابن پز یہ مسودہ واپس مجور بن و اشن حوالہ کرن، خاص
کر وڈی بیلہ پدم شری بنو دکھ، بددیانتی ورتاؤنچ یہ پام شوہ نہ
ہن۔

کلیات مجور

کلیات مجورس چھ پر تھہ بائس تاریخ، مقام تہ وقت دتھ۔ یہ
تفصیل لیتہ اون ٹینگ صابن؟ پھکھہ تہ جیلہ سازی وراے اتھ
کانہہ جواب؟ دراصل اوس ابن مجورن کلیات تک سورے مسودہ
پانہ ترتیب دتھ کتابت کرنومت۔ یہ مسودہ پٹھ کتابت کورن
سہ نیون واپس گرہ۔ یہ اوس مجور نہ اتھک۔ توے اکر اتھ پر تھہ
بائس تاریخ، مقام تہ وقت تحریر دتھ۔ ابن مجور گو و مژ تھہ تہ ٹینگ

گنگہ باز امین کامل

نئی تلوار بہتھ
برمند بنیں
سر عام، سر باز
سہ گو و گنگس گنداں نثر نثری
کنے زون پانہ سے ستین

تلا امہ کچھو ٹنڈہ منزہ کڈ ہنا کھوکن
دوم تلوار ہندیمہ نوکہ ستین لال کورے
دون ژہن منزہ تھر پٹھ افتادہ پیکھ
پہار کھورا ہیو۔

گنگ گت گت
گنگ گت گت
گنداں
یکدم تچن گردن تہ مژ تلوار تر کر اُون
اچھن منز نارہ بالو تہر گتہ کورہس
تھس گرہ میڑ دس ہر دپیش
دبانر ہیو گرہ تھہ وولیو
'یہ کمیائس تھس پٹھ تر و ووش
تھ میانہ سرمستی، ہمہ دانی یہ ہرچ لکھ ژھٹ تھہ کر؟
دولا اکہ ضربہ تچھنا تھہ یہ تلہ شہراہ
چھہ تھہ پٹھ ژہی ہون ہلو پاد ٹھنگن ہند کر بہ سوئی پدر
صاف انس پٹھ کر ہنڑ چھہ ٹیکو۔

گنگ گت گت
گنگ گت گت
گنداں
یکبارگی کوچس اکس کن درہ لچس اچھ
تھہ کھوٹس، رم ہیو کو ڈن
زن شامہ تہر کنہ زندہ دو پھس منز
نظر گو و ابلق گرس خونخوار پادرسہہ
کئی چچ ہش دژن
'پس کالی میہ گتہ کوچہ منز کمر سنز چھہ اچھ زوتان
ہتھکھ کمیائہ تھہ تلوار کور
میائس فنس، تھہ گنگہ بازی ژھن انس تھہ تھہ؟

گتک گت گت

گتک گت گت

گندان

بے حبس لو پن ہیو کو وکھڑا

گمہ تھ پھوٹس

زن ناو پننے گوس مشر پھ، اؤ ند پو کھے رووس

گنیو تھ آسووس، جوٹھ مورس زن بہ پڑھ وقتن

ژمیس روخ، پھٹس گردن، نظر شو نجس

تہ زو مژرن

’ہیو لفظن ہند یوسو درو

تلاا نہی کرو ہو بز دلو

بروز کھنڈ عمر عیارگی ترا دو

یمن ژھایترو وجودن سریہ نے کانہہ ژانگور رہہ ہاؤو

مہ ہو کھوت شانش وونی گتکس گندان

درا مژ تماشس پٹھ چھوو

’چھوو۔‘

ننی تلوار بٹھ

برمندین

سرعام، سر بازار

سہ پیڑ وافتادہ پتھرس پٹھ

یہ ہے پابہار کی کھورا ہیو۔

گنگہ باز، شاعر سبز علامت منیب الرحمن

چھ یہ احساس تہ و تلووان ز آہنگ تہ چھ معنی کہ ترسیلہ بجایہ بنیادی طور غیر ترسیلی نوعیت تھاوان۔ شاعری ہند غیر ترسیلی عمل اُس چھ جدید شعری فکر ہند امتیاز تہ کامل چھ تمن کینون شاعر منر شامل یو کاشرس اندر عملی طور جدید تہ مابعد جدید شعری فکر ہنز بنیاد تراؤ۔

جدیدیت آیہ اکھ ترقی پسند قوت ہتھ انسانیتس جہالت تہ غیر منطقی سوچ نش آزاد کرئج و و ہید ہتھ۔ اڑ کوڑ روایت نش انحراف۔ اس آو ہتھ کال انہ گئس منر و تھ اکھ کوچکو پاٹھ نظر ہتھ منر گاشدارن ہنزہ اچھ تہ خوفناک پاٹھ زوتان چھہ۔

پس کال کیمہ گتہ کوچ منر کد سبز چھہ اچھ زوتان کامل چھ روایت تہ جدیدیتک تصادم پادر سہہ تہ ابلق گرد سبزہ شبہہ و تلو و تھ کران۔ پادر سہہ چھ ہتھ کال چہ درندگی تہ ابلق گر جدید دور چہ کار آمدی ہنز علامت بنان۔ ابلق گر تکیا ز جدیدیت اُس کرہن تہ سفید الگ کرئج و و مید ہتھ آثر۔ روایتس لور انسان یا فن پرکھاون و ول قاری اوس کچھو ٹنڈس منر بند گومت۔ تھ منر سہہ پانس محفوظ محسوس کران اوس۔ جدید فنکارن ہنز روایت کمن پاسدارن ہند کال تہ ژالز۔

میانس فنس، ہتھ گنگہ بازی ڈھن اُس ٹھہہ ٹھہہ تریمس بندس منر چھ سہہ تضاد پیدہ گوشان کچ پولتس جدیدیت شکار گے۔ اک طرفہ اُس جدید فنکارن ہنز ان اچھ منر توقن ہند نارہ بال رقص کران تہ پیہ طرفہ اُس ناکامی ہنز گرد میو ہند کپش تہ یمن پتس تھس لگان باسان۔ جدید فنکارن اوس پنہہ علمک سبھا غرور مگر یمن ہتھ نقادن ہند کٹسہ تہ پنڈوش وارہ وارہ کنن گوشہ۔

پر ہتھ رٹ نظم چھہ ہیئت، اسلوب تہ موضوع کہ تنوع کنز پنہہ پنہہ اندازہ بے مثال آسان۔ یو ہے وجہ چھ ز شاعری ہند کانہہ جامد تعریف چھہ ممکن۔ گنگہ باز تہ چھہ اکھ رٹ نظم ہتھ منر گنگہ باز سندر حوالہ فنس خاص کر شعری فنس متعلق کینہہ اہم اشارہ میلان چھہ۔

گنگہ باز چھ شاعر سبز علامت ہتھ جدید شعری آگہی ہندس۔ تھ خاص نکلتس گاشراوان ز شاعر سندن چھ بنیادی طور غیر ترسیلی تہ تھ منر چھہ نہ شاعر س تہ قاری لیس درمیان کانہہ براہ راست ہیئت دیت۔ شاعر چھہ نہ قاری لیس کن پنڈ شاعری خطاب کر تھ و نان یعنی سہ چھہ نہ معنی کہ ترسیلہ کہ غرضہ شعر و نان۔ امہ نظمہ ہند تمثیلی انداز بیان تہ مکمل ترسیلچ ناکامی چھہ اکھ دلچسپ پیراڈاکس تہ پیش کران۔

نظمہ ہند ابتدائی بند چھہ گنگہ باز سندن فنس تمہہ نوعیتک عمل بناوان۔ تھ منر سہہ کنے زون چھہ یعنی سہ چھہ گنگہ بازی ہند فنک یہ کھیل پانہ سے ستر، گندان۔ سرعام، سر باز رسہ گو و گتلس گندان نڈی نڈی کنے زون، پانہ سے ستھن

یہ کھیل چھہ نہ تمن گبون باشن ہند پاٹھ یو ستر انگریزی شاعر شیلے سند بلبل انہ گتہ اندر بہت کنرس مدرادان چھہ، بلکہ چھہ یہ کھیل 'سرعام، سر باز رسد ان' ہتھ اگر چہ تماشاہ بین تہ نصیب چھہ مگر گنگہ باز چھہ بنیادی طور پانہ سے ستر جنگہ جنگ کران۔ یو ت تام سہہ تماشاہ بین ہنز موجودگی نش بے نیاز چھہ، سہ چھہ پنہہ فنک بہہ پھروک اظہار کر تھ ہرکان۔ لہذا اچھہ گنگہ باز سندن اکھ تہ تماشاہ ہتھ منر معنیک ترسیل بذات خود شامل چھہ نہ۔ کامل چھہ گنگہ گت گت بہہ معنی لفظن ہند تکرارہ ستر نہ صرف نظمہ ہند مخصوص آہنگ پیدہ کران بلکہ

یہ کمیائیں تھیں پڑھ تو دووش

تھ میانہ سرمستی، ہمدانی یہ ہر لُج باکھڑھٹ تھ کڑ؟
جدیدیت گے پنڈر وعدہ پورہ کرنس منزنا کامیمہ کس رد عملس منز مابعد
جدید فلسفہ بارسس آو۔ گتکہ باز نظمہ منزلیس خوف، یوس مایوسی تننا
وومیدی کامل بندہ پتہ بندہ ووتلاون چھہ تم چھہ مابعد جدید فکر ستر ہم
آہنگ۔ یہ نظم چھہ جدید پڑھ مابعد جدید تامل سفر پیش کران باسان
تھ منز باقی احساس تہ تھہ کڑ پیوست چھہ نظم چھہ اکہ آنہ معنین
ہندو کا تیا امکان ووتلا وتھہ مکمل ترسیل چہ ناکامی کن اشارہ کران۔
نظمہ منز چھہ روایتس ستر تصادم، ہمعصرن ہندو تنقید تہ اُخرس پڑھ فن
کار ستر ناکامی زندگی ہندن مختلف دورن ستر و اُٹھہ پیش کران۔
گتکہ باز نظمہ منز چھہ تم تمام عنصر موجودیم اتھ منز تمثیلیت پیدہ کران
چھہ۔ یعنی یہ نظم چھہ اچھن بروہہ کتہ اکہ ڈراما کہ منظر کڑ پاٹھو واقع
سپدان باسان۔ امہ نظمہ ہنز حرکت چھہ ماضی مفرد فعل ورتا وتھ
گوڈہ پڑھہ اندس تام برقرار تھاونہ آثر۔ کتہ جابہ چھہ نہ یہ کیفیتس یا
حالتس منز تبدیل گوہان۔ ماضی مفرد فعل چھہ اکس اکھ پتہ تھہ
اتھ اکھ تیز حرکت نظم ہناوان۔ حرکت ہنز یہ شدت چھہ نہ مہ کتہ کاشتر
نظمہ منز نظر گمو۔ نظمہ ہند تمثیلی انداز چھہ مکالمو یا بلند خود کلامی ہند
ولہ ستر مزید وسوار بنان۔ امہ طریقہ مکالمہ ورتاوتہ چھہ کاشتر نظمہ
منز نایابے۔ گتکہ باز نظمہ ہند راوی چھہ کہانی تمہ اندازہ بیان کران ز
سہ چھہ گتکہ باز سند کردار ادا کر تھ پانہ گتکہ باز بنان بلکہ چھہ قاری تہ
(بلند آواز پڑ تھ) اتھ ڈراما ہس منز تھہ پاٹھو شامل سپدان زلس چھہ
پن پان تہ گتکہ بازے باسان۔ گتکہ بازس، راوی لیس تہ قاری
لیس چھہ مکمل گن سپدان۔

نظمہ ہند آہنگ چھہ توجہ طلب۔ امہ بیانیہ خاطرہ لیس وزن ثارنہ
آمت چھہ سہ چھہ پانہ مہ کتھ ہنز دلیل ز عربی عروضس منز چھہ تھو
وزن ضروریم سانہ زبانی تہ تھہ پاٹھو فٹ، بہان چھہ زیہ خیال کران ز

اتھ نظمہ منز کیا آسہ خالص کاشتر گفتار کہ آہنگ speech
rhythm علاوہ کانہہ وزن ورتاونہ آمت، چھہ محال باسان۔ مگر
اتھ نظمہ منز چھہ بحر ہر جگہ سالم رکن مفاعیلن گوڈہ پڑھہ اندس تام
کتہ زور زبردستی ور اُے کامیاب پاٹھو ورتاونہ آمت۔ گفتاری جملہ
چھہ تھہ پاٹھو اتھ وزنس منز گتہ آمت ز انسان چھہ تعجب کھوان، یہ
چھہ امہ وزن کرامات کتہ وزن ورتاون والو سنز۔ یہ نظم چھہ عربی
عروض چہ لگہاری ہند اکھ عملی ثبوت۔ گتکہ باز نظمہ ہندس آہنگس منز
چھہ بیانیہ ہک کھس وس موجود۔ آزاد نظمہ اندر چھہ عام طور متقارب
ورتاونہ آمت (نام، رائی)۔ گتکہ باز نظمہ چھہ یہ امتیاز تہ زیہ چھہ
شاید گوڈہ نچ آزاد نظم۔ تھہ منز ہر جگہ ورتاونیہ کتہ تل تراوہ تہ گتکہ
بازی ہند آہنگ کہ مناسبتو کامیاب پاٹھو کر نہ آمت چھہ۔ گتکہ باز نظم
چھہ آوازن ہند آہنگ کہ حسابہ تہ توجہ طلب۔ امہ چین غالب
آوازن ہند اشارہ چھہ نظمہ ہندس عنوانس منزے موجود۔ گتکہ باز۔
خاص کر: رگ رکت ر۔ یم ترہ آوازہ چھہ اتھ سارڈ سے نظمہ
منز باقی کینون آوازن (ر س ش ر) ستر رتھ اکھ خاص صوتی
آہنگ پیدہ کران۔ آوازو لحاظ چھہ اُخری مکالمس منز ز تھن
مصوتن ہنز سلہموجودگی تہ معنی خیز۔ یعنی بین لفظن منزہ آوازہ:
ہیو۔ ہندیو، سو درو۔ ہو۔ بزدلو۔ وچھوو۔ یکن لفظن ہندی راور ز تھو
مصوتہ چھہ تمہ دو کھہ لد آلوچ ترجمانی کران لیس پتھر پوٹس گتکہ
باز سنز زو نیران چھہ۔ امہ اُخری مکالمہ کین ز تھن مصوتن برعکس
چھہ گوڈہ کلین دون مکالمن منز تھوڈی مصوتہ زیادہ ورتاونہ آمت یہ ستر
گتکہ باز سند جذباتی و فورج تہ و تشہ ہنز حسب حال ترجمانی سپدان
چھہ۔ اُخری بند چھہ نظمہ اندر ظرافت تہ طنز جو ملمش اندواتناوان
یوس شعر کس مضمونس یا پران والین متعلق کامل سند مخصوص روپیچ
پہچان چھہ تہ یوس کامل سند شعری لبیک اکھ بوڈ امتیاز چھہ۔ تھہ منز
ولکتیک عنصر تہ شامل چھہ۔

ژور غزل مظفر عازم

مالہ کیا ژول ناگر کیا وٹرو
لولہ کھاتس حساب کمر کرنو
مڑو طلب دار نار کرہے نوش
موت عجب اوس نو بہارن سوو
ہتھ کوہس تام اوس نظرن نالو
تا پھر تینتالو کتھ پلس پشروو
موسمکو توت تزن مژر ژالان
توسہ کیا لوو ککلہ پاڈو اوسو
کیا چھ دو پدان تہ کیا وپان بتر اژ
سوسنن کوت بوزکن بوزنوو
پوشنولس جگر چھ اُلس منز
شہپرو زن ولس ولس پھرنوو
بول کوستورکی زنتہ عازم اوس
پتھ وکرو آلون چمن مژروو

دِ تا پھر یوت وی آفتاب کڈ نہ دیوول
ہہ بونہ ہن مہ ژٹن ہار یور اتھ پٹھ اول
تتھ تہ روز نہ آخر مگر یہ ہتھ پھیر واپھ
نس پھران چھ سیاہی تتھ زمینہ سنبول
بہ مال کن چھ یواں باگہ ساز یندرازس
سودس نہ گیان سورن ہند یوس نہ یادے بول
اوہر گوہر چھ غنیمت، مگر لہر تہ سرود
منس وزاں چھ نشاور کنگ دہانہ تہ کھول
سخن تلاں چھ اُتی تازہ طرزہ عازم سون
اُتی نواں چھ دُہتھتس سہ پرون ڈب ڈب وول

قهر ڀڙڀو ته واول ڀڳل وڏاوتھ ڳو
 مگر گئس ته ٻٽس پٺھ ڇھ روٺ گومت رو
 گئو ٿڀو وٺک ون، کو باره ڇھس خوابن
 خبر کپار ٿو پاسه پھڻاں ڇھ یم خودرو
 به کتبه اول ڇھ سرو ٻيو ڇھس ششتر ماس
 اچھن بهار ڇھه وڙھ دار ٻن ته وٺ تالو
 اپار پور ڇھه پیرن یم پرانی پد پر مڙ
 دس کرو نه دغایی عقل تھو و نه گرو
 هونر، سنبر ته سنخور ڇھه پوشه پتھر پھولان
 سبزر پزر ڇھه دوان سادھ عازس آلو

واو وویو ته منہ سرس لوگ ٺھل
 وگتھ وکھن کرڙي ڇھه غزلہ بدل
 بل مڙھن منر ته بانہ ٺارن منر
 مودر بله کین ٽڇھن ڇھه وچھ زن پل
 هسی پدس تل ڇھه مانہ رتڙ باغ
 تانہ باگه پڙ وچھاں مسول
 درانڙ دندانه کھ ته کھاتس رے
 دون دٽنس ته لونڙنس نه ٿول
 تهر پھول سوزه خبر کتھ کتھ
 یورہ دستارہ لونڙھ دارس جل
 وڙھ دھڙي ٺر ته ڇھانه کھوڙ ڏوڙي
 درایہ کھوڙ ته کھالہ دھڙه ڳوڳل
 نیول اسمان تالہ پٺھ ٿاجون
 سورخ سہلابہ آو پھڻنس ڏل
 ناو نیہ آوڙ عجب ملکن
 کیا عجب گاڙھ لاڳہ واوک دل
 کالہ اڏبرس ڇھه دامنس تل ٿونگ
 اچھره اچھ منر ڇھه عازس وٺل

سوال جواب نیب، مظفر عازم

« نیب: یمن غزلن چھ نہ کنہ اکس منز ردیفے۔ ہندس حرف ڈاے مجموعس منز تہ چھہ واریاہ غزل یمن نہ ردیفے چھہ۔ یاد چھم نہ چتمن مجموعن منز کیا چھہ تہند زویہ امہ رنگو رومت۔ پیار کی چھم خیال زہند کی ردیف والی غزل چھہ زیادہ مقبول بلکہ باقی شاعرن ہندی تہ۔ بہر حال، ردیف نش یہ دور پر چھا شعوری؟ اتھ متعلق کرک تو وارہ پاٹھ کرکھ۔

عازم: اتھ سوالس منز چھہ زہ ہم لفظ: 'مقبول' تہ شعوری' گوڈہ گوڈو شعوری کتھ ونو۔ فنکار چھا تخلیق کرن و زگوڈے دایران کمرہ آہ کیا چھم ون؟ نہ۔ تیلہ چھہ نہ میون یہ زویہ شعوری کینہہ۔ مگر فنکارس چھہ نفس متعلق پنن اکھ نظریہ آسان تہ سہ نظریہ چھہ تکی سندس اظہارس پانے بہ شوکھی پاٹھو وگ رٹان۔ اتھ حدس تازی چھہ ردیف کم پہن ورتاونک میون طریقہ شعوری۔ وجہ چھہ نہ ردیف کیا چھہ نہ مہ پسند۔ وجہ چھہ میون نوتوان تخلیقی کر چھہ نہ پر تھ و ز پڑت سواری (pillion) ہتھ دور تھ ہرکان۔ ہاوباون اگر تنبلو و تہ ورتن دوشونی بریکھ۔ کاشرس منز چھہ رتی ردیفہ والی غزل لیکھنہ آمتی، مگر بے شمار گری چھہ سوار ہتھ چھو کہ لد۔

خدا بو ز ہند آسن پ ز میانی تہ چھہ کینہہ غزل مقبول۔ سوال روز توتہ ز ردیفہ والی چھا ردیفہ وراے غزلو کھوتہ زیادہ مقبول؟ بہ ہیکہ

نہ فیصلہ تھ۔ مگر یہ چھم نظر تل ز ترہ پنوتہ وری بروٹھ چھہ مہ شیرازس منز چھہ متنس اکس مضمونس منز کیو کھمت ردیف وول غزل لیکھتھ چھہ شاعرس خوانخواہ بریم لگان ز مہ وون کیاہ تام۔ مثالیہ ستر و ہوناو: کالجہ نیرتھ، بیبلہ بہ امر سنگھ کالجہ ڈمانسٹریٹ لوگس، شاید

رتی کھنڈی کھوتس بہ دوہہ اکھ گوڈنچہ لٹہ لٹہ لگتھ کالج۔ کالج حاطس منز مہ نشہ دور پہن بہت کینہہ وجوانو منزہ وون اکر دیمس، ”ہو! نو لٹے مکتی سو یوان؟ تکی دیتس جواب، ”ژوڈنہ ہا، تہ مکتس“۔ بہ پڑکس پانس۔ تھ اوس اکھ معنی۔ پتہ تہ اوس بہ ہمیشہ لٹے گنڈان، مگر سو آس میانس کلہم لباس ویان۔

اختصار چھہ پر تھ جان کلاک تہ خاص کر تھ شاعری ہند شرط، مگر غزل! دوڈی مصرعن منز گرہ بساوچ پابندی، پتہ کانی کانی ہمساین ستر پلہ تارن ز گنی تہ گوڈو بوزنہ تہ پون تہ، یہ چھا سہلے کاما۔ پتہ اگر آنگنس دوس چھہ کھانڈی چھہ ز آنگنس چھا تا پھ و اتان کنہ یہ اپھروڈی دیوار چھہ سانہ شہرہ کنہ آنگن دیوارن ہندی پاٹھو کھینہ یوان۔ تہ گوڈو ز قافیہ چھہ ضروری، ردیف گوڈو تیلی بیبلہ یہ کتھ بانوس منز ٹھو کر نہ۔ یہ کتھ چھہ نہ کانہہ انکشاف، مگر واریا ہن جان جان شاعرن ہندن غزلن منز چھہ ردیف اتی لوبان تہ اتی چیز cheeze (کیمرہس تارنہ خاطرہ نقلی اسن) کران۔ دپو یہ خیال چھہ اکھ منفی رویہ تکیا ز یہ چھہ ژکہ شاعرہ سنز، زردیچ خامی۔ مگر اتی چھہ فاشیج کتھ کران۔ بیبلہ نہ ردیفس اکاڈو گوڈو تیلہ چھہ نو کی قافیہ ورتا وونچ کل نیران۔ حرف ڈاے تہ تمہ پتکو کینہہ غزل دن اتھ بیانس کم کاسہ شہادت۔

مقبول گوڈو ہتھ نہ وول۔ ڈتھ نہ کیو سامانو منز چھہ ردیف تہ اکھ معمولی وسیلا۔ کارگر گرن ہندی ہتھیار ہٹیلہ چھہ امہ وراے تہ ژیلتھ۔ چتمن و رین منز چھہ کینہہ و ردیف والو غزلو کاشر شاعری رتھ کھاتھ، مگر واریاہ ردیف والی غزل چھہ ”بہ کیا ونان تہ میون

ظہور کیا گوان!“۔

دہرائن منزل بُتھ۔ ”عالمی پیمان“ ہندس رچھ کس پتہ دورنس ستر
گڑھہ یادروزن زبٹھن پپوش رُونہ بروٹھ چھ وچھن نمیلن ہندو
پوش تہ ماہیکو کھوارہ مشکاوتھ۔ اگر اسہ وژن روشنو، بنان چھ غزل
ہیکون رزناتوتھ۔ (مختلف زبانن ہندو واریا ہو بہلہ پایہ شاعر وچھ
سبٹھاپرائی فارم نو سرہ پندہ آہ ورتاؤمتری۔ وژنک گال کھاتس گڑھن
نہ چھ وژنک قصورتہ نہ زما نک، مناسب مزاک شاعر گڑھہ پیدہ
گڑھن۔ غزلک ردیف تہ وژنک ووج لرلورٹھ پرکھاون آہ
مفید)۔ رُت غزل ہیکہ پانژن پہلوان تہ لچھ وادکا شرن اکھ اکس
نکھ اُتھ۔

غزلچ سارے توڑھ چھم نہ پرکھاؤنی، مگر پیہ اکھ کتھ: اتھ فارمس منز
ہیکو نظم ہنر نظم لیکتھ، تھ حیا دار عالم مسلسل غزل و نان چھہ۔
فارسی شاعری منز چھہ زہر ہشہ، مثالہ موجود۔ کاترس منز چھہ
کیہ نہ۔

◀ نیب: جہندس مصرعس اتی نوان چھ ڈتھتس سہ پرون ڈبہ
ڈب وول پتہ کنہ کیا خیال چھہ؟ یہ کوس تبدیلی چھہ تہ یہ کتھ کن چھہ
اشارہ؟ اتھ پٹھ تہ کرک تو صراحت سان کتھ۔
عازم: دپان مٹھس کاتر آہ دمہ ہا کرکھ ”موتھس کیا“۔ خیر،
کتھ چھہ کرنی۔ حسن پسندی (aesthetics) ہند روح چھہ آہنگ
(rhythm)۔ آہنگ چھہ بدنس منز زیادہ ٹاکارہ ولہ دہرایہ منز۔ یہ
دہرایہ چھہ دہمانہ چہ راون رکھ اندرتہ نہ نہرتہ۔ یہ نہ امس ویہ
تہ چھ نامنظور۔ کتھ کڈ وواش تہ دپو بہ چھس پنڈی کٹ مختلف شاعران
ہنر شاعری تہ پران تہ شاعری متعلق کرنہ آمتی بحث تہ۔ یوتاٹر چھم
تیوتا چھس ہچھان تہ، مگر پیلہ شاعری ہنر پری نال لہم، تیلہ چھہ
بس، سوتہ بہ تہ ولہ دہرایہ۔

۔ دلم رانالہ سرناے باید رکہ از سرناے بوے یار آید

◀ نیب: غزلہ چہ مقبولیو علاوہ چھا غزلہ چہ کامیابی ہند پیہ کا نہہ
پیمانہ؟

عازم: اوہ پیمانہ چھہ۔ شاعری ہنر اکہ ڈاژ (فارم) رنگی چھ غزل
لفظ اکھ بالکل پٹھ وائی (arbitrary) اصطلاح۔ یونٹ (unit) چھہ نہ
غزل، یونٹ چھہ شعر۔ غزلک شعر چھہ خود کفیل آسان تہ غزلک
پر تھ شعر چھہ آسان اکھ نظم۔ تہ گو و ز پانژن شعرن ہند غزل چھہ
اصلی پانژن نظم ہند گو نہ۔ تیلہ یہ کتہ شاعر ستر پیہ، تیلہ مولوسہ
غزل۔ آئیڈیل پراؤن نہ چھ ضروری تہ نہ ممکن۔ مگر شاعر وچھہ ہاوتھ
دستمت۔ اکھ شعر (نہ، اکھ زٹھ نظم؛ اکھ ڈراما) بو زوتہ موسیقی، دگ،
ڈرامایت، اختصار تہ وٹشاوک رل وچھو: روی فرماوان:

۔ درخانہ جہد، مہلت نہ ہدراولس نکند، پس من چہ کنم
اگر شاعری ہند مقصد چھہ نہ گاشہ ستر ذوق جمالہ کس سوز دس گرایہ
تلہ، تیلہ چھہ غزلک شعر مثال۔ امہ کھستھ نہ، مگر اتھ لرلور چھہ واریا
کیہ نہ وٹ لائق۔ بہ نہ صرف اکھ کتھ۔

غزلک اکھ حسن چھہ یہ زامکو شعر، اگر پسند آے، تیلہ چھہ تم (سانہ
تہذیبی پوت منظرہ موجب) یکدم موسیقی ہنر کنہ لیہ ستر ولہ یوان تہ
ژٹس روزان۔ یہ وصف چھہ دو یو وچو کز مولل۔ اول یو ہوے زیہ
چھہ ڈتھ نوان۔ تہ فنس منز چھہ معنی یا فکری اوہر گوہر حسن پسندی
ہند۔ ذوق جمالک۔ وردن لاگتھ شوبان، نہ چھہ خواہس اندر لینن
ڈول وایان۔۔ (بہ آس پاسہ بٹھ پیشکش تھوس ردو پن پاسہ آستھ
گر تھ چھہ شرط۔ حرف ڈاے)۔۔ دویم چھہ سانہ خاطرہ عملی
(pragmatic) فایدہ یہ زسانی زبان چھہ ہتہ وادوؤ ریو پٹھ مرا
کنہ لہ وژٹس منز بہہ آمتی۔ کنے تعویذہ تنگی یہ الاین بلاین ہند شرہ
نشہ رچھہ سہ چھہ: یہ زبان روز زون مانچھ، کنن کو ستور، تہ ولہ

پتہ گوچوچو نہ، سہ شوبانِ عالم، مٹس چھ مضراب کافی۔

ضروری چھ؟

عازم: نہ، خاص اوس نہ کینہہ، مگر بیلہ وونی سوال آو، تہ کینہہا
ونو۔ جونس منز گیوس بہ کشیر تہ جلا لیس منز آویس واپس۔ بیلہ بتر اتھ
مودر بلہ کین تچھن حوالہ آسہ، تہ بیلہ نر زہ پانہ والی اکھ اکس ڈوڈی
چھانان تہ گوگل کھالان آسن، غزل چھ بنان مرثی۔ مرثی نگاری
چھہ زندگی ہند جبر۔ گوڑھ نہ گوڑھن اکا، گوڑھ تہ وونی چھ تلن۔ مگر
میانین رگن رمن منز چھہ آفتاب، یس لوستھ پیہ چھ کھسان (گوڑھ
لوستھ تہ کوت چھہ گڑھان؟)۔ اتھی ستر چھہ یہ کتھ ۱۹۶۰ ٹھس
ہیومنز وٹکن والو ”جدید شاعری“ ہندی ہوہن آسہ کینہہ سوچھ تہ
کو رمت مگر گانگل تہ کُرن۔ اسہ اوس یتھ تہ دنیا کا وہ بینہ دول
زومت۔ پرانی شکسن اوس مولوی روحانیٹیک دستار گوڈمت، نوڈ
واون گنڈنس گاٹہ جارچ لے۔ یہ لے چھہ گنہ گنہ ونہ
الانزے۔ مہ چھہ مژر، میانی شعر گوڑھی بانگ دنی راتھ تہ دودہ، وندہ
تہ ربہ کول چھہ ہمیشہ اکھ اکس پتھ بروٹھ آسان۔ توے چھہ میون
روح رنگہ رنگہ شکوہ کرتھ تہ یہ ازلی پزرمولہ وان:

گٹلر ژچو وونک ون، کو بارہ چھس خوابن
خبر کپاری ژو پاسے پھٹاں چھہ یم خود رو

« نیب: دوگتہ وکھنے کرنی چھہ غزلہ بدل اتھ پٹھ تہ کرڈو
کتھ۔

عازم: اکس: یز سندر پٹھی چھہ مہ تہ خوشی پسند۔ بد پہ بازندگی
گوڑھ دودہ فقط پٹھلے چھاوڈی۔ تہ چھہ نہ بنان۔ پتہ چھس بہ تہ اکس
یز سندر پٹھی منساوان: اودہ لوت گوڈ تہ چھہ آمتے، اتھ دپو
معمول۔ مگر وونی ووت اسہ زمانا پانس اندر پکڑ تہ تاڑٹھ مار تہ لٹھ
لورو چھان زخلوتہ کین ژہین تہ چھہ دہ واتان۔ یہ چھہ دوگتہ، بہ پڑھہ
ہانہ اتھ شعرن منز جاعے ونی، مگر...

« نیب: کاشر غزل کوت کن چھہ ہند خیالہ پکان؟ کیا وجہ چھہ ز
سانی اکثر مقبول شاعر چھہ غزل گو؟ نوہن منز تہ چھہ غزل گو شاعر
امکان ہتھ۔

عازم: اگر نوڈ غزل گو شاعر امکان ہتھ چھہ سہ چھہ مبارک۔ غلط فہمی
گوڑھہ نہ گوڑھی۔ غزل چھہ نہ اسے صرف اوہ سببہ لیکھان ز یہ چھہ تھ
پایہ فارم: غزل چھہ اول اسے اوہ کئی لیکھان ز ”یہ چھہ یوان“۔ (وقفا
گوڈ و بیلہ مہ مرحوم فکر تونسوی سمکھیو۔ ”ژنھن“، ”اردو پٹھی تہ
چھکھ شاعری کران؟“ مہ دو پمس، ”نہ“۔ دو پین، ”غزل تو ضرور
لکھی ہوگی؟“۔ غزل لیکھن چھہ سہل باسان۔ امہ ستر چھہ اسہ شاعر
آسنک بریم لگان تہ تیہہ موران۔ تھ چھہ نہ منع اگر اسہ وارہ وارہ یہ فکر
تر ز غزل چھہ حدہ رؤس محنت تہ بوز شوز منگان۔ اوہ مہ تہ چھہ
احساس ز کینہہ نوڈ شاعر چھہ امکان ہاوان۔ رژوتھ تہ رتی و تہ ہاواکھ
آسکھ نصیب۔

« نیب: یمن غزلن متعلق چھا کا نہہ کتھ خاص یمیک ذکر

زول اپارم ہری کرشن کول

ناتھ جی تہ پیاری دوشوے اُس ٹی وی لیس پٹھ جھکر وچھان۔۔ آ
وچھانے اُس، بوزان نہ شاید کینہہ تکیا ز آواز آسہ ہاُس سبٹھالو تہ
تھومڑ۔ مگر ہنگہ منگہ گیہ اکی وز زہ بجہ آوازہ میہ ستر دوشو یو وٹھ ہش
کڈ۔ اکھ ڈا پار کچنس منز پریش کران زورہ چکھ، پیہہ گو وٹمنس برس
زورہ ٹھس۔ پیاری وٹھ تھو دتہ کچنس منز کران گیتھ ریہہ لوت۔ باتھ
جی پراریو کینوس کالس مگر بیلہ نہ کانسہ ہند آلوے گو وٹھ کھوتے
کانہہ ہیرن سہ تہ وٹھ رستہ تھو د۔
”کوت گتھ کھ؟“ پیاری پرٹھس۔ سو اُس کچنہ پٹھ واپس ترمڑ۔
”یو نہ گو وٹھ وازس ٹھس مگر نو نے زن دراو نہ کانہہ۔“
”اگر کانہہ آسہ ہے پانے کھسہ ہے۔ پیہہ پتھر۔“
مگر ناتھ جی بیوٹھ نہ پتھر۔ سہ گو وٹھ وارہ وارہ دارکن۔ پیاری کھو
زیادے ٹک تہ سو لچ پانس ستر دور دور کر نہ۔۔ روزو تن اتی نس دار
ستر درہ لگتھ۔ لوکن چھا کانہہ کار ز یورین اُس ستر خن کر نہ۔۔ تمہ
ہررا وٹی وی لیس آواز۔ جھک کر زن ساز و بدلہ وچھہ ٹیٹان۔ کلہ
گلنا وان گلنا وان اُس بڈ ہرہ گوان۔ یا تلہ خنجر تہ مارے نتہ سانہ شباہ
روزے۔
ناتھ جی یں مژرا وڈا۔ سندیا وق تہ اوس ڈلن ہیومت۔ تس گو وٹھ
کینہہ درٹھ۔ مگر دروازس ہے اوس وارہ کارہ ٹھس گو مت کر نہ یہ
اوس محظ تہند برم؟ تس پھوش اکہ لٹہ پیہہ گلہ چھانہ سنزیکو تورتہ
سپرنگ صیج پاٹھو لگتھ اُس نہ۔ نیہر کز اگر اتھ یوت لاگوس یہ
دروازہ چھہ پانے مژراو نہ یوان تہ پتہ ٹاس کر تھ واپس دنہ یوان۔

ممکن چھہ وٹمنس تہ ما آسہ کانسہ وٹہ پکونی اتھ زانٹھ مانٹھ دکہ
دیمت زو وٹھ کران ماسٹر جی پریشان۔
ناتھ جی یں ترا وٹمنس مہ کچ وٹہ کن نظر۔ پتہ تھہ جہ تلہ سڑک کن۔ تھہ
ستر یہ کچ وٹھ رلان اُس۔ اتھ سڑکہ اپار آسہ دور تام ویرے ویر۔
اجہ خوشکی پٹھ تہ اجہ آسہ اُس منز۔ پتہ بیا کھ سڑک تہ سوتھ تہ اپار
وٹھ۔ وٹھہ اپرا بڈ گر نیلی سڑک تہ تھہ ستھ کوہ دامنس تل فوجی
ہسپتال، کینٹین تہ افسرن ہنز کوٹران ہنزہ تندلہ۔ مگر میہ کچ وٹہ، بجہ
تلہ سڑک، ہم ویر وارہ پتھر وٹھہ تیلی، یون بدیر ان بیلہ دلو گاش
آسہ۔ وٹمنس چہانہ گتھ منزاوس سورے کینہہ یکسان گومت۔ صرف
اُس تھزرس پٹھ استادہ فوجی افسرن ہند کوٹرنجلی گاشہ کز تہیران۔
پیہے اوس اندہ گتھ کہ سڈرہ اپار کینہہ نام زول ہیو باسان۔۔۔
”چھا کانہہ؟“ پیاری پرٹھس۔ ناتھ جی یں کو رکلہ گلنا وٹھ کار۔
”ادہ تیلہ کو نہ پھکھ دا ردوان؟ تہ ہے چھہہ اٹان۔“
مگر ناتھ جی یں کر نہ دا ر بند۔ سہ وٹھ پیاری کن۔ ”خنر تہ چھہہ
پے۔ شامس چھہہ پیارو وچھن لایق نظارہ آسان۔ دور وٹھہ اپار
چھا آرمی ایریا ہک بجلی گاش برابر بمبیہ ہند برم دوان۔“
”یہ کر چھکھ تہ بمبیہ گو مت زیتیک نظارہ تہ چھہہ تنیک برم دوان؟“
”مہہ کروون بہ چھس بمبیہ گو مت۔ ممکن چھہہ کنہ فلمہ منز ما آسم
تنیک تھہ نظارہ وچھمت یا پانے ما آسم باسیو مت زانہ گٹس منز
آسہ سمندر ٹھس پٹھ میرین ڈرایو ک بجلی گاش تھہ پاٹھو سجان۔“
”پرسکہ تہ پرارو سکہ وندہ ہے کریو نے زارہ پارہ۔ گٹھو ز ہے۔“

پیاری وٹلس لوتی۔

ناتھ جی ین گرداؤر بند۔ آوتہ بیوٹھ پنہ جایہ۔ برنس کھنڈس کرن
ژھوپہ تہ پتہ دین سوالہ ستر پیاری ہندس سوالس جواب۔ ”کتھ
پاٹھ کر گھسہ ہا؟ پر تھ ربتہ چھ مکانہ کے ساس ساس نکھہ آسان
واکن۔ وندہ چین چھٹین منزے چھ انسان دون ژون گروپن ٹیوشن
ہرکان رٹھ۔ پیہ پتہ کس تھوہ ہون؟“
”خیر بیس آوونہ کرایہ دار۔“

”آ۔ آ۔ آ۔ مگر آونا بیس۔“ ناتھ جی ین تروووش۔ پیاری تہ
ووتھ اندر کیہ نام چھین ہیو۔ سوٹر اپور کچنس منزہ کو رن گیس
ژھبتہ۔

ناتھ جی ین اوس کتابتہ لوتی اٹلس کو ڈمت۔ تھ منزہ مالی امریکہ
صفحہ کڈتھ ہیوون نقشہ وچھئے ز پیاری ٹرگس ژھبتہ کر تھ واپس۔
ناتھ جی ین تھو وٹلس رسے تحت پوشس نکھہ ریکس پٹھ اکس
رجسٹر تل ژور۔

بتہ کر باگر کھکھ؟“ پیاری پرژھنس۔

ناتھ جی ین دژٹی وی ہس کن نظر۔ کتام ماہر اوس کھاؤ ہندو قسم
وہہناوان۔ ”ونہ کیا گو۔ وونہ چھہ نہ ستھ تہ نکمڑہ۔“
”ادہ تیلہ کرہ پتہ بہن سین گرم۔“

”سین کیا چھ؟“

”یہ صحنس اوس۔ دوہلہ ہے ونیوے گڑھان پاو کھنڈ۔ ما انتھ؟“
ناتھ جی ین تراؤ پیاری کن دولہ نظر۔ یمہ ستر سو پڑ پاٹھو کھوڑ تہ
کھوڑان کھوڑانے وٹنس۔ ”آہن سا۔ ژہ کھیز ہے۔ مہ چھہ نہ
خوش کران۔ نہ کیا کائہ چھہ ٹھاک کو رمت؟“

”خوش کیا ز چھہ نہ کران۔ تمیک پاتھ تہ ہے چھہ می۔ اگر نہ تمہ
دوہہ نہ تھہ آسہ ہم ژولمت ز پیار کر چھہ پارڈ گامہ کا کہ پورہ تہ
دوہہن جاین نہ وان۔۔۔“

”تلسامہ پاوتم پیہ یاد۔ مہ ہسا چھہ خبر کیا غہان۔“

ناتھ جی ین وچھ پیاری اُس پڑ پاٹھو دین گامڑ۔ یونہ گو و
دروازس پیہ ٹھس۔ ناتھ جی گو وکھہ تھو دوتھتھ۔
مگر پیاری بہنو وپتھر۔ ”یہ چھہ نہ سون دروازہ۔ یہ چھہ میر صانہن
ہند دروازہ۔“

”ژہ کتھ پاٹھو تہ رے فکر؟“

”اچھن چھم گاش سور یومت، مگر کن چھی مہ تیز۔ دؤہو دوس چھس
صرف یمنہ ٹھسہ برن ہنز ٹاسہ رے بوزان آسان۔ وونی تلگم نا
یوت تہ پرزہ ناؤن ز کس ٹھس کمہ برک چھہ؟ چاڑ پاٹھو ماچھس
دؤہو دوس سکولس منز آسان۔“

”اوہ سکولس چھس ترٹھ ژھنان۔ یہ چھم ہبڈ ماسٹری اٹس کھوڑ۔
تو تہ چھس ڈاین ترن بجن تاسے واپس یوان۔ خبر کریہہ کا نہہ منسٹریا
افسردایہ بچہ پتہ اسپیکشنس تہ خبر کر کران مہ نوکری منزہ جواب۔ یہ کیا
نو ہفتہ چھہ کار تک پنم۔ ساری ماسٹر چھہ ونان ز تمہ دوہہ روزو
پونرے تہ چھا ووزونہ گاشس منز کو نگہ پھلے۔ مگر بے چھسکھ پھیش
دوان۔“

”خبر کیا ز؟“

”ژہ کیا کر کھ پیہہ کنی زڈ؟“

پیاری ڈاؤن کتھ۔ وژھس۔ ”ووتھ نہر مس برس تہ اندس دروازس،
دوشوڑ تھو بانکل۔ وونی پیہ نہ کانہہ۔“

ناتھ جی لیس اوس پڑ پاٹھو پنہ جایہ بہت ز از پیہ تمش نش کانہہ نہ
کانہہ۔ کانہہ آشاو، یاردوس یا پرائہ محکم کانہہ زانی کار۔ ازبٹ وار
دوہہ اُس چھٹی۔ پگا چھہ آتھوار۔ ینہ والو جن ازڈ پاکہک چھہ نہ
سوالے۔ کس پرٹھہ صبحس میا بھارت سیریل تہ دوہلہ فلم تراؤ دتھ گر
نیزن تہ یورگاری گاتھس سن؟ مگر از تہ زن آونہ کہنے۔ خبر کیا ز؟“
”دؤہو پے ووتھ لوتہ دروازن بانکل۔“

پياري هنڌ آواز بونڌ زن ڳوڻا تھ جي ھشار۔ ”نارے خبر نم ڳيتا جي مابيہ۔ تھ اوس مہ وڌنمت ز سہ مابيہ ھفتس ھنڌس تارے واپس تہ جيہ پڙھه ڪيا واتہ اُھ ٺو بجے برونہہ۔“

پياري بيٺھ تھ جي تڙ يہ ڪتھ باري ٿيھ ھش۔ حالانڪہ ڪتھ اُس بالڪل اپڙ۔ امر تسرينہ برونہہ اوس ڳيتا جي ين تھ جي ليس صاف وڌنمت ز سہ بيہ بلہ ٻيتر وگراونہ وڌي مار چسے منز ڪشیر۔

”يہ تہ ڳوڻا ڪرايہ دارے۔ ڪراے ڇھ پورہ وڃي دوان مگر ڪل وڃي ريس منز آسہ نہ پنڌا ھو ٿيھو دوھو علاوہ ٻيتر روزان۔“

”سوے تہ ڇھہ پريشاني۔“ تھ جي ين اڏن اخبار تہ سہ برونہہ ڪنہ رُٿھ وڏن پياري۔ ”ڪرايہ دار تھو يوامہ باپتھ ز رُٿھ روز مگر وڏي ڇھہ اسي پنڌہ گر ڳوڻيھ ستي ستي سندس سامانس رُٿھ ڪران تہ ٻيہ سندس مکانس چوڪو دري ڪران۔“

”ٻيہ سندس مکانس چوڪو دري ڪران؟“ تھ جي ڳوڻا حيران مگر بيہ ڪتھ فڪر ٽرس سہ روش پياريہ۔ ”يہ تھ پاڻي ڳوڻيھ نہ بيوقوفي هنڌہ ڪتھ ڪنہ۔ عقلہ ڳوڻيھ ڪام ٻڙ۔“

تھ جي ين ديت اک طرف عقلہ ڪام ٻيھ مشورہ۔ مگر ٻيہ طرف ڳيئس پنڌہ اچتہ اُدر۔ عينڪ تھو ڏلتھ وٿروون لوتي اوش۔ ٻيہ لوگن ٻيہ عينڪ تہ ٻيٽن اخبار پڙن۔ پياري تہ وڙھ تہ ڪنہ منزہ آيہ تو مله تھال ٻيھ۔ سو ٽيھيہ ٽول ٿارنہ مگر ٽيوب لايه تل تہ آيس نہ ڪنہ ياکنہ بوزنہ۔ تھ جي ين تل پنڌو اچھو پڙھه عينڪ تھو دتہ پلنوون زنانہ۔ پياري لڄ وڌي عينڪ لڳتھ ٽول ٿارنہ۔ تھ جي ين تھو اخبار وٿيھ تہ لوگ ٿي وي وچھنہ۔ ڪتام ڏاکڻر اوس تمن بہار ين هنڌو ٻيھن ڪران يھنڌي شڪار زيادہ تر ٻڙي ڇھہ سپدان۔ يمن علامثن کن ڏاکڻر اشارہ اوس ڪران، تم باسيہ تھ جي ليس پانس تہ۔ سہ وڌتھ تھو دتہ ڪو رن ٿي وي بند۔

اخبار وٿيھ تہ ٿي وي بند ڪر تھ باسيو تھ جي ليس پنڌن پان بڪار تہ

بيقرار۔ پياري ستي ڪر ھے ڪتھ مگر سو اُس ٽول ٿارنس ستي آوڙ۔ لھڏا لوگ پانہ ستي سوچنہ ز يور شھرہ نش يوت دور مڪانہ بناوتھ ڪو رانگي جان ڪنہ ناکارہ۔ پڙ ڇھہ ز تھنڙ پراڻي لُڙ اُس نہ لُڙ بلڪہ آوسيون لبن پڙھہ استادہ ميڙ ڪجا بليس ديہ سنڌو ديايہ ڪڙو تھ اوس۔ اگر ڪنہ ڪٿس منز ڪانہہ باڙي تھ لڙيھن ديہ ھے ساري سہ لڙاوس الہ الہ ڳوڻاھان۔ اوے تہ بہر يوونہ سہ ٿيھرہ پتہ واري اھس کالس پياري برونہہ کن ڳوڻيھن۔ مگر تہ ڪر تھ تہ ڪڙي دوشوے باڙو تھو ڪجا بس منز پنڌاھ دوزاھ وري۔ تڙ ز اوڀر، تڙ ٻڙيووسہ۔ مگر بيہلہ سہ ٽرينگ پورہ ڪر تھ نيرے نوڪري لوگ تڙ وڌتھ صاف زيادہ تام تم تھ پراڻہ لڙيھن ڇھہ، تو تام بيہ نہ سہ زانہہ تہ ڪشیر۔ تھ جي ين تہ سوچي پنڌہ جايہ زوولي ڇھہ ٻيٽس ٿيھر ڪرئے۔ ڪانہہ هنڌو ڪر تھ ڪجا بس منز اڏي ڳيہ پڙي پاڻي مند ٿيھ۔ يہ داش نداش اوس تہ تہ خرچ ڪر تھ ٻيہ دون ٻيھ روپيہ قرض ٻيھ ڪو رن اکھ ڊور مڪانہ استادہ تھ جايہ يووسہ بروڻھ ڳام اُس يووان مانہہ مگر وڏي ڇھہ شھر سہ منز شمار سپدان۔ تہ ٻيھ؟ نہ ڪو رانگي ٿيھرے تہ نہ آو ڪشیر بسنہ۔ پراڻس آو ٽس ڪنڌس۔ مگر پڙس رود ڪل سدا بن دوہن۔ تہ يھس؟ يھس ڳاڻس وڏي زہ رتھ ڪينڏا ڳامتس۔ زانہہ بھڳوان تورہ ڪريہ واپس؟ ييا ڪنہ ڪنہي نہ!

”وشنا واتيلہ سڀن؟“ پياري اُس تو مله تھال ٿا رتھ موکيمو۔ تمہ تل اچھو پڙھه عينڪ تھو دتہ ٽن تھ جي ليس واپس۔

”يہ ڪيا ڳوڻا بوزو خبر۔“ تھ جي ين لوگ اچھن عينڪ۔ اخبار وھروون برونہہ ڪنہ۔ بيڪ وقت لوگ ٿي وي پڙھه خبر بوزنہ تہ اخبار پڙھه خبرن هنڌہ سرخي پرنہ۔ ٻيٽس کالس سہ ڪاشر تہ اردو خبرہ بوزنہ تہ اخبار ڪس ڳوڻيھس تر يمس پاڻيھس، نوکري سہ دھمس صفحہ ٻيھي پڙھي نظر تھ موکيو ٻيٽس کالس اُس پياري تہ تخت پوشس پڙھه سڌہ باپتھ تہ يوونہ ڪنہ پنڌہ خاطرہ بستر تر اُوتھ موکيمو۔

”بلو ٽيھڪيھ ڏو ٻي بستر تر اوان۔“ تھ جي ين وڌن ڪوڙي ڪوڙي۔

”ژہ تہ آس تہ میانی سے بستر منزا اٹان۔“

”ژہ تہ چھہ دوتھہ وژہمہ۔“ پیاری کھوت پزی پاٹھو شرارت۔

ناتھہ جی ین دیت اتھہ ستر ڈیکس ٹاس۔ ”یہے تہ رودم طبع۔ زانہہ آسہ

ہی میانی کتھہ فکر تر مرث۔ میون مطلب اوس ز دہ ہے دہ ہے ز زہ بستر

تراوڑی۔ تریہ تریہ ژور ژور دہہ ز زلیفہ وور ز ز شانہ گنڈر وور

ز ز کر ژ چھلن۔۔۔ ژہ چھہ کھہ وونی پیہ کام ہرکان؟ اگر ژہ تہ آسہ

بکھ میانی سے بستر منزا اٹان کامہ گتھہ ہی نصف نصف فرق۔“

”کر، وونی بوڑ، پیاری دیت تھہ پاٹھو یل ز ناتھہ جی لیس پیہ وہ پنہہ

وری برنٹھم پیاری یاد۔ سہ ووت خیال منز خبر کو ت۔

”وہ پیہ بہ وشناوے سین۔ پتہ کر کھہو بتہ؟“

”وشناو۔ کھتھے ژھنو۔“ ناتھہ جی ین دیت پیاری جواب تہ پتہ وون

پانس ستر کو تہ لوتہ۔ ”سارے راتھ ز ن پیہ پٹھہ۔ پتہ۔“

بتہ کھتھہ اوس ناتھہ جی دلہ ہنز خبر بوزانے ز پیاری تر کچہ منزہ بانہ

مائنجتھ۔ ”ژہ چھہ کھہ ونہ بہتہ؟“

”وہ کیا کرہ بہ شوکتھہ؟“

”توتہ اثر ز ہے بستر منز۔ وژہ گتھہ ہی۔“

ناتھہ جی ووتھ ٹی وی کو رن بند۔ بستر منز اٹا مگر اتھس کیتھہ جن

اکھ رجسٹر۔

”کراہ بجلی ژھبتہ؟“ پیاری پرژھس۔

”کر۔ بہ زالہ ٹیبل لمپ۔ مہ چھہ سکول کین کاغذ نظر ونی۔“

پیاری کر ٹیوب لایٹ ژھبتہ۔ ناتھہ جی ین زول ٹیبل لمب تہ لوگ

رجسٹر ورق پھر نہ۔

”روز ژہ ہشارے۔ بہ چھس ژھینتھ پیہ۔“ پیاری وون تہ ژاہیہ

پنہ نس بستر منز شوکتھہ۔

”گتھہ کھہ ماژھنڈی۔ ز زلیفہ وور ز کر ژا در تہ باقی پلوڈیر چھلن چھا

ٹھہ کتھا!“

پیاری دیت لہ پھرُن تہ تھر کُرَن ناتھہ جی لیس کن۔ ناتھہ جی لیس تو ر

نہ فکری ز تسز کتھہ بوڑی تھہ دینہ امہ لہ پھرُن کنہ پزی اوس نندر

وار آمت۔ تھو لو تی رجسٹر وٹھہ تہ پیہ اکہ رجسٹر تلہ کو ڈن سہ ٹلس

لیس اڈر اوسن ژور تھو ووت۔ شمالہ امریکہ یک نقشہ کڈتھہ لوگ تھہ وارہ

پاٹھو سنہ۔ یہ گو وکنیڈ اتی یہ گیا اچ راز دانی۔۔۔ اوٹاوا۔۔۔ تہ یہ

گو وہیلی فیکس پیہ وکلن پٹہ آسہ۔ اوٹاوا پٹھہ چھہ نہ زیادہ دور۔ پیہ

چھہ سمندر ٹھس پٹھہ۔۔۔ یا سمندر ٹھس نکھہ اکھ زواہیو۔ یہ کن

ہیو ر شال منز آسنہ باوجود تنیک آب ہوا معتدل آسہ یہ بمبیہ

ہیوے۔ ادہ سا جانے گو و۔ پٹہ پچور چھہ تر کیت سٹھالو ژ۔ پیہ آسہ

بمبیہ ہندو پاٹھو تہ تہ سمندر اپار زولے زول باسان۔ ہنگہ منگہ

پہو و ناتھہ جی لیس حبس زلس چھہ خبر کیا گو مت۔ تسندس منس منز چھہ

ہر و ز سے اکھ منظر و تلان تھہ منز کرہ سندرہ اپار زولے زو لچھہ

آسان۔ شاید ماچھہ امیک وجہ یہ زلس چھہ زول بجلی گاش ٹنس

آکاش تل سر یہ سند پر گاش۔ بتر اژ پٹھہ خوشیون وشن وشن

تاچھہ۔۔۔ سورے کینہہ خوش کران۔ شاید چھہ سہ یہ سورے کینہہ

چھاؤن یثہان مگر چھاوے تہ چھاوہ کتھہ پاٹھو؟ یہ سورے کینہہ چھہ

اپار۔ سہ چھہ پانہ۔ پار تہ منز چھہ انہ گتھہ ہند اٹھہ رو تے سمندر۔۔۔

”پیہ نندر؟ دپان ہے اوسکھ ونی کیا کرہ شوکتھہ؟“ پیاری ہنز آواز

بوڑتھہ گو و ناتھہ جی ہشار۔ تس اُس پزی ز پچھہ گا مژ۔

”ووتھہ کمی تام مژر وودر وازہ۔ دہو دہس تہ راتی راتس چھہکھ ہانکھہ

وژہ تہ تر اوتھہ خبر کمین دردن پراران آسان۔ لوکن چھہ نہ کانہہ کار ز

ژہ نش سینے یور مسایہ ژھنہ۔ ووتھہ ووتھان کو نہ چھہکھ؟ یا تام کانہہ

لوٹھہ کر تھہ گتھہ۔“ پیاری اُس بستر منز نمبر تہ تھہ دورہ دور کران۔

گپتا جی ما پزی پاٹھو؟ ناتھہ جی ین تچ نارچ تہ ووتھہ یون۔ پیاری کر

ہمت۔ دُر مژر اوتھہ دژن ژر نہ کن یون کن نظر۔ کیتھام ژہایہ

جوراہ گئیس دینٹھو۔ اکھ ژھوٹ مگر وہر اوتھہ ہش۔ بیا کھ تھہ مگر

شروڪيمڙو زن۔ مگر بيٺل ناهي جي نه زبدي بد۔ ۽ نه چراغ بيگ
 پيئون بوڙن تهر ترو پهر ڪه نه دأر بند ڪر ڪه نه زايه واپس بستر منڙ۔
 گا و ڪڏ تهر مير مس برس نه نمس برس هانگل ڪه بيٺل ناهي جي واپس
 ڪهوت، پياري پرڙهنس۔ ”يمن چنه پڙهنس؟ راتس نه چهره هڙ
 هڙ آسان پهيران۔ ليس گور يمن صبحس دود چهره هوان سه چنه
 شامس و جهان زتلايم هه گيه ته ڪوت گيه؟“
 ”تيله ڪيا گيو ويٺل يم دود آسه هن دوان۔“ ناهي جي ليس ٿول ووش
 نه تهر۔ ”يم چهره هو چهره ڪا و نه تو ڪه پهره پاهي حال حيران ته
 پرڙهين۔“

پياري نه ترو ووش۔

”تو نه پيهيس جان بارش۔“ ناهي جي ين تهو وچن ڪلامه جاري۔
 ”نه پڙس يسه هه ڪه وڙه تهر ڪڙ درو گيو و ڪا سه تيوت ز گوريوت
 گريستيو ٿهڙيل هه چهره ڪا و نه نه ٻڏه دانڊ ڪن ڪنهن۔ تنه ڪيا چهره
 پارڙ ڪامه، ڪا ڪه پور، ڪيلرنه وانه يه بلا ڪه آسان ڪنن۔“
 ناهي جي ين رٿ زو دندس تل مگر ڪه اُس تند موهه منزه نير تهر
 ٿهره۔ تمي دڙ ڪهوت ڪهوت پياري ڪن نظر مگر خبر ڪيا ز اُس نه و ڪيس
 تس دن ڪامڙ نه موتن بهيو رمت۔ تهر ديت تسن ڪه شانتی سان
 جواب۔ ”يچن حواله ڪر تهر ڪه ڪهش ڪرناوان۔ يه چهره تمن پڙه
 ووپڪار ڪر ان۔ ٻو ڏو وپڪار۔ پرڙهين اُس تهر پته ڪن ڏولنه ڪهوت
 چنه شراڪه سڙي هڙ ٿناون جان۔“

ناهي جي ليس باسيو و پياري چهره ليفه تل اندر ڪر اندر ڪر دوان۔ سه ٿاو
 لوتي بستر منڙ۔ ٿيل لمپ ڪو رن ٿهه نه نه ڪلهه ههون ليف۔

ژور غزل رفیق راز

مسلمه شهرک چھ یمن ژهار مه حل شهرن دور
یتھ زمینس تہ پھولن پوش مه ژل شهرن دور
شهره کیو گامہ لکھکھ پوشہ بہارک منظر
بستین دور یہ واناکھ وئل شهرن دور
دب چھہ بیدار گرتھ یونہ پنس تراواں گنڈ
تیلو تہ زانہہ دم چھہ دواں راتہ موغل شهرن دور
سون کن آو اگر خاک بسر موت تہ پرژھس
زندہ روژن چھہ اما کوت سہل شهرن دور
لاو کلو بلو بہ ووتھ گوس گننن یارن تل
دل وناں چھم ز یمن نیر نہ پھل شهرن دور
شهره کیو گامہ گو مت لوکہ متس موتن ہیو
عالملا کانہہ یہ کراں ما چھہ عمل شهرن دور
لارہ ہا تورک بہ سنیا سرت بٹتھ توتہ اگر
آسہ ہے زانہ کدل یا یہ حول شهرن دور

چھس نہ ونائی گس گس رود تہ گس گس مود
حور و پری اکھ تراوان ہرنہ اچھو کنز رود
جنگل جنگل برگس برگس نیب چھہ میون
پر تھ تصویرس منز بہ ہوا ہیو چھس موجود
آبس پٹھ وونی آکھ بنگلہ بناواں چھس
خوف چھہ خوشکس پٹھ ما آسہ ووتھ بارود
لفظن منز دریاف کراں چھس نوک امکان
ظلماتس منز نورک آره کراں چھس بود
یتھ سفرس منز اہل نظر گرتھو آسرت سرت
کم کم منظر دیدن تل چھہ مگر نابود

ولسنس آہ نصف راژ دلچ خستہ سراے
 یں یمن اوس تے قافلہ ما پھیرتھ آے
 تم چھہ درویش تہ چھاواں چھہ سیکستانک نور
 اسر چھہ اعرابی تہ ژھاران چھہ اختانچ ژھالے
 کتھ کٹھس منز چھہ بہت مرد قلندر تختس
 لوشہ چھہ پتھرس تہ لین پٹھہ چھہ زمانہ ہنزہاے
 سہرہ پزرا یہ اس پرانہ زمانک چھہ ڈکس
 از تہ استادہ چھہ واناک تہ خاموش قلاے
 پٹھی پٹھی دراو ہوا ٹینہ پشن ڈاکھ پھرتھ
 انزرنے رودی مگر ملک غبارکو یم نیالے
 نہرہ موسم یہ بہارک مہ کران گتھ کرکرتن
 اندرہ واناک سیکستان بہ چھس سرتا پالے
 آسک میون یہ منظر چھہ دزاں تاپہ دوہے
 دون اچھن منز چھہ تمس از تہ سیہ گرتشمز کراے

بوزاں چھہ ناو چون تہ دروازہ وا کران
 چونے حوالہ دتھ چھہ مسافر صدا کران
 سرمایہ دار چانہ موکھے اُسر گاہ بہ گاہ
 پتھ کالہ زر خرید غولامن رہا کران
 انجام ژلی حوالہ کراں چھی خدایہ اسر
 کامن چھہ چانہ ناوہ مگر ابتدا کران
 ڈیوٹھم مہ تھوڈ مقام غبارس عطا گوشت
 ڈیوٹھم مہ ذرہ ذرات ہواوس دعا کران
 گامتر ژھپتے چھہ ژانگو اچھن ہندریمن لکن
 آسن نہ یم بچارک ووں کنہ کے طمع کران
 اتھ لنجہ نیر یہکھ سبٹھا پھل چھہ دل وناں
 اتھ لنجہ وچھہ مہ سونٹہ پٹھے گتھ ہوا کران
 شاعر بٹھ زؤن چھہ سبٹھا کریوٹھ کیا ونے
 واجب نہ یس چھی سہ قرض چھس ادا کران
 تس ما یہ پے قدیم خزانک چھہ میولمت
 کن زؤن رفیق راز ولس منز چھہ کیا کران

سوال جواب رفیق راز

◀ نیب: یو دوے ژبہ ردیف وراے تہ غزل وئی متری چھتہ مگر چانی ردیف والی غزل کھتری علمن۔ چامن غزلن پٹھ لاج واریا ہو شاعر و مشتق کرنی۔ اکھ یو ڈوجہ اوس نوک، زٹھگری تہ دلچسپ ردیف۔ ردیف کوتاہ ضروری چھ غزل منز؟ پیلہ قافیہ تہ ردیف غزل منز کیونہ ورتا ونہ یوان چھ، غزلک موڈ چھ ہیرہ پٹھ یون تام برقرار روزان مگر اتری چھ و چھان ز شعر چھ زن گندتھ فارمولا بن منز تبدیل گودھان۔ اتھ سلسلس منز کیا چھ چون خیال؟ اتھ پٹھ کرتہ کھل کے کتھ؟

کران بلکہ چھ دون مصرعن منز پھہلٹھ اکھ استعارہ یازہ ترہ استعارہ ردیفہ سی اکھ گئے توثر و تلاوان۔ از کس ڈکشنس منز کروکتھ تہ تیلہ چھ ردیف اکس شعر explosive تہ بناوان تہ پانے چھ detonatar تہ بنان۔ مثالے۔
رنگ بالو ڈولم تازہ گلے
یہ چھ اکھ سپاٹ بیان statement۔ یہ چھ نہ ژ یونمت تجربہ کینہہ۔
یا

سنگ کالو ژولم رازہ بلس
یہ تہ چھ چھرا بیان۔ مصرعن منز باونہ آثر شچھ چھہ محض اکھ شچھ۔ تھ ستری نہ کانی کا نہہ دلچسپی ہیکہ پیدہ گودھتھ۔ یم دوشوے مصرعہ چھ قافیہ بند تہ وزنہ لحاظ اکھ اکس برابر تہ۔ دون مصرعن منز چھہ زہ الگ الگ بیان۔ یم دوشوے مصرعہ چھہ دولخت۔ یمن دون مصرعن منز نہ چھ کا نہہ ظاہری ربط تہ نہ کا نہہ معنوی ربط۔ وونی ہر گاہ یمن دون مصرعن منز ردیفک اضافہ کرو تہ لیکھو کہ تھہ کڑ۔
رنگ بالو ڈولم تازہ گلے سے مہ دلس کان
سنگ کالو ژولم رازہ بلس سے مہ دلس کان
وونی بنیو ویہ مطلع تہ ردیفن کو ردون الگ الگ مصرعن منز اکھ بامعنی ربط پیدہ تہ دون مختلف تہ معمولی مصرعن منز گود استعارک ہیوز وزبہ پیدہ۔

راز: پرانہ زمانہ پٹھ، پیلہ انالس پیو و خیال ز روزنہ باپتھ گودھہ مکانہ بناونہ یمن۔ تری بنو و تھتھ تھتھ مکانہ۔ طاق تہ طاقہ بناوان ضرورتاً۔ مگر یوت یوت زمانہ برو نہہ پوک تیوت تیوت گود انسانہ سنزن ضرور دن منز اضافہ تہ طاق آہیم ضرور ژ پورہ کرنہ باپتھ نوو آہیم بناونہ۔ یمن آہیم بیک وق سجاوچ کام تہ ہنہ۔ بالکل سپد مشرقی شاعری منز یا غزل منز تہ ردیفن ستری یو ہے معاملہ۔ ردیف چھ غزلہ باپتھ ضروری یو دوے غیر مردف غزل تہ لکھنہ چھ یوان۔ اہم تہ بڈی شاعر تہ چھ غزل منز ردیف تخلیقی ضرور دن تحت ورتاوان۔ یہ چھہ الگ کتھ ز ردیف چھ غزل منز سجاوچ کام تہ دوان۔ یا شعرن منز اکھ مزید لطف یا سرور تہ پیدہ کران۔

اہم تہ بڈین شاعرن ہندی شعر چھہ ردیف کنی سپاٹ بیان بنہ بجایہ اکھ استعارہ بنان۔ غزلہ کمن شعرن ہنز منتشر خیالی چھہ ردیف اکھ ضبط تہ ربط عطا کران۔ غزلک شعر چھہ تیلی اسہ متاثر کران پیلہ اتھ منز استعارچ توڑھ آسان چھہ۔ یہ توڑھ چھہ شعرن منز ردیف پیدہ

رنگ روپ ہرکان رٹھ۔ تہند بن غزلن منز چھہ شعر فارمولا ہن منز
زنہ گنڈتھ باسان۔

◀ نیب: چانہ غزلک اکھ امتیاز چھہ صوفیانہ خیال ونہ یوان۔ یہیہ
چھہ یمن ہنز کمزوری تہ ونہ یوان۔ سائن صوفی شاعرن ہنز
شاعری منز کوتاہ چھہ باسان ز شاعرن چھہ سؤ رمت؟ یہ کتھہ پاٹھیہ
ونہ ز کانہ چھا صوفی تجربہ سرتھ بیان کو رمت کنہ سرنہ؟ پنہ
شاعری ہنز روشنی منز کرتھ اتھ پٹھ صراحت سان کتھ؟

راز: یہ کم چھہ ونان؟ اسہ کم سنجیدہ نقاد چھہ اندر پکو؟ یمن تہ قلم
اٹھس منز چھہ تم چھہ اتھ پنہن مفادن بروہہ پکناونہ باپتھ تہ ہنز
راچھ راوٹھ کرنہ باپتھ استعمال کران۔ میانہ غزلک امتیاز چھہ نہ
صوفیانہ خیال بلکہ میون اسرار طرز فکر۔ اتھ چھہ بوڈ وجہ یہ زمہ
چھہ اکھ باگہ برژ روایت ڈکھس۔ بڈر تہ اہم شاعر چھہ نہ ہوئس
منز معلق روزتھ بڈر تہ اہم بنان بلکہ چھہ تم روايت ہنز ہانکلہ منز اکہ
نہ بیہ رنگہ واٹھ آسان تم چھہ اتھ ہانکلہ توسیع کران۔ تم چھہ
ہانکلہ منز جوڑتھ آسنہ باوجود پتھ کالہ کھوت تازہ دم، سادروار تہ مختلف
باسان۔

مہ چھہ ہنہ واد و رین ہنز صوفی روایت ڈکھس۔ بہ گنہہ یُن
مولناونہ، پرزناونہ تہ پرکھاونہ اٹھ پس منظرس منز۔ تصوفس متعلق
چھہ شاعری منز زہ کتھہ اہم۔ اکھ گے سو شاعری ہتھ منز تصوفکو
مضمون چھہ آمتز گنڈنہ۔ شاعر چھہ پانہ صوفی کنہ نہ یا تم سندر طرز فکر
چھا صوفیانہ کنہ نہ تہ چھہ نہ ضروری۔ بیا کھ گے سو شاعری ہتھ منز نہ
تصوفکو مضمون بالکل نظری چھہ گنہہان مگر ہتھ منز اسرار ہوڈ ژہایہ
گتھ چھہ کران۔ یہ شاعری چھہ تموشاعر وڈر تخلیق سپدان یمن زندگی
تہ کائنات کمین چیزن ہند ظاہری روپ کم پھن متاثر چھہ کران تہ یم
شاعر چھہ زندگی تہ کائنات کمین چیزن ہندس باطنی پہلووس ستر زیادہ

دلچسپی تھاوان۔ یم گے تم یم کائنات کس خالقس تام وائتہ باپتھ
مخلوقاتن ہندس باطنی پہلووس پٹھ غور چھہ کران۔ یہیہ گے تم یمن
اسرار طرز فکر باگہ چھہ آمت آسان۔ سانی تمام صوفی شاعر ما آسہ
ہن حقیقی زندگی منز صوفی مگر شاعری منز چھہ تم صرف اسرار تہ رومانی
طرز فکر تھون والہن شاعرن ہندر پاٹھ نمودار سپدان۔ سانی صوفی
شاعر چھہ نہ ہرگز تہ فارسی یا عربی صوفی شاعرن ہوڈ باسان۔ تہنز
شاعری چھہ نہ ہرگز تہ نصیحت آموز یا تم چھہ نہ حکایتن ہندس لباس
منز تصوفکو یا اسلامکو نکتہ باوان یا ویدھناوان۔ اوے چھس بہ ونان ز
اسر چھہ یمن عظیم شاعرن صوفی شاعر وٹھ محدود کران۔ سانی یم شاعر
یمن عام پاٹھ صوفی شاعر چھہ ونان چھہ عظمتہ والی شاعر، بیوز زندگی
ہندو ستر تہ وگڑ وچھتھ رنگارنگ تجربہ حاصل کرڈ تہ تمنے تجربن ہنز
باوٹھ کرکھ شاعری منز۔

شتریا گویہ تھے اوس میون اوے راڈر عشقہ نارن زولے
اتھ منز گس تصوف چھہ؟ اتھ منز چھہ انسانی فکر ہند تمہ سفرچ
دردناک داستان یمیک اندگوڈہ گوڈہ شنیا گوتھتھ چھہ باسان تہ پتہ
باسان ز یہ چھہ محض اکھ پڑا۔ وول گو ویم شاعرن ہنز فکر منز چھہ
اکھ پڑھتہ اخلاص اڈر تھ۔ اوے چھہ یہ فکر پراسرار باسان۔ چونکہ
پڑھتہ اخلاص چھہ نہ محض سوچنہ ستر مضبوطی لبان بلکہ سرنہ ستر، سرنہ تہ
ژینہ پتہ یوس فکر جہارہ چھہ لبان سوچھہ دہباغن ستر ستر دلن تہ
متاثر کران۔ سانی صوفی شاعری تہ چھہ براہ راست دلن پٹھ اثر
کران تکیا ز بیوشاعر وچھہ سرڈر تہ ژینہ ستر تجربہ بیان کرڈر تہ رود
یہ سوال زتمو چھا صوفی تجربہ سرتھ بیان کرڈر کنہ سرہ نہ؟ جواب
چھہ زتمو چھہ ستر متے ستر رمت۔ فارسی تہ عربی شاعر وچھہ صوفی خیال
صوفیتکو نکتہ، شریعتکو تہ طریقتکو مسائل حکایتن ہندس لباس منز یا
تمثیلن ہند ذریعہ باوڈر تہ۔ سانی صوفی شاعر وچھہ پنہن گڈرن
بوومت۔ عربی تہ فارسی شاعر وچھہ خدا یہ سند آسنک، نحو سند بزرک

ذکر کو رمت۔ بیلہ زن سانیو صوفی شاعر و چھ خدایہ سند آسک تہ کو سند بجرک بیت پئیس ولس منز محسوس کو رمت۔ یم کیفیہ تہ احساس اتھ بیتس منز و تلمیہ چھہ تمنے ہند اظہار چھہ تمو شاعری منز کو رمت۔ خدائے چھہ رحمان تہ رحیم تہ تہ قہار تہ۔ سہ چھہ دنہ وول تہ تہ نہ وول تہ۔ سانیو شاعر و چھہ خدایہ سندن مختلف صفاتی ناوون ہند اثر قبول کرتھ مختلف تہ متضاد تجربہ حاصل کر مژ تین ہند اظہار تمو شاعری منز کو رمت چھہ۔ عربی فارسی صوفی شاعری پڑتھ چھہ تصوف متعلق سائنس علمس منز اضافہ گڑھان، بیلہ زن کاشتر صوفی شاعری پڑتھ چھہ سائنس احسان تہ جذب بن و تش ہیولگان۔ اسہ منز تہ چھہ پراسرار کیفیہ و وتلان یاد و یمن لفظن منز اس تہ چھہ ہندس تجربلس منز شریک سپدان۔

ہر گاہ پڑھ مضبوط تہ ڈر آسہ تہ پڑھہ ہنز بنیاد آسہ اخلاص پڑھہ قایم لازماً چھہ انسانس اندر اکھ اسرار کی طرز فکر پیدہ گڑھان۔ ضروری چھہ نہ امہ اسرار کی طرز فکر ہندس پنجس منز یوس شاعری پیدہ گڑھہ سو کر پرن والو سندس علمس منز کانہہ اضافہ۔ اہم تہ بڈ شاعری چھہ نہ علمس منز اضافہ کران بلکہ چھہ پرن والو سندس ساری حبس آوروان تہ تمس ذہنی تہ روحانی طور گیر تہ گرفتار کران۔ تھہ زن سہ مقدور تہ و اتیارہ مطابق شاعر سندس تھہ تجربلس منز شریک سپدیمیک اظہار شاعری منز کر نہ آسہ امت۔

سائنس صوفی شاعرن منز چھہ میر تقی میر سند ہیو دود، ٹھہراو تہ بے قراری تہ پیدہ احساس تہ جذب بن و تش دنہ وول اسرار کی لہجہ۔ میرس چھہ نہ کانہہ صوفی شاعر و نان۔ اس کیاز و نان شمس فقیرس، رحمان ڈارس، صمد میرس تہ وہاب کھارس صوفی شاعر؟

وونی یو تام میانہ شاعری ہند تعلق چھہ بہ تہ چھس اکس حدس تام سری لہجک شاعرے۔ میانہ سوچنک طرز تہ چھہ اسرار کی۔ دویہ قسمکو اسرار چھہ انسانی عقلہ پریشان کران۔ اکھ شیطانی اسرار تہ دو یم رحمانی

اسرار۔ یعنی تھوڈی پاٹھی باز کی سند طلسم تہ چھہ عقلہ پریشان کران تہ فقیرن تہ قلندرن ہنز کرامت تہ۔ میانہ شاعری منز چھہ تم اسرار تھایہ گڑ کران یم فقیرن تہ بادم قلندرن ستر منسوب چھہ تہ یمن اسرارن ہنز بنیاد چھہ پڑھہ تہ اخلاص، جود تہ طلسم نہ کینہہ۔ میانہ شاعری ہند انداز تہ انہار چھہ نہ رومانی یا عشقیہ تھہ کنی سائنس صوفی شاعرن ہند چھہ۔ تمن تہ مہہ منز چھہ صرف اسلوب بیانچ فرق تہ بس۔ تم تہ چھہ رحمانی اسرارن مژ گامژ تہ بہ تہ چھس تھہ مژ گو مت۔

◀ نیب: غزل چھہ کاشترس منز و نہ مقبول ترین صنف۔ اتھ کیا وجہ چھہ۔ نظمہ منز پیو آزادی آستھ کیا چھہ نو جوان و نہ غزلس گن لاران؟

راز: غزلس کیا چھہ و نہ وائے کاشترس منز؟ غزل کو رہنمائی کوٹھمن پڑھہ صحیح معنیس منز کھڑا رسول میرن، اسد میرن، مہجورن، آزادن تہ حقانی ن۔ امین کاملن دیت غزلس استحکام تہ اسر ہوڈ نابکار چھس تلان ہر تر۔ ہر گاہ نہ یم پڑھہ کنہہ درج شاعر آسہ ہن غزل آسہ ہے تی بیتن محمود گامی سند پڑھہ وازہ محمودس تام آس۔ کاشترس منز چھہ غزل صنفکو ساری امکانات آتے۔ اتھ منز چھہ بڈ تہ اہم شاعری ممکن۔ غزل چھہ سائہ تہند تیچ علامت۔ بیلہ بہ تہند تیچ کتھ چھس کران بہ چھس اتھ منز زبان، رسم روان علاوہ مذہب، عقیدہ تہ پڑھہ تہ شامل زانان۔

سون تہندیب چھہ نہ دنیاوی لہلاؤس، رنگ تہ روپس یا کاینات کمین ظاہری پہلوون زیادہ اہمیت دوان۔ سون تہندیب چھہ نمبرہ پڑھہ اندر گن سفر کر تک تلقین کران۔ گو وداخلیت پسندی چھہ سائہ تہندیبیک جو ہر۔ پیہ واخلیت پسندی چھہ غزل صنفس براہ۔ اوے چھہ غزل سائہ باپتہ و نہ تہ دکشی تھادوان۔ نظم چھہ مغربی تہندیبیک مظہر۔ نظم

ہیکہ نہ داخلیت پسندی ہند بارتھ۔ مغربس منز چھ اندرہ پٹھ نمبر
گن سفر ونہ تہ جاری۔ لہذا چھہ تمن خارجیت پسند صنف (نظم)
براہ آثر۔ تہ چھہ مینفیسٹو manifesto جاری کرتھ شاعری یوان
کرنہ۔ تہ چھہ تحریکن تابیار و تھہ شاعری یوان کرنہ۔ تہ کس تہ
مشرقی ماحولس تہ تہذیبس چھہ زمینچ تہ آ سماج فرق۔
انسان چھہ زمینس تہ آسمان منز قید۔ کوشش کرتھ تہ ہیکہ نہ یہ یوحدو
منزہ نیرتھ۔ مغربی ماحولس منز پروردہ انسان چھہ یوحدو منز تہ نیرنج
لا حاصل کوشش کران۔ اوے چھہ شاعری ہند بارتھ تہ نظم ہش
آزاد صنف منتخب کر مژ۔ زمین تہ آسمان منزہ چھہ تہ نمبر ہبکاں نیرتھ
یم زمینس تہ آسمان ہنز پابندی عقیدتا قبول تہ چھہ کران۔ غزلہ چین
پابندین ہنز پابنداری کر تھہ چھہ مشرقی تہذیبکو پروردہ زمینہ کیوتہ
آسمان کیوحدو نمبر درامتو۔ شری یا گوہی تھہ اوس میون اوے راو
عشقہ نارن زولے
یا ہے کہاں تمنا کا دوسرا قدم یارب رہم نے دشت امکاں کو ایک
نقش پایا

◀ نیب: چانہ شاعری منز کیا چیز چھہ سہ تھہ نہ ونہ چون پرن وول
یا نقاد و تمت چھہ؟
راز: نقاد آسہ ہے تہ واتہ ہے۔ ویسے غزلہ بابت گوہہ غزلہ خاطر
موزون تہ مناسب لفظت آسن۔ قلی قطب شاہ سند پٹھ میرس تام
یم شاعر آسہ تمو کو رغر لک اکھ مخصوص لفظت تیار۔ میر تہ غالب آسہ تہ
تمو کو ریو ہے لفظت تخلیقی تہ احساسی سطحس پٹھ کامیابی سان
استعمال۔ کاشتر زبان چھہ نہ تہ خوش نصیب۔ امین کامل سند پٹھ
ہیو تن غزل لفظت تیار سپدن۔ سانس دورس منز چھہ وژن لکھنہ
بابت اکھ باگہ یورت لفظت موجود۔ مگر کہنی چھہ نہ اوگن مایل
سپدان۔ وژنک لفظت نے کاشترس منز تیار آسہ ہے، صمد میر، احد
زرگر، مجور تہ آزاد مالہ ہن و ہمہ صدی منز سہ قدیس تمو وژن لکھتھ
پروو۔ وچھوے تہ بہ تہ چھہ کاشتر غزلہ بابت لفظت تیار کران۔ اتھ
سلسلس منز چھہ وژنک لفظت تہ پیش نظر تھاوان یمہ نش واریاہ
استفادہ تہ چھہ کران تہ امی لفظیک کورہ نقل چھہ میانی ہم عصر
کران۔ اگر کا نہ نقاد کاشترس منز چھہ سہ چھہ نہ ونہ یمنے نکتن
و تمت۔

◀ نیب: از یک غزل کور گن چھہ گوہان؟ نوہن شاعر منز
کا ژا و مید چھہ ژبہ نظر گوہان؟
راز: امین کاملن یتن غزل ترو و مہ تل تونے تہ پکنوم برو نہ گن تہ
باوڈ مس نوڈ طرقات۔ وونی بی کا نہہ شاعر تہ سہ باوڈس بالکل نوڈ
طرقات۔ فی الحال چھہ مہ اندر پکو نقال تہ تقلید کرن والو زیادہ۔
غزلک صنف چھہ زبردست تخلیقی صلاحیون ہند تقاضہ کران۔ آسہ
کا نہہ وق زکا نہہ شاعر گوہہ پیدہ یمس منز امین کامل تہ رفیق رازنہ
کھوتہ زیادہ تخلیقی صلاحیو آسن تہ سہ فی غزلس پیہ ہن تھورن گن۔
وکلن چھہ برو نہہ کھوتہ زیادہ شاعر غزلس گن مایل مگر اکثر چھہ
عروض ناشناس۔ غزل لکھنہ بابت چھہ عروض شناسی ضروری۔

◀ نیب: شاعری کا ژا چھہ لفظن ہند کھیل تہ کا ژا معنی آفرینی؟
چون غزل تہ چانہ غزلہ علاوہ کاشتر غزل کتہ نس چھہ امہ لحاظ؟
راز: معنی آفرینی ہند عمل چھہ سپدان کینوہا شاعر سندس ذہنس منز،
کینوہا پرن والو سندس ذہنس منز۔ شاعری چھہ بے شک لفظن منز
آسان مگر معنی چھہ نہ لفظن منز آسان۔ معنی چھہ پرن والو سندس
ذہنس منز آسان۔ پتو پرن والو تہ معنی۔ تھہ دورس منز شاعری
پرنہ بی معنی گوہہ تہ دور کس پوت منظرس منز ظاہر۔
میون غزل تہ میانہ غزلہ علاوہ کتہن چھہ کاشتر غزل؟ امہ سوالک
جواب میلہ ہیر دمن جو ابن منزے۔

ڈالو غلام محمد شاد

صبح پتر
شرونی گؤ وکنن مہ
چانہ دامانک تھے
دارتروہم تار مثر اوم برن
بوزکھے پوزتر اومثر اوسم نہ زول
زن خبر اوسم تہ از پیکھ لولہ وچہ پتھ میانی کز
چانی اکھ اکھ کتھ دلس اوسم کھنتھ
مایہ ہتر لولکو اچھر چانن خطن ہندری یاد پتھ
لوگ وٹش یادن، امارن، آشہ نے
لامکانس پٹھو خیا لوہیوت کرن پرواز زن
کیا ونے!
اکھ اکھ اچھر چشمن مہ کوس شہلتھ دوان
کامہ دودر بارہ پنہ نے شامرس رخس کھستھ
دوتہن ستر چانہ لولکو نامہ پتھ می نشہ یوان
نامہ کیا!
ووشلیمتن وشنن سرن ہندری ازدار
”میانہ سردارو!
یہ سرژی آلوے
خوش مہ چھم آتش پرتی
تھے چھم آزر پنن
”میانہ دیہ! کس زن اتر آو میانہ دے
زندہ روزن کر یوٹھ کوتاہ تری سوا
کاینا تکو حسنہ ہنگ ساری پدین چانن فدا
مانز گورتہ داوڑ متہ کرتہ متیو
شوخ ارمان و وپس متہ کرتہ
آشن برہم مدہم
سریہہ دلو گرمی شلج تری اوت رکھ
جان و دل تھے، چشمن، چشمن گاش تھے
دین ویمان میون تھے چھکھ
ازلہ ابدج آش تھے چھکھ
زندگی ہنر راش تھے
سارنے لون حصر چھم چانہ ستر
نارز اکتھ لولہ کے پوت ہیون چھ کر یوٹھ
بلبلما چھکھ؟ تہ دیہ ہوژول تہ کتھ تالنجہ بیوٹھ
وعدہ مشراو کھینوتر اوتھ ٹلکھ
سادہ لاگتھ یینہ سیاہ سر لاگہ ہن نیلامہ زانہہ
وچھ دلس مہ چیر دتھ اکھ قطرہ تال خونک کوڈم
یینہ گماں تہ زانہہ گوٹھی روپس بدل ووجا چھم
کیا ونے ونہ وک گوٹھو رائل ٹٹاں بے وایہ پاٹھو
وچھتہ کم سنگلاخ تراپڑ موختہ مالن چھم پوان!
”میانہ دیہ! کس زن اتر آو میانہ دے

بار صاحبہ! بار گونہک چھم نہ کانہہ
 لول چھم ورتو موت لولس بدل
 کامہ دوا کھڑا دولہ چے دار کڑ
 روزنس کڑ جائے مہ شیر تھ تھوس
 مہہ گٹن اُسس اُسس بوؤنی دوان
 ناگہ رادن تل بہت زاگے ہوان
 پتہ اچھ آسم گڑھان
 لوساں مہ لالں گاش اوس
 آہ ہتھ ہتھ آمہ پیالکو پاٹھو بو
 جل دوان دوران اُسس وچھنہ نیران کرتیم
 تس مدن وارس بہ بیمہ انگور ڈاچھ کرہ ہانٹار“

”یہ بدل باسی یمن میانن کتھن ہند معنہ ژبہ؟
 چھم خدا شاہد

ژہ چھکھ وونی میانہ تقدیر یک مجاز
 کانہہ نو دامانہ دورم ژری سوا
 پوزونے غنچ خبر ژری اوت چھے
 لولہ دریا وادلس وچھے وزان
 تریشہ ہڑا لیس تہ دوڑھ دوڑھ چاوتھس
 ازلہ ابدس کیت گیس سیراب بو
 ژے چھم اول تہ آخر ژے چھم
 چھم نہ کانہہ امانہ ژری روس
 ژے چھم رو حک قرار“

”یتھ خطس منز لولہ ہتیم شعر میانی“

یہ دنہ سازس پٹھ کھسن یتھ نوونکھ
 کانہہ بیکل ارک نہ لیکھ دیوانہ پاٹھو
 لولہ کے شمعہا مہ وونی یس زول یتھ ویران وچھس
 واوہ ہالں منز تہ تھاون شولہ ناوان، گاہ دوان
 گاشراوان ہجرہ جی تاریک راتھ
 یو ڈیو ہے سرمایہ چھم
 پوٹن گونہک یتھ لولہ گاش
 زانہہ مہ نوژھو کہ گاش امہ نورانہ گے
 لون نے آسم تہ
 سے ما آسمہ آخر میون ساتھ
 زانہہ مہ نوہارن تہ دیارن کن ضمیر
 کم سکندر آہ سمسارس اندر
 جام جمشیدن تہ گوگردش کڑتھ
 گے شریچھ خاکس اندر از کانہہ نوچھہ نہ یادتم
 میانہ مجلونو
 اچھن چھم سورمہ چونے خاک پا
 لولہ سر یہہ وچھے لولس ادہ پان ژری پشرووے
 چانہ امارے گو مت چھم ہول جگرس کیاونے
 لالہ زار کی پاٹھو دل چھم داغدار
 چھم اتھو پنڈو تمن چانہن خطن
 شوقہ سان
 تعویز کرکڑتہ وچھتہ ہاوے نالو چھم
 سوئے سمیک تازہ رت خوش ون ہوا
 زندگی ہتھ اکھ میانس دونس
 عشقہ کعبس کن پکن آہستہ ژری ہچھناوتھس

برونٹھ بزن مشکل سبٹھایو د

زانہہ تہ پوت نو پھیرہ بو

بس یتے سرمایہ یم کینہہ شعر میانی

خون دلہ ستنن مہ راژن تھوڑ لیکتھ

پرژھ تہ یمینے میانہ سینکو حارک ثات

پوشہ گولکائیا تھکم لیکھ لیکھ مہ لوچ داستان

بوز تو! دب دب بنوسینک مشی

خط تھ تہ بوز تھم

لیو کھمے جواب

پوڑ چھ لی روزیم دوہے چانے ینک مہ انتظار۔“

صبح چتر شرونی گولکن مہ

چانہ دامانک تھتھ

دار تراوم تارک مثر راوم برن

گوم ظن آیکھ ژہ از سے لولہ وچھ ہتھ میانی کنو

نندرمز گولکن تھوڑ و تھتھ ہے بنگہ ہیو

ہے یہ کیا یارو، یہ سورے خواب چھا؟

آلوے پنہ نو کنو بوزم تہ تھ پر بزنائو مہ

زانہہ مہ نو پنہ کنو زانہہ بریم دتتم

دائرہ مثرم تہ سوے چشمو وچھم

والے کمہ ارمانہ روس اکھ ژہا آیو قرار

ہاے کس شہجارو دید وادس لو بمت نندرمز

ہے! بے کس ونہ کیاونس

تھی گوم خواب

شرونی کنو بوزم مگر سورے یہ

صحراوک سرباب

تھنہ زانہہ باسی مہ بلو شعر الیو کھم

بوز! بوزن چھ

ژبتس پاوے مشتھ یو دچھ گولمت

ازرکنن گوم چانہ دامانک یہ شرونی

نامہ سوزتھ از ژہا چھرن زو آنھ

تارکن تھی ازر غزل لوچ لچھتھ

ازر ژہا پرژھ تھم زونہ سینس داغ کیتھ

ازر ژہا زونہ ہجر چین تاریک راژن ہند بجر

ازر بیوا گورک چشمو تلخ لولک چو تھس

ازر وونھ روزیم دوہے چانے ینک مہ انتظار

از چھ سے دوہے بیلیہ دلس ستر عہد و پیماناکو تھ

از چھ زادوہے چانہ میانے لولہ کے

زو وونے پنہ و تھولیس پانہ یو تھن اندمزار

معصومس بوزکھ

لکھس واراہ ویدا کھ

عالما کھیہ تر اس بوز تھ تاابد

بے رحم لاگھ ژہا یو دوے زہرہ کھوسا چو تھس

پوشہ وونی ہس دمس

روحس دمس آ بے حیات

بے وفایی، بے وفایی عالماہ

ہے مہ نو کینہہ زون مہ نوزون کینہہ

بارصاحبہ! چھکھ مہ بخشن ہار ژے

سایہ نے کر ہم پنن تیلہ کیا مہ سمسارس کرُن؟

سینہ کے سرمایہ دل کو رتھم عطا
 وائے نادانی! مہ نواتھ را چھ کر
 سون سلیمان گاڈہ بانس گوس بھتھ
 پرزلہ ون چیزاہ وچھن ہیوتس گیندن
 بقیلن ہو ون تہ خرراورن
 لون ہول یس آسہ تس کس کاسہ کھر
 از لہ کن سربستہ رازن کانسہ نوزانہہ گندمور

بیوفانی چانی چھ نہ کانہہ حسرتھا
 موکھ پھر تھ وعدس گفانی
 چانی چھ نہ کانہہ حیرتھا
 کا تہواتھواس ژبی بستن کرتھ الماس کھیو
 تاوژبی تاراج کو رتھن مصرہ کے
 خونہ خنجر چون سینس بحر احمر ون چھ بھتھ
 سرژٹھ پیغمبرس ژبی راتھ ووزلا تھ پنڑ
 پیالہ موئن چو تھن سقراط ژبی
 چاک پوت نالس دیتھ ژبی یوسفس
 عقلہ بریم تھ قیدخان منز تھوتھ مند چھو تھن
 ٹونگ فرہادس ژبہ لویتھ خسروس ستر اٹ کرتھ
 ونہ چھ مجلونس ژبہ کن وچھتھ ژلاں نیرتھ ویدا کھ
 چانہ کتھ مچھر زہر ورتا وچون
 زون کاژالوہ ونی پوز بھتھ وچھس منز توتہ گرون
 عاقلن سرتاج گومت عالمس باوتھ یہ راز
 چانی فطرت اس از لے بج تہ خصلت چانی بریم
 از لہ پٹھ آدم وکانن چانی اکو آوارہ کور

لون شیراں قرنہ نزر اُون تہ واتاں کن چھ ما
 سورگہ سرچھن تھو وچھتھ از لے تہ ونہ چھس دگ وچھس
 از پرژھاں پانس بہ چھس خلوکھ گوتھتھ
 دل ونے اوسے دیتھ نادانہ کس
 ببقلو! زون تھ ژبہ ما کانہہ را ورا و تھ بریم دبی
 لولہ ورتاوس ژبہ ما کانہہ بدلہ اُخرغم دبی
 خیر ونہ کیا گو مہ سندارن توگم
 روومت اوسم لبن ژھاژن توگم
 چون سرانجام چھم مہ نظر تل
 چھس وچھاں لارچ ژہ وونی دارس لکھ
 نور اُستھ اُخرس نارس لکھ
 چھم نہ کانہہ جادوژبہ لیس وزنا و ہی
 چھم نہ کانہہ مانتھربہ تلہ ہاشا پھ چانس سوچنس
 ہاوہ ہے و اُراگ لیس برونہہ کن وچھکھ
 خیر مہ تہ سند وروونی زانہہ کھمہ نہ بریم
 عالما شیرن وچھاں روز تھ گوتھکھ
 دودہ یے یامتھ تہ ییلہ زن نیر نک واتی ژبہ ساتھ
 لولہ سنر کدیر تم تحریر چانی
 یم لیکھتھ تھکو مژ ژبہ اُسی پوشہ گور
 تم امانت چھم
 تمی دودہہ یورہ سوزے ڈال کی تم۔

بہ چھس رودہ وونی اقبال فہیم

بہ چھس یو ہے رودہ وونی ہپارڈ ہپارڈ پھیران
گہے مہ آساں یپ گہے گوشاں نابود

تھہکان گہے وزل
دزان چھہ آہ ملر

مہ ماچھہ آگرو یو دبہ چھس نہ گزادر
زکالہ او برچ پینڈوئل وئل وون
مہ چھسم دچھنڈ کھو فر کھسان وئل ہردم
زنیو ہنان گاہے بہ چھس کلان ہردم
ژبہ ماتھوتھ زانہہ کن مہ کیاسنا گدران

مہ گے لفظ پھیرتھ لکوژبہ راہ کھولے
کو ڈکھتہ سے مطلب ویان تمن لیس اوس
مہ ونی نہ زانہہ کانہہ کتھ
مہ گر نہ زانہہ شریگی
مہ وچھ نہ زانہہ چشمو تمس او برلا رتھ

بہ چھس سبٹھاتھز بوئی نہ کتھہ سٹھولہ ہس
مکو کمولاً جم ترٹن نہ طوفان
ڈکھس چھہ آسان او ش
یشیو مہ او ش ہارن خبر ژہ کتھ کھوژکھ
مہ اوس نہ کینہہ باؤن

تمس چھہ وٹھہ بوئی مکر ز چشمہ گے نابود
کنن چھہ رتھ پریڈان
حبسن چھہ وٹھہ گومت
یہ گس رتس میانس لورا قبال صاب

مہ کیاسنا گدران
ژبہ کر سنا بوژتھ

یہ گو وٹہ اوس سپدن
ژبہ کس سنارہہ چھہ
ہنان ہوا بعضے گوشاں سہن گانگل

شہر بے صدا نسیم شفایی

سہ اوس شہر بے صدا
سہ اوس شہر بے صدا
تہ تتھر اندر سپد لوتی
اکھ عجیب حادثا

وچھتھ زمین و آسماں
سو آئیہ تیڑ ووسنس
ز کو تہ کو کراں ہیڑتن
ون تہ نب کنے کړن

دور گہلہ جنگلہ منزری
یار گنرہ پتھ کنتھ
سروہ کلو لجن اندر
زایہ کلہ بچہ ہنا

دوہا سہ ووت سروہ کلو
تہ بوز تندر کو تہ کو
سہ کھوڑ ہیو متیو سخ
سبز برگ ہر تھ پیس

زایہ ادہ زویہ سوے
ژھایہ ہول شہل کران
رچھیہ ماجہ پھڑ اندر
کانسہ لوگ نہ پے توتاں

سبٹھا وڈن سبٹھا کورن
ککلہ زارہ پارہ تھو
مہ کر یہ بول شوقہ ہتھ
مہ ہاو کانسہ روے پنن

دوہا بنیو وڈ پھ پچھن
وڈ پھ پچھن وڈو کورن
وڈو کورن تہ ژھالہ ژج
دور ہور لہ کنتھ

مگر سو کیا تہ مانہ ہس
سو درایہ کور تھوڈ تلٹھ
کو تہ کو کران کران
درایہ مارکن اندر

بالو شالہ مارو کنو
بانہ سبزہ زارو کنو
یوتاں سوو اُثر بہہ ڈھٹان
یہ شچھ خبر شہر اندر

ژبہ کیا ز دژتھ جاے تس
تازہ اول پیرنس
ژبہ کیا ز تھووتھ کن تمس
کو تہ کو صدا دس،

دپاں سہ سروہ کل تہ وونو
رٹھ اوکھ ژٹھ اوکھ
تہ تس چھ پے پتاہ پرژھان
از تہ کلہ ہند وٹھ

یہ اوس شہر بے صدا
یہ اوس شہر بے صدا

”ژبہ یچھ خبر زانو چھکھ
یہ اوس شہر بے صدا
پیتر ہے چھ لولہ چرک گبشس
یا منع نہ سزا

لوک نشانہ فیاض دلبر

کد لہ عمہ لالس نش ہر کسہ کھیو۔ تمہ سے شبن جی ین بوے یس
رنگ منچ ڈرامٹک کلک روح رواں تہ کاشر تھیڑ مومٹک اہم حصہ
اوس تہ یس باکمال اداکارن منز گنران اُس۔

شبن کول اوس شکل و صورت تہ مزازہ کئی اکھ تیتھ خوش رونو جوان
یکس ازری چہ مغرب زدہ زبانی منز 'cool dude' ہیکو ناوتھو تھ۔ قد
آور، اتھ کھورہ مضبوط، آریابی نسلہ کس نستہ خنجرس ستر ستر تھس پٹھ
مغل منچر ٹاپیک نفیس ریشہ خطا، وٹھن پٹھا کھ مستقل اُس رکھ تہ
جوانی ہندس اتھو درس منز اوڈ کافی ہاوس شچھ ز شبن جی کو رکھ صور
ایڈمٹ۔ حقیقت چھبہ یہ زاسہ ڈول بڈ بڈ اسٹاہ نیر تھ تہ باسیو ز خبر
کتھ تو نثر تھ چھن یہ ڈراما لوگمت۔ رتھہ کھنچ پتہ بیلہ اسر تلس نش
صورہ میڈیکل انسٹی چیوٹ واڈسہ اوس ہشاش بشاش بیڈس
پٹھ بہت۔ اسہ وارڈس منز اثران وچھتھ ڈول تلس تہ بڈ بڈ اُس
نیر تھ تہ سانہ کینہہ ونہ بروہے وٹھ۔ ”مدر ہندمرن چھم پتے تو
کیاہ و نیو۔ تو ہی چھوہ خبیث۔“

مہ ڈول ہلہ نیر تھ۔ ”ووں ونا سیو دہہرا قصہ کیا چھ؟“ تمہ تروو
گوڈ نکہ کھوتہ تہ ہنا بڈ پہن اُس تہ لوگ اسہ سارن تہراہ پر نہ۔ امہ
پتہ کینہہ دو ہی کھو لکھ سہ گرہ مگر ہفتہ یا دوہ ہفتہ پتہ نیو کھ پیہ واپس
ہسپتال تہ پتہ واڈ شچھ ز شبن جی سپدیو۔ تلس آسہ دوشوے بوکھ وچہ
خراب گمہ۔

توہہ ہاسہ یہ عجیب مگر یہ چھہ پزرمہ گیہ شبن جی تہ نکہت۔ مہ
کھو رسہ۔ تلس پز ہانہ تھہ کئی نیرن۔ تھہ کراسہ تارڈی۔ بہ گوس نہ
تسڈ گرہ نہ گوس آورینہ پٹھ۔ مہ وچہ نہ تلس کتھ پاٹھو آوداہ دنہ۔

۹۲۔۱۹۹۱ دوران اُسرا کینون رتھن پٹ پٹ گنج دلہ اکس تھس
انتہابی تنگ تہ تاریخ تھس منز کرایہ پٹھ روزان یس بہ بانگ دہل
سانہ تنگدستی، لاچاری تہ بہہ بسی ہندا اعلان کران اوس۔ غربی ہندین
یمنے دوہن چھ اکہ دوہہ ڈیرک شامن باگو سون اکھ ہمسایہ پروفیسر
موجہدار تھ کھہ ہوت سائنس دروازس ٹاسر ہاریے ملو تھ کرکھ
لایان۔

”مشٹر فیاض ہمارے ہاں آپ کے لیے فون ہے۔“
تہ امہ پتہ پانس ستر ووساے کران۔ ”یہ لوگوں کو جرابھی احساس نہیں
کہ کسی کے پی پی نمبر پر کب فون کرے کب نہ کریں؟“
بے شرم سندری پاٹھو دیت مہ موجہدار انکل نس اتھ کلاس گوش۔
اپزے اُس رکھ تھس پٹھتھا وٹھ ڈاس تھندس ڈراینگ روس منز
تیکم فونک ریسور۔

”ہے آداب عرض۔ بہ چھس ویر... ویرکول۔“ دویمہ طرفہ گیہ آواز۔
مہ توگ نہ کلینا تہ بوڈن زیہ گس ویرکول چھ۔ ”گسو یارہ ویرکول؟“
”شبن جی ین لوکٹ brother مہارا۔“ تمہ کروضاحت۔ مہ
رٹ دندس تل زو تہ پتہ غلطی ہند گوم احساس۔ ویرکول اوس شبن جی
ین لوگٹ بوے۔ تمہ سے شبن جی یس یس سانہ برادری ہندس
دایرس منز اکھ اہم جاے حاصل اُس۔ تمہ سے شبن جی ین بوے
یک تہہ زمانہ کس کافی ہاوس منز وری وادن اسہ ستر لگ بگ پر تھ
گنہ ٹیلیس پٹھ کافی چپیہ۔ اسہ ستر مرحوم علی محمد لون سند مقبول ریڈیو
ڈراما ”میانہ جگرہ کہ داد ووتھ“ discuss کو۔ غلام محمد شاہ سندس
سیاسی شعورس پٹھٹھٹ لوگ۔ بہر کد لہ دستاؤرس نش سیکہ ٹجہ تہ عالمی

بہ در اس کالے۔ شاہ پور جٹ کین بد مزازہ گور بن ہندس اکس بہ
 وطیرہ کرایہ کٹھنس منز اوس ویر کول پنہ ماجہ ہندس شوس برو نہہ کنہ
 نئے زون بہت۔ کوٹھن منز کھڑھتھ، بھابی ہند شانہ طرفہ اوس
 پرون پکھہ یومت ژونگ زمتہ زبردتی دزون روزنچ کوشش
 کران۔ بہ بیٹھس ویرس دچھڑ کڑ۔ سر بیجو اچھو مہ کن اکھ معنی خیز
 نظراہ تراونہ پتہ دول تھر طاقتہ پٹھہ اکھ پرون ٹیپ ریکاڈرتہ اتر
 دوشوے رودی راتی راتس بھابی ہندس شوس برو نہہ کنہ کرشن جو
 رازدان سنز کیلا بوزان۔

سمرن پنڑ دیر ونم لولک نشانہ ویسے یے
 رھہ راون توگم نہ رووم اوسم نہ بانہ ویسے یے
 گاش پھول تہ پیہ زہ ژور زنی پیہ و اتھہ۔ احمد آبادہ پٹھہ آہ شین جی
 تہ ہشیرہ تہ ژھنڑ مہ نالس تھہ۔ ”بھابی ہند داہ سنسکار تہ پوزایہ
 خاطرہ گھوگی اسہ گور کار شرسن۔“

ادہ کیاہ، چھس بہ نودلہ ہنز عالی شان پپوش انگلیو کالونی منزاکر سے
 اکر سے پنڈت صاحبس گورہ سند پے پتاہ پڑھان مگر کانہہ اکھاہ تہ
 چھہ نہ مہ ہوان زتم کیا زانن کانہہ گورس۔ بلکہ باسیوم تمولاج مہ
 پیہ پڑھہ گارہش کرنی۔ اڈی اسی مہ مشکوک نظر وچھتھ مہ منزنی
 سوچان ز اما یہ کاشر مسلمان کیا ز گورس ژھانڈان۔ اڈن اوس
 ظاہر میانس ڈیکس پٹھہ ISI مارکہ تہ بوزنہ یوان۔

بہر حال تھہ تھہ پیلہ مسجد موتھہ علاقس منزاکس گورس تام ووتس تھر
 اڈن میانس مسلسل وارے کھر۔ مہ ہیرہ پٹھہ یون تام نظر اکر تھہ
 ووتلوان پٹنس تھس پٹھہ دھرم گروٹھلر آچار یہ سندری ہوئی تاثرات تہ
 وونم۔ ”وچھہ سا مولا۔ توہہ از کیکن لوکن ما پٹھوہ دھرمس،
 شاسترن، ریتی رواجن تہ پر میرا ہن سنہک پڑ۔ نہہ کیا چھہ اتھہ کڑن
 آسان۔ معمولی سا گمرہ چھہ اتر۔ کڑ تام شلوک چھہ پرنی۔ جان
 گیوہر گاہ وونہ یہ کامہ پانے ا سہواندواتناوان۔“

مہ وچھہ نہ پیلہ سہ اسہ نش الگ گوتہ وقتہ اساتندس تھس پٹھو
 اسن رکھ کنہ؟ تہ پتہ گیہ واریاہ وری اسی اسی کتہ تام سالس ز شچھہ
 و اتھ بھابی چھہ صدر ہسپتال ایڈمٹ۔ تس چھہ خوج ضرورت تہ
 گروپ چھس بی پازیٹو۔ کتھہ کڈہ گینز گوڈہ۔ بھابی گیہ شین جی تڑ
 موج۔ تس اسی پنہن شرن ستری تہندی یاردوست، ساری محلہ والو
 تہ زانی کار بلکہ ظاہر پن خاندار تہ بھابی ونان۔ مہ چھہ خوک گروپ
 بی پازیٹوے، لہذا گوس بہ گنی دو ہسپتال تہ دیتم خونہ پوینا اکھ۔ تہ
 پتہ پیلہ بہ بھابی نش وارڈس منز ووتس، مہ وچھتھہ دیت تمہ لہ
 پھیرن تہ مہ کن تھر کتھہ وژھ لوت لوت۔ ”پرائیو بنا چھہ غلط
 وونم۔ دپان یارس موج مویہ تہ لگہ اساتھا۔ یار مود تہ کنہ نہ
 کانہہ۔“ اتر ستری پیلہ بھابی یہ وڈنک زہ چھس تہندی باپتہ خون وچھہ
 آمت سو پھیر واریہ وارہ مہ کن۔ اٹھس منز وونم اتھہ تہ وڈنک ہیو
 اوش ہاران ہاران وونم۔ ”پتاہ چھہ؟ وونہ ہبا وچھہ بہ۔ وونہ ہبا
 گٹھہ بہ ٹھیک۔ وونہ آسم نارگن منز چون خون۔“
 روب سند کڑن بھابی گیہ ٹھیک تہ لچ برونم پاٹھو زندگی ہندس لوہ
 لنگرس۔ پتہ دراس بہ کثیر تہ ووتس دلہ۔ کینہ وری گیہ۔ بوکر کثیر
 پٹھہ ہجرت۔ لارکو لکو دار تہ دارکو لار تہ مہ تہ رووشین جی نس گرس
 ستری رابطہ تہ از اوس خبر کتہ ہر مہ ہنگہ تہ مگہ وونہ شین جی سُن
 لوکت بوے ویر کول فون کران۔

”یہ نمبر کتہ سامیولے ژبہ؟“
 ”خبر حص کچھہ دیتم؟“ ویر کولن زمتہ وون ژون ہیو۔
 ”ادہ سا تہ بھابی چھا ٹھیک؟“
 مہ پڑھس تہ ویر کول آواز ہیون گونہش۔
 ”توے کو رموفون۔ بھابی سپد پیہ۔ وونہ وڈی اڈ گانگا گو۔ مگر ٹکون
 پگاہ۔ اسی چھہ شاہ پور جٹ گامس منز کرایہ بسان۔ لیکھو اڈریس۔
 سلی پہن یو۔ پیہ ہر گاہ وونہ سمکھو وہ کانہہ سہ انزیون ستری۔“

مہ آسہ ظاہر وونی کنہ پھیڑہ تام ووشلیمرہ۔ کچہ زیو وونمس۔ ”بہ
مہاراچھس مسلمان۔“

تس بیٹھ رنگن لورژنڈ ہش۔ آھس کیتھ ٹلمت سہ کپرہ بیگ تروون
ناس کترتھ پتھریتھ منز کینہہ سنسکرت کتابہ آسہ تہ امہ پتہ لاگن مہ ستر
نہ یتکو مختلف بہانہ کرنی۔

”مہ ہسامولا پانس شریر ناساز۔ بلڈچھم تھد یومت۔ پٹھ مان سا
بجر۔“

مہ مایپیہ بابا تہ سہ کھکھر پانس ستر کڈن نتہ مانیرہ ہامایوس گوتھ خالی
اتھو، تسز جوان کورنے مداخلت کرہا۔ تمہ نیوسہ اندرس کٹھس منز۔
لوت لوت وونمس کیہ تام تہ سہ گوراضی۔

دگرنس باگو واتناؤ اسہ بھابی صفدر جنگ شمشان پیتر تس داہ دس
دوران ریش دراز کاوج اکر سے اکر سے اکے کتھ ونان اوس۔

”کشمیری برہمن بہت ہی اونچی ذات کے ہوتے ہیں۔ ان کا کریہ
کرنا ہر کسی کے بس کا نا ہے۔ راجیو گاندھی کا کریہ بھی ہمارے ہی
ہاتھوں ہوا۔ آپ نے دور درشن پر نہیں دیکھا اس دن۔“ کاوج اوس
پھر کی پھر کی آتھی کتھ ووج دوان۔ ٹینتا یہ ہنز رہہ اُس رتھہ رتھہ
ہران تہ بہ اوس اندری سونچان کاش از شمین جی زندہ آسن۔
پانے بوزہ ناوہس شاستر۔

زه غزل شهناز رشيد

سود در سود قرض گوو نه ادا از تامت
پير گذريايه خطا رود خطا از تامت
دراو دروازه دؤپن از چھ شهر بالکل ٲھيک
توه پتن لوگ نه تسند کانہہ تہ پتا از تامت
ناوندر چھہ بيمس زانہہ سو پري وچھ نہ اچھو
صبح دم تام زانہہ ٲھيو نہ شمع از تامت
ضربہ رؤس روز نہ ٲوز ميانه بہي وچھ اکثر
جمع تفريق تہ تقسيم چھرا از تامت
يم چھہ سرتازہ زخم پرائي بلييے کرتام
کس ونان چھو ز چھوکن کو ز نہ دوا از تامت
کم قداوار وچھم کتھ شھلو کلو مہہ سمکھي
گوو نہ زانہہ نظر مگر سرو قدا از تامت
پر تھ شبنس کيا ز چواں شام غريباں مہہ ٲٲس
نوحہ گر کيا ز فقط ميون نوا از تامت

تھھہ دتھ چھہ کس نوان سحر وقتہ تس سکون
دوشلان کيا ز راتھ ٲٲتھہ پھرہ زون
للاواں نہ دگ کہنہ تہ وٲٲن ٲٲٲہ نہ کانسہ وائے
يا چھو کھ ووزر گلاب سپدر يا نہ ووزر نہ نون
وچھ دل تہ قطرہ قطرہ سبکستان سريہہ نہ دائر
وچھ گل تہ تھہ چھہ دگنہ وساں برگہ برگہ خون
موجود پان زالنک ارمان ٲونپرن
سوريو کينہہ اگر تہ شمع زالنک جنون
اڑ تھي ز دل نوان اڑن کانہہ تہ رکھ نہ سيو د
ساري سکول شري نہ بناواں هوي تکنون
کانہہ کتھ درودہ ہش نہ گرک کونج کانہہ چھہ سيو د
تم ماحہ ہندي کلام نہ تم مار سندر ستون

دکڙه بڙي کش منوج رازدان

جاءے کشیر ته اکھ قبرستان
ژیر آ ژ هندوق ته اکھ تڙن انہ گوٹ
آوارہ ہونہن ہنز بقرار ژھوپہ
اکہ اندہ پٹھہ بیس اندس کن یوان ته گوہان
ملٹری والہن ہنز شب بیداری
گولہن ہندی ٹاس
قدمن ہنز چاپ
جنگون ہنز دنیاوی لہلہاوس دور
وتاو فداوی وٹھ پھسراے
ته اتھی منز
وٹھہ دو یوقر و منزہ زہ زتچھہ ژھایہ
ته درایہ بالن منز باگ کشیر ہنز بند خاموشی
ہندس ہر ته زتچھر ماپہ
چھتو، دیوار وٹھہ، آنگو منز
وانہ پیچو، نالہ دمونک
زتچھہ اڈی جورؤس اڈد زہ ژھایہ
دکڙ پاٹھو کرہنہ ته سفید
تنان ته ہنان
کولن ته دریاون منز ڈیکہ ماران

کچھن تل بچہ گندان
دارہن، دروازن وڈ دوان
پریشان ژھایہ
برہ گمون زندگین ہنزہ
بہ پرسان ژھایہ
ٹھانہ رؤس کرلیس منز وٹھہ لایہ
برہنہن ہندو لکٹن دتھ
کھوہ بیہ ہیو رکن
اکس اکھ ستری نالہ موت کرتھ
زن رآ ژ ہنز خاموشی منز اکو ملٹری والو
باژن ہند خیال تھ
سگریٹس پوٹس پتھ تراو
دکڙہ بڙی ددی متی کش

پرون همسايه منوج رازدان

راته وچهم پرون همسايه
انزان جايه

پتھر ستر جنگ
کښه يه اوس بجرک لنگ

تھس ووتھمت رنگ
کنن نش ډلمتر سفيد هنگ
صاف دل زن تنگ

مبه دؤپ پچانته ماونه بايه
چونے لول چھه دله کس دروازس دبرايه
کينهه گوونه يا ون ضالغ
اکر چھه ونه همسايه

اچهن نش ژهايوگنډر متري خيمه
سفيدندن ته لوگمت رنگ
ډکس افسوس گنجوه رکهه
زيوته لوگمت ډنگ

مگر ژلونه به تروون الوندپان
زن اوس مند چهان
توت دؤپم اتهه کډ دارنهر
اخر انسان

دؤپم پرژھس
کمر سنده مايه
کو رته ژبه يا ون ضالغ؟

پرون همسايه
دله کس ميزانس پارسنگ
ژله ونه به منزه پتھ کن تروون
گر دهنده اکھ زرؤن بشتنگ

مگر تميچ نظره تراؤن دور
زن رتھس کانه ژور
برونهه پوک ته قدمو کو رهس

ژور غزل محمد رمضان

پټنس پانس کن چه صرف مجبور وچهان
یم آزاد نفس تم پانس دور وچهان
نارن ژهه کډ جسم گلس گوو خاک ته دل
آسه دژته سه ته پيومت کيا چکه سور وچهان
اندک پکهي واده طفان تل کهرام به کيته
کلو گنرس منز تهارپومت کستور وچهان
الفنس پښه کنه اړ کرته شوگمت اکه مد
نولس اندره چه اچ مژته اکه پهيور وچهان
اعمالن هنز گڼه پرته چيزس زیر کران
ریش کیشس منز بڼه امت نور وچهان
پښه کنه یډ دته مېو ډیرس پښه آلو میون
یونه کنه ژر بچه هیو چه موژیومت کیور وچهان
شیشه لرڼ هندو خواب وچته ژهوژکالي نظر
ساسه بدن عکس هند چکنا چور وچهان
ژهښته وښه گومت ژونگ ته انه گډ کرس منز
کرهڼه شیکو اسرار چه ره اړ مژ زور وچهان
پهوله یا پهوله نه زهر آلوده فضا هس منز
اډ اچ مژته کلو لنجه پښه اکه لور وچهان
اندرو خیالن زو چه انال رمضان مگر
نیره ردیفنس قافیه کم منظور وچهان

تلن به زړاند ته تون کر نظاره کانه نه کانه
به سوکه اچهن د سکونک سهاره کانه نه کانه
چه آفتاب چه یارز اندر نهته صبحه شام
تلن پیوان زمین خساره کانه نه کانه
عجیب راته چه، ژهالین ته برکنډی چه پشال
دن د جوش، اچهن دن شراره کانه نه کانه
سه جلوه بار محبت، سه حسن غم، نه سهی
بناں چه عاشقس آخر سهاره کانه نه کانه
یتھے ته آسه نه بارو دواں کلین منز واو
یوتاں نه وومت آسبس دداره کانه نه کانه
هواں چه نار نظارن ژوپارک پر تو ستر
پهواں چه یاد دل بیقراره کانه نه کانه
کراں حواله چه یتھے اُتته روس گلس رمضان
انال چه گاش اُتھس کبته ستاره کانه نه کانه

قباے زندگی دامن تہ نال تھوومت چھتھ
 غریب سند تہ شکر کانہ خیال تھوومت چھتھ
 اتي نظارہ چھہ چکاں اتي چھہ زوتاں خواب
 اچھن اندر مہ یہ کمر سند جمال تھوومت چھتھ
 سو بوڑیوس مہ دس منز جہارہ ونہ چھہ کرتھ
 وھر وھر ژبہ تمیک پایمال تھوومت چھتھ
 سراغ چانہ خزانک لبو مگر کتھ کز
 یتن جواب گوژھ آسن سوال تھوومت چھتھ
 تلو قدم تہ کھوروتلہ چھہ سبکھ ژالاں نیرتھ
 تلو نظر تہ اچھن دولہ بال تھوومت چھتھ
 یہ کیا غضب چھہ ز منزل چھہ نہ کانہ سفرک
 یہ کیا غضب چھہ دن ہند تہ زال تھوومت چھتھ
 چھہ خیر چون سبٹھا یتھ زمینہ پٹھ لیکن
 ہتھن فساد یتھن شر بحال تھوومت چھتھ
 ژھری لفظ چھہ گندتھ شاعری کران رمضان
 کسند خاطرہ سٹنک کمال تھوومت چھتھ

یہ مال مولونہ واجنر نظر تہ چھا کنہ کانہ
 مہ ہیو دکان خسارل اندر تہ چھا کنہ کانہ
 یہ سانی رات غنیمت چھہ، ژانگو گاش تہ چھہ
 شکھے گنان چھہ گاشر سحر تہ چھا کنہ کانہ
 گرد گرد یہ سفر چون شب کہ صحراوک
 صبح کہ واوہ ژبہ کیت برگ تہ چھا کنہ کانہ
 دہس اندر ژھپہ شمع فگر کرن والیو
 ژکس تل آمتہ شہرچ خبر تہ چھا کنہ کانہ
 سہ کوچہ کوچہ تہ چھا جلوہ زار شہرل منز
 تہ دشت وکوہ سہ وحشت بسر تہ چھا کنہ کانہ
 ژھر استعارہ گری شاعری ازبج رمضان
 سہ کس وچھان چھہ لفظن اثر تہ چھا کنہ کانہ

سوال جواب

نیب، محمد رمضان

◀ نیب: چون شمارہ یکواستی بہترین نے تہ جان غزل ونن والہن تازہ ترین شاعر منہ کر تھ۔ سوال چھ یہ ز غزل کیا ز؟ غزل ماچھ خاص موضوعن، لفظن تہ آہنگن منہ بند گوتھ شاعری محدود تہ مسدود کران؟

رمضان: یہ چھہ چانی بڈی میانس غزل چھکھ ژہ کنہ لایق زانان۔ مہ چھہ پورہ احساس ز بہ چھس واریا ہن شاعرن مقابلہ سبٹھا کمزور غزل ونان۔ کمزورونک چھم نہ شوق مگر کبہہ تام چھہ پرہ گی روزان۔ خیر، غزل چھہ سن بہ امہ موکھ ونان تکیا ز بہ چھس تھ ماحول منہ پلیمت، بڈیومت۔ تھ منہ شاعر زیادہ تر غزل ونان اسی تہ از تہ چھہ ونان۔ غزل چھہ سانی روایت کاشر کنہ تہ سائہ تہذیبی اندر پکھی کنہ تہ۔ غزل چھہ وٹنس تہ باقی ہندوستانی صنفن ستر تہ واریاہ حدس تام ہشر تہ مطابقت تھاوان۔ سانس اتھ اندر پکھس منہ چھہ نہ شاعری اندر نظمہ ہندہ ہومو موضوعی ز پکھر، ترتیب تہ ترقی۔ سانس اندر پکھس منہ چھہ کتھ ژھوڑی پاٹھی، اشارن منہ تہ ڈبھہ ونچ روایت۔ سانی شاعری چھہ سائہ روحانی حال ادھالچ شاعری۔ نظمہ اندر چھہ موضوعی پھیلاونچ مہ بال چھہ نہ۔ وونی چھہ اسی نظمہ تہ ونان تہ سبٹھا جان ونان۔ مگر نظم چھہ بہر حال مغربی شاعری تہ سوچچ نمایندہ۔ سون لیکھن پرن، پلو پوشاک، بیتر چھہ وونی مغرب کے۔ سوچ تہ چھہ وونی تورہ کے۔ مشرق منہ چھہ ازکل واریاہ ادب تھہ پاٹھی تخلیق کرنہ یوان لیس ترجمہ موافق آسہ یعنی ادب چھہ مغرب کی ادبی معیار بروہنہ کنہ تھاوتھ تخلیق کرنہ یوان۔ سائنن داستان، سائہ شاعری گوتھہ مغربی تہ لیس منہ ترجمہ گوتھن۔ اتی گوتھہ یو ڈ ادب۔

بلکہ چھہ مہ باسان واریاہ شاعر (سانی تہ کینہہ) چھہ نظمہ گوڈہ انگریزی پاٹھی ونان تہ پتہ تمسن ترجمہ کر تھہ پنہ زبانی (کاشرس) منہ چھپاوان۔ غزل چھہ نہ ترجمہ ممکن۔ لہذا چھہ اسہ یہ صنف مغربی تنقیدی معیار وکنہ عچسے باسان۔ اچ شاعری مولناونی چھہ اسہ مشکل باسان۔ مغربس منہ چھہ شاعری علمی، تعلیمی کارگردگی بنیمو۔ مگر غزلہ کنہ چھہ سانی شاعری ونہ عام لوکن ستر تعلق قائم کر تھہ ہرکان۔ واریاہ پرڈمتر لوکھ چھہ غزلو شعر بوز تھہ کم از کم کلمہ گناوان۔ بہ چھس نہ درس تدریس چہ ضرور ژد نظر تھاوتھ شاعری کران۔ میانہ خاطرہ چھہ استعارہ گری، پیکر تراشی کھوتہ زیادہ اہمیت تھہ تھہ انگریزی پاٹھی Romantic ونان چھہ۔ بہ چھس شاعری منہ اہمیت دوان عشقس، جذبس، احساس تہ آہنگس۔ میانہ خاطرہ چھہ شاعری ہند اصل روح یے چیز۔ ہم جذبہ تہ احساس چاہے استعارہ ستر پیدہ گوتھن یا صاف تہ ژوڈ یولفظو ستر یا خالص آہنگ ستر۔ غزل چھہ نہ موضوعن منہ یا لفظن منہ یا آہنگن منہ بند گوتھ مت بلکہ چھہ سانی روایت، سائہ شاعری ہنہ روایت۔ تھ منہ اسہ اکے کتھ رنگہ رنگہ، بار بارونک عادت چھہ تاکہ زاوڈ جار گوتھن پیدہ۔ اتھ منہ چھہ سانی روحانیت۔ ہشن آوازن ہند تکرار، اندرونی قافیہ، وژنک ووج، ردیف قافیہ تہ چھہ امی روحانیتک اکھ حصہ۔ اسہ چھہ یمن چیزن مزہ، لطف تہ سرود یوان۔ یے چھہ عالمی شاعری ہند کی بنیادی وصف رودمتر۔ یے چیز چھہ اہم۔ نوڈ نوڈ استعارہ، نوڈ علامتہ نوڈ نوڈ موضوع ورتا وونی گوتھ جان مگر یوت تام نہ نوڈ دیوڈ گوتھہ، تو ت تام چھہ تھ منہ صرف حیرانی۔ حیرانی چھہ نہ شاعری ہند مکمل تعریف۔ یہ

چھ صرف اک پہلو۔ نو برگو وا کہ چیز تہ تنوع یعنی variation بیا کہ چیز۔ یوت تام نہ لفظ، آہنگ تہ موضوع تنوع سان بار بار ورتا ونہ جن شاعری منز ہیکہ نہ وسعت تہ گہرا بی پیدہ گہہتھ۔ وہمہ صدی ہندس آغازس منز گوا و مغربی شاعری نورس کن۔ پرہتھ کینہہ گوا تھ تو آس۔ پرہتھ کانہہ چیز گوا تھ پر ن ولس حیران کون۔ شاعری ہنداکھ صنف۔ بیلہ پنڈو مول اکس شعری روا یژ منز مستحکم تہ مضبوط پاٹھو و ہراوان چھ، اتی چھہ تھ منز ثمر آور شاعری پیدہ سپدان۔ کاشرس منز چھہ غزل مستحکم تہ مضبوط تہ اسی چھہ اتھ منز واریا ہن شاعرن ہند دس مالدار شاعری ہنز مثال قائم گوہان و چھان یمن منز غزلہ کین ابتدائی شاعرن علاوہ مجبور، خاص کرا یمن کامل، تہ نو بن شاعرن منز رفیق راز سندک ناو ویدک چھہ۔ پتمن کینون دہلن منز چھہ نہ صرف نو یو بلکہ پرائیو شاعرو تہ تو زہتہ ہتھ غزلک دامن مالا مال کو رمت یمن منز غلام نبی فراق، رحمن راہی، مظفر عازم، قاضی غلام محمد، حامدی کشمیری، فاروق نازی، حکیم منظور، شفیع شوق، م ح ظفر، شہناز رشید تہ بیہ تہ واریا چھہ یمن ہندک ناو وٹکن یاد چھم نہ پوان۔

شاعری چھہ نہ مسدود گوہان۔ یژہ حالت یمن برو نہہ چھہ یہ پانے لہ پھیرن دوان۔ تھہ لہ پھیرن لوگ کاشرس منز بیلہ آزاد نظم بارس آہ۔ تھو دوران درا و غزل اکھ تو جلال تہ کمال ہتھ این کامل سبز طر حدار شاعری ہندس بنس پٹھون۔ تہ پٹھہ چھہ امہ صنف شعرک سفر جاری۔ غزل، ہیکو نہ مسدود شاعری ہنز صنف وٹھ۔ سہ آسہ ہقیقتس نش اچھ وٹنس برابر۔ غزل چھہ وٹکن کاشر شاعری ہند لایق تحسین سرمایہ۔

◀ نیب: ژہر استعارہ گری شاعری ازج رمضان۔ اتھ شعرس پٹھ کر تہ کتھ۔ استعارہ چھہ شعرک اکھ اہم جز۔ لفظن ہند اثر کیا

گو؟

رمضان: یہ چھہ پوز استعارہ چھہ شعرک اہم جز مگر شاعری ہند مترادف چھہ نہ۔ یعنی یہ چھہ وسیلہ، مقصد چھہ نہ۔ اسی چھہ استعارہ گری پٹھ درس تدریس کن یوت زور دوان ز زن شعرہ زبانی ہندیو ہے اکھ مخصوص نشانہ چھہ۔ شاعر چھہ نہ استعارہ گران۔ سہ چھہ نہ دپان دولہ ساز بناوہ بہتھ شعرس منز بہتھ پاٹھو اکھ تو استعارہ۔ پر ن والک گوہن امہ کہ نورہ تہ نادریت کن حیران گوہن۔ بہتھ پاٹھو چھہ نہ استعارہ شعرن منز یوان۔ شعرن منز امہ طریقہ کس استعارہ ورتاوس جھس بہ استعارہ گری وٹان۔ استعارہ چھہ شعر ونہ کس عملس منز پانے مضمون کہ مطابق واقع سپدان۔ یہ چھہ نہ شعوری کوشش۔ شعر بناؤ کہ چھہ مختلف ول۔ شاعری چھہ کتھ شعرس منز محض آہنگ ستر تہ پیدہ گوہان۔ بہ جھس نہ ادبک مولوی ز بہ نہ استعارہ ستر پیدہ سبز مثر شاعری چھا بہتر کتھ آہنگ ستر پیدہ سبز مثر شاعری۔ مہ نش چھہ شاعری شاعری چاہے سو کتھ تہ ولہ قائم گوہہ۔ شاعر وچھہ کا تیا متنوع طریقہ ورتا وڈو۔ مثلاً کاشرے شعر نمون۔

دیوار وک پتھ تہ گو مت آگلنس نمبر

در پردہ اوس کیا ز تھہ پردا نہ رود مت

اتھ منز تہ چھہ شاعری، بہترین شاعری۔ اتھ شعرس منز کتھ ستر چھہ شاعری پیدہ گمہ؟ گو وٹکن شعرس منز چھہ وک پتھ تہ آگلنک بیان۔ شبہہ تہ اگر امیک گو وٹیک مصرعہ و وٹلاون چھہ، سو چھہ کشیر ہندس اندر پکھس منز اکھ عام کتھ۔ بہتھ پاٹھو کھیل وٹرس پٹھہ شبنم چھکر نہ یمن خوبصورت سہی مگر اکھ عام منظر چھہ لیس کشیر اندر تقریباً پرہتھ شتون وچھمت آسہ تہ از کل ٹیلی جنس پٹھہ لولہ باتن منز کہیا لہ وچھمت آسہ، وک پتھ مت دیوار تہ چھہ اکھ عام کتھ۔ یمن عام واقعن منز چھہ نہ کانہہ شاعری۔ البتہ دو یمس مصرعس منز لیس استفہام تہ استعجاب چھہ، سہ چھہ اتھ شعرس منز شاعری پیدہ کران۔

امہ استفہامہ ستر چھبہ اتھ شعرس منز لغوی سطح علاوہ بیا کھ تہہ پیدہ گمہ
 یتھ شعر ی تہہ و نٹھ ہیکو۔ یعنی یات تام پردہ اوس، سہ چیز تہہ اوس
 یتھ پردہ اوس۔ پردہ و تھ تہہ سہ چیز تہہ رودنہ۔ یا یہ ز تہہ اوس نہ کہنی
 یتھ دیوار پردہ کرتھ اوس۔ یہ لوگ پتاہ بیلہ دیوار و تہہ پیو۔ یا یہ کہ
 دیوارن اندر آستھ تہہ چھہ آنگن ژھورے آسان۔ دیوار و تہہ پتھ
 گوس وارے نمبر تہہ پتاہ لوگ ز اتھ پردہ آسن نہ آسن چھہ کئی کتھ۔
 لفظ آنگن چھہ توجہ طلب۔ آنگن چھہ اکھ خالی جاے یوس دیوار و ستر
 و تھ چھہ آسان۔ بلکہ چھہ دیوارے اتھ آنگن بناوان نہ چھہ نہ
 امیک کانہہ وجودے۔ لہذا دیوار و تہہ پتھ ستر چھہ آنگنک آنگن
 آسنک جوازے راوان۔ امیک وجودے چھہ ختم گوشان۔ یہ شعر
 چھہ دؤیمہ مصرعہ کہ امہ استعجاب تہہ استفہام کن پتس آخری تہہ انتہائی
 معنیس منز انسانی وجود کس ژھر رس کن اشارہ کران۔ گویا اگر اکھ
 عام واقعہ، تجربہ یا مشاہدہ تھہ پاٹھو بیان سپد ز تھہ منز سپد تہہ چہ لفظی
 تہہ لغوی سطح علاوہ بیا کھ زیرین سطح پیدہ، شاعری چھہ پیدہ گوشان۔
 اتھ شعرس منز چھہ یہ پیراڈاکس تہہ (یا ایرینی) ز آنگنس چھہ نمبر تیلی
 سپدان۔ بیلہ نہ آنگن روزان چھہ یعنی وجود چہ حقیقت چھہ تیلی تہہ
 نیران بیلہ یہ وجود، وجود چھہ نہ روزان۔ اتھ شعرس منز ورتاوندہ آمتہ
 لفظ تہہ چھہ شعر ی معنی پیدہ کرنس منز اہم۔ لفظ پردہ چھہ سون ذہن
 دیوارہ کہ کایل تصور پتھ تھہ اکایل پردس کن نوان لیس سائنس
 وجود تہہ عدم وجودس درمیان چھہ۔ پردہ چھہ یہ کنویشن تہہ تھاوان ز
 اتھ پتہ کنہ چھہ راز۔ لفظن ہند گیند تہہ وچھو۔ در پردہ ہش فارسی
 ترکیب چھہ پردہ و تھنہ بروہنہ کس حالتس متعلق ورتاوندہ آمتہ، بیلہ
 پردہ و تھہ یہ لفظ چھہ پردا، بنان، یتھ منز تحقیر تہہ چھہ تہ تحیر تہہ۔ اتھ پورہ
 شعرس منز چھہ در پردہ ترکیب تہہ ہم معنی لفظ دیوار فارسی۔ باقی
 ساری لفظ چھہ خالص کاشری۔ امہ کنی چھہ امہ شعر کو اہم لفظ دیوار تہہ
 پردہ معنوی طور ٹا کارہ۔ اتھ شعرس منز چھہ نہ استعارہ گری یعنی

شعرس سننہ تہہ انز و منز کوشہنہ بروہنہ چھہ نہ کانہہ باس لگان ز پردہ
 تہہ دیوار چھہ استعارہ۔ یہند استعاراتی معنی چھہ شعر لوتی پاٹھو قایم
 کران۔ یہ چھہ نہ پتھ ظاہر۔ یہ چھہ نہ شعوری کوشش۔ وونی نیون یہ
 شعر۔

بی پانہ ہیووم جانہ مونس تی تھو یوم ارزان

بیگانہ دپان توتہ لولس سے مہ دس کان

اتھ شعرس منز کم استعارہ چھہ؟ نہ کوس پیکر تراشی چھہ؟ مگر اتھ شعرس
 منز چھہ ہیو و لو الگ تہہ شعرہ زبان پیدہ گمہ۔ یعنی امہ کس شعر
 آسنس ہیکہ نہ کانہہ انکار کرتھ۔ وچھو اتھ شعرس منز کاتیا لفظ چھہ یم
 پانہ والی امہ شعرک فضا قایم کران چھہ۔ پانہ بیگانہ؛ ملکی ہیون /
 ارزان تھون؛ بی رتی؛ دل / کان۔ آواز و کنی؛ مونس / لولس / دس؛
 جانہ / پانہ / بیگانہ؛ دپان / ارزان / کان؛ ہیووم / تھو یوم۔ شاعری
 چھہ زبانی ہنز خاصیت، معنی تہہ مضمونچ نہ۔ اتھ شعرس منز چھہ سو
 زبان بیو لفظو ستر قایم گمہ یتھ شعر ی زبان ونو۔ مہ چھہ باسان
 مغرب کس تنقیدی اثرس تل چھہ اسر استعارس ہیو اہمیت دوان ز
 شعر چہ باقی متنوع خوبہ چھہ نظر انداز گوشان۔ یہ چھہ نقصان۔ خبر
 مہ تجا کتھ وڈ۔ پتہ روز لفظن ہند اثر چ کتھ۔ اثر چھہ تیلی پیدہ
 گوشان بیلہ شعر شعوری طور بناوندہ آمتہ نہ آمتہ۔

◀ نیب: نمبرہ ردیفس قافیہ کم منظور وچھان؟ قافیہ تہہ ردیفس
 متعلق کیا چھہ چون سوچ؟ یم ماچھہ غزل فارمولان ہن منز تبدیل
 کران؟

رمضان: ردیف تہہ قافیہ چھہ غزل قوت تہہ تہ کمزوری تہہ۔ غزل
 منز گوشہ کم از کم قافیہ آسن۔ قافیہ وراے چھہ نہ غزل ممکن۔ ورنس ما
 ہیکوس ادلا بدلی کرتھ مگر قافیہ چھہ ضروری۔ قافیہ پتہ چھہ ردیف یوان
 لیس آپشنل چھہ، مگر سلسلہ پاٹھو ورتاوندہ آمتہ چھہ۔ ردیف اگر غزلہ

چہ صنفہ منز ورتا ونہ بیہ نہ، اکھ بڈ کنڈشن ختم گروہنک باس ہیکہ لگتھ۔
 ردیف ختم کر تھ چھ ممکن قافین ہند تعداد ہران نہ شاعر س چھ آزادی
 ہند باس لگان۔ بیلہ قافیہ ردیف ستر ورتا ونہ یوان چھ قافین ہنز
 چوالیس چھ کم گروہان۔ تے قافیہ چھ شاعر س دستیاب یم ردیف س
 منظور آسن یعنی یم ردیف ستر واٹھ کھن۔ غزل ونہ خاطرہ گروہ
 زبانی منز ہم آواز لفظن ہند بڈ ذخیرہ آسن۔ لہذا کمزوری چھ یہ ز
 ردیف چھ غزل منز قافیک دامن بیہ ہن تگ کران۔ قوت چھ یہ
 ز ردیف چھ قافیس ستر لگتھ لا تعداد امکان تہ پیدہ کران۔ قافین ہند
 بنڈار چھ محدود، لہذا ردیف رڈس غزل باسہ کینوس کالس اسہ زن
 آزادی مہیا کران مگر پوتس گروہ تی یہ وکٹورین شاعری ہند حال
 اوس تہ بیہ کس ردیف منز بلینک ورس تہ آزاد نظم وجود س منز
 آے۔ غزل س لیس چیز فارمولہ بنہ نش بچاوان چھ، سہ چھ ردیف۔
 ردیف چھ قافیس تازہ دم کران۔ قافیہ چھ محدود، ردیف چھ
 لا محدود۔ یم دوشوے چھ لگتھ غزل منز سہ جو دقائم کران، بیہ کس
 لطف س تہ سرودس اسر گوڈے واقف چھ۔ ردیف قافیہ ہیکن سبٹھا
 روایتی تہ غیر دلچسپ آستھ، یا شعرک خوشیون زبور ہتھ یا غزل کہ
 شعرچ اکھ میکانیکی پرزنتھ تہ آستھ۔ مگر یم گروہن نہ خیال کہ خاطرہ
 مؤنڈ ڈھڑ بنڈ۔ فنک تقاضہ چھ ز ردیف قافیہ ہوڈ ہتی مشکلات تہ
 بندہ گروہن وٹس تہ حیرانی پیدہ کرنی۔ تخلیقی مشکلات چھ شاعر ن
 ہند خاطرہ خیال افروز تہ معنی پرور واقع سپدان۔ یم گروہن نہ خیال ن
 ہنز پامالی ہند کہ باعث بنڈ۔ شاعری ہنز بنڈ قوت چھ ردیف قافیہ
 ہشو بند شو منز ے پیدہ سپدان۔

«نیب: ژہ کتھ پاٹھو گوکھ شاعری کن؟ چانس غزلس پٹھ کمس
 کا شرس شاعر سند اثر چھ؟ یعنی تم کم شاعر چھ بیو چاہنہ تریہ منز کنہ
 نہ کنہ رنگہ مد چھ کو رمت؟»

رمضان: سارنی بروہنہ چانی تربیت۔ علی گڈھ چانی صحبت۔ تمہ
 علاوہ ثناء اللہ پرواز، حیات عامر تہ اردو شاعر دوستن ہندس صحبتس منز
 لیس مدد میاں شاعری نصیب سپد تمیک ذکر چھ گوڈہ ضروری۔ اردو
 کہ ذریعہ میول مہ واریاہ مدد۔ علی گڈھ چہ کاروان ادب چہ محفلہ
 ہتھ ژہ سیکریٹری اوسکھ۔ ژہ سمکھو تھس بہ جے این یوس منز غلام
 احمد آجرس لیس سبٹھا ذہانت وول تہ دلچسپ انسان چھ۔ مشعل
 سلطانپوری لیس بیلہ تم علی گڈھ آسن۔ اکھ لگے اسر غلام رسول
 سنتوش دلہ ہندس جنگ پورہ مکانس پٹھ راتس وداوٹ نوٹس
 مہمان ہتھ۔ تمس منز آس سبٹھا شفقت۔ امین کالس ستر ملاقات
 بیلہ تم علی گڈھ دوس کھنڈس آسن۔ شاید سپد شفق سوپوری لیس
 ستر تہ علی گڈھ ملاقات۔ چانس دوستس فاروق آفانس ستر
 سرینگرس منز ملاقات۔ م ح ظفر تہ اقبال فہمس ستر سرینگرہ کس کافی
 ہاوس منز ملاقات۔ یم ساری واقعہ چھ مہ یاد تہ بیو ملاقات و دیت
 میانس تخلیقی شوقس وٹس۔

یوت تام اثرک تعلق چھ، زیادہ تر چھ میاں شاعری پٹھ جدید اردو
 شاعر ن ہند اثر۔ کا شرس منز چھس بہ زیادہ پہن امین کالن خاص طور
 متاثر کو رمت۔ امہ پتہ چھس بہ رفیق رازنہ شاعری تہ واریاہ متاثر
 کو رمت۔ امہ علاوہ یہ کینوہا تہ انسان پران چھ، تہ چھتس کہ نہ
 کنہ رنگہ متاثر کرانے۔ لہذا ہیکہ نہ بہ پورہ لسٹ وٹھ۔ شعری اثرس
 متعلق ونہ بہ ز یہ اثر ہیکہ شعوری آستھ تہ غیر شعوری تہ۔ مہ یمن
 شاعر ن ہند ذکر کو ر، یمن ہند اثر چھ مہ شعوری طور رڈٹمت۔ سہ اثر
 چھ نہ ضروری ز سہ کیا آسہ میان شاعر ن منز نمایاں پاٹھو ظاہر۔ سہ اثر
 ہیکہ میان شاعر ن ہندس تخلیقی روایس پتہ کنہ کارفرما آستھ۔ شعوری
 اثر ہیکہ تقلیدس کن تہ نتھ مگر اکثر چھ شعوری اثر فایدے کران۔ امہ
 قسمک اثر چھ پر ہتھ شاعر عام طور ابتدائی زمانس منز قبول کران مگر
 یہ اثر ہیکہ شاعر سندس کہ نہ تہ دورس منز فن پارہ پٹھ فن پارس تام تہ

شاعری بنتھ۔ دویم کتھ چھبہ یہ زیہ چھ نہ ضروری ز شاعری گٹھہ
روزوئی آسنی تہ سوے شاعری چھہ تھز یوس روزوئی آسہ۔ یہ چھہ
اکھ گمراہ کن خیال۔ یہ نکتہ چھہ نہ شاعری ہندس کنہ تعریفس منز
شامل۔ کاشرس غزلس منز چھہ واریاہ توڑھ تہ خوشی ہنز کتھ چھہ ز
سانی نوک غزل گوچھہ نہ دقیانوسی تہ غالب سند ز ماکو غزل لیکھان۔ تم
چھہ تھی تازہ کاری ہند ثبوت دوان لیس کامل سند ز تہ رفیق راز سند ز
غزلن دیت۔

آستھ۔ جان شاعر چھہ عام طور وارہ وارہ پنہ خاطرہ اکھ نو تھ کڈنچ
کوشش کران۔ غیر شعوری اثر چھہ عام طور شاعرس نقصان
وانتادان۔ یہ چھہ سہ اثر پنچ نہ شاعرس پانہ تہ کانہ خبر آسان چھہ۔
یعنی میانس غزلس پٹھ آسہ کانہ شاعر سند ز بردست اثر تہ مہ آسہ
نہ انچ کانہہ زینہ ون۔ امہ اثرہ نش آزاد گوٹھن چھہ نہ آسان۔ یہ غیر
شعوری اثر تہ ہیکہ غیر شعوری طور تقلیدس کن تھ۔

اثرس متعلق میو بنیادی کتھ علاوہ چھس بہ یہ ون یڑھان ز سائنس
تنقیدی ماحولس منز چھہ اثر صرف اکھ منفی عمل زانہ آمت۔ حالانکہ اثر
چھہ وسیع معنیس منز اکھ ناگزیر تہ مثبت عمل۔ شاعری ہند روایتک
تسلسل چھہ اثرہ ستی قائم۔ سائنس ادبی ماحولس منز چھہ نہ کانہہ شاعر
کانہہ ہند اثر قبول کرک اقرار کران۔ اتھ منز چھہ اسر اول مند چھہ
محسوس کران۔ دویم یہ ز پر تھ شاعر چھہ پانس پنہن ہمعصرن تہ
پنہن بزرگن تہ بڑ تہ مختلف آسنہ چہ خوش فہمی منز تہ امہ قسمک باس
درچ کوشش ضرور کران۔ یہ چھہ غلط رویہ۔

◀ نیب: کاشر غزل کورگن چھہ پکان؟ چاہہ خیالہ کاڑا توڑھ
چھہ کاشرس غزلس منز؟

رمضان: نظمہ کھوتہ جان چھہ وکلبس غزل ونہ یوان۔ تم شاعر تہ
میو غزل صحیح معنیس منز کاشرس منز مستحکم کور چھہ ونہ لیکھان تہ تازگی
ہند ثبوت دوان۔ تمن علاوہ چھہ نوک شاعر تہ غزلک دامن مالا مال
کران۔ نظمہ برعکس چھہ اتھ شاعرن ہند تعداد تہ نصیب تہ معیار تہ۔
نوبن شاعرن منز چھہ غزلس منز سبٹھا تنوع نظر گوتھان۔ شاعری
گوتھہ پتیس ز مانس ستر واٹھ آسن۔ شاعری ہنز تازہ کاری چھہ
سوے۔ یہ چھہ نہ ضروری ز سوے شاعری چھہ روزوئی تہ تھ مولی تہ
پیچیدہ انسانی صورت حاس ستر واٹھ آسہ۔ سوگے غالب سند ز مانچ
شاعری۔ سو شاعری کاڑا تہ مویج آسن تن، سو ہیکہ نہ سانہ ز مانچ

نو غزل فاروق آفاق

سائین تازہ ترین غزل گو شاعرین منزا کہ نو آواز ہند
اضافہ، تڑھ آوازیتھ نہ کانہ ہندس رگس منزدانستہ
یا غیر دانستہ پاٹھو غوطہ لگا ونک شوق چھہ تہ نہ
انفرادیتک بہ رنگ جامہ ونک مثر۔ یعنی پنس تخلیقی
جذبس کنہ سچ روک نہ لگاوتھ چھہ فاروق آفاق بہ
پھر وکو پاٹھو غزل ونان۔ سو پتہ عشق کتھ اُسن یا شہرہ
کین حالاتن ہنز صورت، یم غزل چھہ پر تھہ رنگہ ستر
مالا مال۔ یمین منز چھہ تازگی ہندس احساس ستر ستر
پانینارک و شیر تہ موجود۔ یمین منز چھہ شعرک موکھ
سجاوچ تہ کوشش تہ امہ کس اندرون منز زک پیدہ کرنچ
تہ کل نظر گرہان۔ فاروق آفاق چھہ کاشرس منز نو و مگر
شاعری ہندس میدانس منز چھہ نہ تو۔ تس چھہ شعر کین
لوا زمان ہند پورہ خیال یمین ہند اُ نہ یم کینہہ غزل
چھہ۔

-- منیب الرحمن

نہ جلوہ زونہ ہندے تون نہ وڈی ستارے کانہہ
وئل چھہ گزی تہ سحر پھول لوگس نہ چارے کانہہ
دلک چمن تہ گلن خیر و شر چھہ چانی ستر
ژبہ پتہ نہ ٹور پھولے کانہہ نہ گو ووجارے کانہہ
دلچ چھہ کتھ تہ کرنی شود تہ سادہ لفظن منز
تگن گری نہ علامت نہ استعارے کانہہ
کنس تہ گو و نہ اگر لوت لوتے سہ گنگراؤن
اچھو تہ وچہ نہ شہل لولہ ہوت نظارے کانہہ
تمس چھہ وانہ پیچن پٹھہ تہ گزاریں دوہ
نفع نہ مولہ پٹھہ کھینچن چھہ سا خسارے کانہہ
چھہ احتجاج تہ لازم اگر چھہ حق ژھانڈن
نہ توڑ پھوڑ کرن کانہہ نہ دین چھہ نعرے کانہہ
نصف چھہ راتھ گمہ از تہ وڈی برس ہانکل
تھکتھ چھہ لوکھ تہمتی خوفتہ چھا ہشارے کانہہ
ژبہ بروہہ تہ اوس بہ پڑھوق مگروں گو و تھو پھیر
ژبہ تھووتھن نہ پتو کانہہ ہند سہارے کانہہ
وفا کو تھ نہ زورم، ہجرہ سے مہ زول کو روم
مہ زن نہ چون امارے نہ رود خارے کانہہ

گنتہ گیور واوہ رؤس چھہ غبارس تھے یہ چھا
 یژھ تعجلی چھہ شاہ سوارس تھے یہ چھا
 خستہ کُرتھ دلس چھہ زمانس وفا کران
 ہجرے لیکھتھ چھہ پختہ دیوارس تھے یہ چھا
 کس تام بختہ یوڈ چھہ جلوس اندر پکان
 دوسہ دروسہ چھہ پرائی پاٹھو شہارس تھے یہ چھا
 منصب مقام یام لبُن تام کُس تہ کیا
 لتھ دتھ ژلُن چھہ دور سہارس تھے یہ چھا
 سروے شہل نہ ناگہ جوین وونی کشش چھہ کانہہ
 لاگز نوینہ پوش وچارس تھے یہ چھا
 مصروفیت تہ پڑ چھہ مگر بیڑ انتہا
 ستھ سور تام لولہ بہمارس تھے یہ چھا
 فاروق اعتماد بُرن دتھ چھہ راوران
 گرنز پھیڑ بجا چھہ ژے نہ شمارس تھے یہ چھا

دتھ گٹ سفر تہ کروڈھ اشارے چھہ لاپتا
 ژندرک خیال تراو ستارے چھہ لاپتا
 رودہ رائٹھ توتھ ز راوشاخت تہ پارڈ زان
 دتھ آیہ زیر آب کنارے چھہ لاپتا
 اچھنے دوان اُس طراوت یہ زندگی
 تم شوخ دلفریب نظارے چھہ لاپتا
 پرژھتھے ہیکو نہ کانہہ ہندے کانہہ پے پتاہ
 آگن مکین مکانہ وچارے چھہ لاپتاہ
 کثرتام یادہ روزہ اچھن خواب ناتمام
 تم شام تے مقام سہارے چھہ لاپتا
 یم خوفتہ پتھ چھہ خواب تمو وچھو بدل بدل
 اسی نندر ہتہ اوارہ ہشارے چھہ لاپتا
 پنجرن اندر تہ قید چھہ کینہہ دورنے گریزن
 کینہہ جانور دپان بچارے چھہ لاپتا

بدن تاپہ زالتھ چھ بارش کران
 سبٹھا کال ووتس نوازش کران
 گہے زو تہ جاں سے تھواں آیتن
 گہے لولہ سے آزمائش کران
 پیچے زن گنڈتھ چھس مہ کن تو تہ کیا
 رقبس چھ اکثر سفارش کران
 دلس کرد ز کیا دل چھ معصوم شر
 عجب کیا چھ ظاہر چھ خواہش کران
 نہ چھس رنگ خوشون نہ مشکے ڈھٹان
 گلن منز چھ پانس نمائش کران
 ژوپاسے چھہ بستی اندر شور و بوی
 مہ چھم تمہر ہلمس بہ گردش کران
 ووں یژکال پیرن فقیرن گروہتھ
 ننیوسا ز کس اوس سازش کران
 دپاں تیتھ تہ ووتھ ون چھ پرسان ہیو
 بہ چھس یتھ شہارس رہائش کران

ذہن ہمیشہ سربیل وصلہ کی خیالہ تھون
 بدن محال چھنا از تہ تمی حالہ تھون
 مدے گنڈتھ سہ وچھن چون میانی مایے برنی
 اگر نہ پوش دلس کیا امیک ملالہ تھون
 وتن سہ پان متھن میانی سے اشارس پٹھ
 مولل تہ بیش بہا مال میر حوالہ تھون
 دلس ز گراے لگتھ اوش کہ وانہ نال جرن
 بٹن مہ پینتہ پتہ پینتہ چون نالہ تھون
 زون مہ غم تہ مصیبت مرن نہ ہاؤن میون
 زہ دام چھتھ سہ مہ نش چون چایہ پیالہ تھون
 سہ گاش پھولنہ پٹھے یکوٹے اسن تہ گنڈن
 سہ نیب دویمہ دہک دین تہ وعدہ کالہ تھون
 ہیکتھ سو پیتھ زخم دی دین بہ ویتراوھ
 سہ میون یار وتے وارہ زوالجلالہ تھون

کانہہ ہشتر چائین کتھن منز کانہہ تسلسل آسہ ہے
 بالہ دامن آره وسون یار جنگل آسہ ہے
 یتھ اندر خود سوز شمعاً وئی دواں زن پونہن
 توتھ دلیلا ونہ یتھ اکھ گل تہ بلبل آسہ ہے
 جایہ جایہ بیرہ بازر شور پیہ گرد و غبار
 سون بچپن مشد آنگن پیہ سہ تلہ کل آسہ ہے
 از تہ چھس پران تہ یتھ ہارہ نس تاپس اندر
 گاسہ بنہ منز میانی پاٹھی تہ تیوگل آسہ ہے
 راتی راتس اچھ درس گنزرنی چھہ تارکھ خواہشن
 کروٹھ دور بر چون ذرہ ہاما اگر سل آسہ ہے

دلہ کس انس منز ہتھر راون پرتو تراون متبادل
 سونہ کلین بدلے سکناون پھلیا چھاون متبادل
 ساری رنگ زن خوشوئی خوشوئی شش شش اوسکھ وٹھک رنگ
 کلر نی پانس ستین وائلتھ ہر دکر واون متبادل
 پوشے ورشن قدم قدم صدس کمر کر دیتنم ساتھ
 روشن توشن تیلہ گڑھہ پوشن بییلہ منساون متبادل
 بالہ اپارم پڑھو بییلہ واتن ادہ وچھنی گڑھہ سانی شان
 منہ کس ونہ سے نارا زالن تن وشناون متبادل
 جایہ مندورین راتہ موغل پیہ ہالو آسن عیش کران
 سانی شناخت سانی شرافت گوڈہ نہناون متبادل
 سفرچ اکھ اکھ کتھ دوہراون بارن کتھہ گوو مندین شام
 نندرے ہتر سے ہے یی زامن تس وزناون متبادل
 فاروق آفاقن ہے پھیری کاکو ژبہ راوی ہوش تہ حال
 کنرس لہ لور ٹھور کیا تھاو کھ ہیر منز راون متبادل

یہ جاے سوے چھبہ سجاں اُس محلہ خانکو پاٹھر
تھور زمین لبیاں اُس آسمانکو پاٹھر
یہ ما خبر تہ مہ تھاون ارادہ چھس بدلے
کر پیس رآچھ سدا پنہ جسم وجانکو پاٹھر
یہ سوچہ نے ز اما قول کیا قسم کیا گوو
سہ ووتھ تہ دراو پتو بیوفا زمانکو پاٹھر
مین چھ انگ ہواں یُن نواں بہ کراکو تلتھ
زخم رچھتھ مہ تھوم یارہ سندک نشانکو پاٹھر
نہ ژانگو لے چھبہ گدھاں نظر نے چھبہ گاشہ زتر
شہر چھ از تہ دیان زن غریب خانکو پاٹھر
سو اُس آرہ کنیا آہ نے سو نی ڈلوان
بہ زنتہ سوئتہ ہوا آس ما طوفانکو پاٹھر
جدا گڑھن نہ اگر اتھ دتھ تہ تیلہ کیا گوو
بہ تیر زن سہ آھس کس سنا کمانکو پاٹھر

دل تہ بہ چھس رادانے پوت
لوہ ہجرک سامانے پوت
زون تہ تارکھ پتھرس والو
رود اوہرن بارانے پوت
تمہ دوہہ کوچھہ منز وچھہ للوان
تمہ دوہہ گوو استانے پوت
یونہ کنہ تم اُسر نالی نال
ہیرہ کنہ بس اسمانے پوت
وسون آرہ تہ کھسونی زون
اوند پوکھ چھس میدانے پوت
میر زن پوش نہ سوئتہ پھلے
سہ تہ ہردک مہمانے پوت
لکھ اُسر ساری خوفتہ پیہتر
اکھ بہ تہ پیہ جانانے پوت
کینہہ نہ کینہہ اوس پتھ کن
ما اوس وہم گمانے پوت
باقی سورے نکھہ دولن
گوو تھادھ احسانے پوت

وومید، اکھ نعت حیات عامر حسینی

اکھ شنیاء اکھ پاتالی وئل
 اکھ انہ گٹہ شہرک قہرہ مژر
 پیتر پرتھ قدس پٹھ بارجو کنڈر
 پیتر تہہ پتہ تہہ بس شال ونگان
 پیتر سر پھن لوگت پاگو مس
 پیتر انس رایہ کران گرانگل
 پیتر تہا یہ چھہ رقصاں موتہ وئل
 پیتر آ بس زہرک نارہ تیو نگل
 پیتر ہکے جی جی چھہ نارہ رہن
 پیتر سو پتہ شہلی براندن وولمت
 کلما رتہ انہ گڑ داوان نال
 پیتر حرفن چھہ نہ آ کارتہ رنگ
 پیتر لفظن چھہ نہ کانہہ معنی پنن
 پیتر لفظن چھہ نہ کانہہ خوابہ شہر
 پیتر حرفن چھہ نہ کانہہ پوشہ مژر
 پیتر نزل پستہ زاجبکھ تیلو
 پیتر خواہن گومت وترہ نیل
 پیتر شہلین ناگن منز شری مژ
 مداتی تہ پھولونی تارکھنب
 پیتر پوشش پوشش ہرہ پہر
 پیتر قدس قدس زہرہ ششر
 پیتر زونہ ڈبن زن لوغمت شاپھ
 نہ چھہ سریہ کھسان
 نہ چھہ گاش وسان
 نہ چھہ پوش پھولان
 نہ چھہ آ نہ اسان
 نہ چھہ مشکہ شہن ہند ہکے جی جی
 نہ چھہ سحران پھولونی سنگر مال
 نہ چھہ شہنم رقصاں مرگن منز
 نہ چھہ وگنیا کانہہ کنہہ در پٹھو گڑھان
 نہ موت کانہہ لیس کر اللہ ہو
 نہ چھہ مژ کانہہ یوس کر پوشن مال
 نہ چھہ ونہ ون، نہ چھہ رجو برا تہ گڑھان
 نہ چھہ یوسف نے کنہہ کرو رے کانہہ
 نہ چھہ رتی شاہ کنہہ کٹھہ کالی وئل
 نہ چھہ دچھہ کھو نہ چھہ کنہہ کانہہ مریم
 نہ چھہ سوندراہ کنہہ صحرا وڈ وڈر
 پھلوا وڈ گمڑ گتہ گیور کران
 نہ چھہ کھورے زم زم وز نادان
 نہ چھہ براندے کنہہ کانہہ برونت گڑھان
 نہ چھہ گاشہ لتھا کنہہ طاقس پٹھ
 پھسراے تہ چھہ نہ کنہہ واش کڈان

دبرائے دل زن و لسی گم
توہ پتہ تہ و میدار پٹھ کر گھان
توہ پتہ تہ دس زن ستھ کوس تام
توہ پتہ تہ اچھن زن گاش آش
مہ چھہ باسان دزونہ کر بل منز
اکھ وونہ سوارا گاہ تراوان
سہ چھہ آلولایان، کن تھادو
رقصان زن تارکھ اسمانکو
زن زونہ جوانی نو آمر
پیہ خواب وزیمتو چشمین منز
زن مانو گلین از ژومت شاپھ
زن شبنم تارکھ پوڑ مراں
زن ناگن لچھہ تازہ وزنی
پیہ ماحین لچھہ تھہ تھر اے
زن سدرن بخشان پوشن پائے
پیہ سحرن لوبمت نو عنوان
پیہ صحن امت نو ویاون
وچھہ وڑ روکو ڈمت کاڈ نو وے
وچھہ پیومت سگرن نو وپراگاش
زن گاشس امت پوشہ مژر
زن پوشن مشکلی داروزان
زن پوڑن بڑ رمت تارکھ نب
زن مالین امت ہوش کوٹھین
زن پوتین درامت واش پکھن
سہ چھہ رقصان رقصان سورے نب

پھولراواں ددو مڑی آنگن راد
ہمراواں وائسن تریشہ متھن
صحران پھولراں پوشہ چمن
شہجاردو جس پیہ بخشان
سہ چھہ پھچھہ ناوی تار دوان
سہ چھہ لاگان تارکھ مال نس
سہ چھہ ددو مڑی بخ بیدار کران
مژرونہ دوان شہجارس آب
سہ چھہ معنی بخشان لفظ ون
سہ چھہ نغمن تازہ حیاتک ساز
سہ چھہ نغمن تازہ حیاتک سوز
تخلیقس بخشان نو عنوان
سہ چھہ گاشک آگر، مشکہ بدن
سہ چھہ آشن بخشان پھولونو رنگ
سہ چھہ عشقس شیران نو عالم
سہ چھہ حسنس نو کار دوان
سہ چھہ پوشن وزنان نو ویاون
پے مژرس، خوابن آگر سے
سہ چھہ ناون بخشان نو وانہار
تس پایہ بڈس کیا نو کرو
تس آغس لگہ ہاقدمن پارو
تس رحمت پانے ذاتن وون
تس در صمیمس میانی درود
تس در صمیمس میانی سلام

کاشتر املا کی مسئلہ منیب الرحمن

۱۹۸۰ تھس منز اس مہ کاشر ڈکشنری ہند بہانہ املاہس پٹھ تہ املا کہ بہانہ کاشر ڈکشنری پٹھ اکھ لوکٹ نقیدی کتابہ ہن تیار کر مژ۔ گوڈنی آلیس عباس صابنہ اتھ کتابت کرنہ۔ تمہ پتہ پیلہ نہ یہ چھاپ بیچ سپد تھ، ۱۹۹۰ دوران آلیس علی گڈھ اکس کاشر سافٹ ویرس منز (لیس متیہ کاشر زبانی پٹھ اکس پرو جیکٹس منز ورتا ونہ آو) دوبارہ کتابت کرنہ۔ محدود پیکالس پٹھ کریم کینہہ کتابہ تیار مگر تمہ گے پتہ دلہ با گراونہ برونبے ضالچ۔ امہ کتابہ ہند کینہہ حصہ سوزیم تمنے دوہن شیرازس تہ وادرسالس منز چھپنہ خاطرہ، تم چھپیا کئ نہ، کشیر تہ ہندوستانہ نیر تھ روزم نہ کینہہ خبر۔ ۱۹۹۹ تھس منز سوزم امہ کتابہ ہنزہ کینہہ فوٹو کاپی پلاسٹک جلد کر تھ شفیق شوقس یہ وقتہ زیم کاپی گوہن کاشر شعبس منز تہ کلچرل اکیڈمی دنہ خبر املاہس پٹھ کام کرن والین مایہ میانی یہ وقتہ ڈھرانٹھ بکار۔ تمی کتابہ ہنز ژھوژن چھ یہ مضمون۔

زبانی ہند گوڈنیک مسئلہ چھ املاہک۔ سانیو بزرگو چھہ اتھ سلسلس منز اکھ زبردست غلطی یہ کر مژ زتمو چھہ عربی املاہس ہندی زبانی ہند املاہج چال دنج کوشش کر مژ۔ چونکہ عربی فارسی املاہس منز چھہ نہ اعراب لکھایہ منز ظاہر کرنہ یوان، لہذا اس سانبین بزرگن برونبہ کئ اکھ مشکل یہ ز کاشر زبانی ہند مصوتن ہنزیم تعدادس منز سبٹھا چھہ کتھہ پاٹھو ہیکہ عربی فارسی املا نمائندگی کر تھ۔ فیصلہ آو یہ کرنہ ز مصوتہ گوہن عربی فارسی کس عام روایتس برخلاف لفظن ستر ستر لیکھنہ ستر۔ لہذا آیہ پر تھ مصوتہ خاطرہ اعراب بناونہ، تہ تم آیہ لفظن ستر ستر لیکھنہ تہہ پاٹھو ہندی زبانی منز مصوتہ لیکھنہ یوان چھہ

۔ ہندی بیچ پیے روایت برونبہ کئ تھاتھ آیہ ہیکلس (حروف تہجی) اندر اچھر دون دربن منز با گراونہ۔ ارڈ اچھر تہ زری اچھر۔ حالانکہ عربی فارسی املاہس منز اس نہ اچھر دون دربن منز با گراونچ کا نہہ روایت۔ بلکہ ونہ بہ ہندی، سنسکرتس علاوہ چھہ نہ باقی زبانن ہندن ہیکلسن منز تہ اچھر دون دربن منز با گراونچ کا نہہ روایت۔ مثلاً انگریزی ہشہ عالمی زبانی منز یو دوے پانژہ مصوتہ لیکھنہ یوان چھہ مگر تم چھہ نہ ہیکلس (حروف تہجی) منز مصوتنوش الگ کڈنہ یوان۔ کاشرس منز آیہ یم اوہ موکھہ الگ کڈنہ تکیا ز سانبین بزرگن اوس ہندی سنسکرتک ماڈل برونبہ کئ۔ مگر یہ اس عربی فارسی املاہس ستر زیادتی۔ لکھایہ ہندی اچھر مصوتہ تہ مصمتہ کہ صوتیاتی تصورہ مطابق دون دربن منز با گراونہ ستر اگر لیکھہ پر ہند کا نہہ مسئلہ حل گڈھہ ہے تیلہ آسہن یم باقی زبانن ہندو عالمو کر تام با گراوڈ مژ۔

امہ علاوہ آو دوچشم تہ الگ پاٹھو اکھ اچھر تسلیم کرنہ بجایہ کینون اچھر ستر رلا تھہ الگ الگ نوڈ اچھر بناونہ۔ مثلاً (پ) علاوہ آو الگ پاٹھو (پھ) اچھر ہیکلس منز شامل کرنہ۔ تہہ پاٹھو تھ، ٹھ، چھ، ژھ، کھ، بیتر۔ صوتیات کس علمی حدس تام ماہیکن یم آوازہ مختلف آستھ، مگر املا کس حدس تام یم الگ الگ کڈنک چھہ نہ امہ علاوہ کا نہہ معنی تھادان ز ہندی ہیکلس منز تہ چھہ یم الگ الگ پاٹھو دنج روایت۔ اردو والیو اوس دوچشم اکھ الگ اچھر تسلیم کر تھ ہیکلس منز اکو سے جایہ تھ قصہ ختم کو رمت، مگر اسہ تر آو سو روایت اتنے نے تہ دیتس ہندی ہیکلس ستر واٹھ۔

عربی فارسی املاہس منز چھہ ژھوژن مصوتن ہند خاطرہ اعراب تہ

زٹھن ہند خاطرہ اچھر ورتا ونہ یوان۔ مثلاً زبر، زیر تہ پیش چھہ
 ژھوٹن مصوتن ہنز نمایندگی کران، بیلہ زن الف (ا)، واو (و) تہ
 یے (ی) زٹھن مصوتن ہنز نمایندگی کران چھہ۔ مسلہ اوس یہ ز
 کاشرس منز چھہ ژھوٹن کیوزٹھن مصوتن ہند تعداد سبھا لہذا سپدر
 نوڑ اعراب تہ اچھر تجویز۔ عربی فارسی املا کاشرس فٹ۔ پہنا ونہ خاطرہ
 کرسانیو بزگو پنڑ پاٹھ کوکوش۔ نتیجہ دراویہ ز ژھوٹن مصوتن علاوہ
 آپہ زٹھن مصوتن ہند خاطرہ تہ اعرابے بنا ونہ۔ بیلہ اسی ازٹھو
 وڑی پرون تحریر یا تمہ آپہ ازٹہ لیکھنہ یینہ دول تحریر وچھان چھہ، تجویز
 کرنہ آمتز واریاہ اعراب چھہ لکھایہ منز فضول باسان۔ بلکہ چھہ تنہ
 پٹھہ واریاہن لفظن ہند املا تہ عام طور بدلیومت۔ ڈکشنری ہند املا
 چھہ سبھا پرون باسان۔ اتھہ سلسلس منز کوڑا سہ نیب کس ۱۸ تہ ۱۹
 شمارس منز بحث پیش۔ ازدمواسی کاشر ڈکشنری ہندس املا ہس اوہ
 موکھ پیہ دل تاکہ انچ دوبارہ چھپاے کرنہ وز بیہ امیک املا تہ لفظن
 ہنز ترتیب درست کرنہ تہ اتھہ املا ہس لارڈزٹھو کیونکس یں صحیح وتہ۔
 ڈکشنری دوبارہ ہو ہو پاٹھ کرنہ تبدیلی وراے چھاپس کھارڈ چھہ نہ
 صرف بڈ بارہ غلطی، مجھہ پٹھہ مجھہ مانس برابر، بلکہ قومی پونج تہ
 بربادی۔ اکیڈمی ہندس افسرن پٹھہ چھہ یہ فرض عاید سپدان ز تم
 ورتاون اتھہ سلسلس منز دانائی تہ ذہانت۔ ۱۹۶۵ چہ ڈکشنری
 اسبسمٹ کمیٹی ہندس اچھرہ ترتیب کس رپورٹس علاوہ چھہ املاکین
 اصولن پٹھہ نو سرہ غور کرنچ ضرورت۔ اتھہ سلسلس منز پڑ اکیڈمی،
 یونیورسٹی ہندس کاشرس ڈپارٹمنٹس علاوہ کاشر زبانی تہ املاکین لسانی
 معالمن منز مہارت تھاون والین حضراتن ستر لٹھ اٹ کامہ دس تلن۔
 کینہہ تجویز چھہ پیش:

(۱) کاشر ہیمل (حروف تہجی)

کاشر ہیمل گزھہ کل ۳۹ ہن اچھرن پٹھہ مشتمل آسن، یمن ہنز

ترتیب۔ تھہ پاٹھ چھہ:

ا ب پ ت ٹ ث ج چ ح خ د ڈ
 ذ ر ز س ش ص ض ط ظ ع غ ف
 ق ک گ ل م ن و و ہ ڈ ی ے

امہ علاوہ چھہ نیم اعراب یم شرٹن ہندس قاعدن تہ مبتدی یں ہند
 خاطرہ یا لفظن ہند تلفظ بیان کرنہ خاطرہ یا ہون لفظن ہند مغالہ دور
 کرنہ خاطرہ استعمال ہیکو کھ کرتھ۔ یمن ہند کل تعداد چھہ ۱۱۔
 زبر (مثلاً ا)، الف مد (مثلاً آ)، عینہ زبر (مثلاً ا)،
 عینہ مد (مثلاً ا)، زیر (مثلاً ا)، زیٹھ زبر (مثلاً ا)،
 تیل (مثلاً ا)، عینہ زیر (مثلاً ا)، زیٹھ عینہ زیر (مثلاً ا)،
 پیش (مثلاً ا)، زیوٹھ پیش (مثلاً ا)، جزم (مثلاً ا)،
 کھرش

ڈکشنری منز چھہ ”ارڈ اچھر“ عنوانس تل اعراب دنہ آمتز۔ زبر، زیر،
 مد، پیش بیتز چھہ نہ اچھر، یم چھہ اعراب۔ یمن اچھرن گز و لا علمی۔
 امہ علاوہ چھہ کینہہ اچھر تہ تمن ہنزہ جور تہ اعراب ہتھ یا اعراب
 وراے تہ اتھہ عنوانس تل دنہ آمتز۔ مثلاً (اؤ)، (او)، (او)، (او)،
 (ے)، (ے)، (ے)، (ے)، (ے)، (ے)، (ے)، (ے)، (ے)، (ے)، (ے)، (ے)،
 مصوتن ہنز نمایندگی کران چھہ یم چھہ نہ اعراب۔ یم چھہ وارہ کارہ
 اچھر، اوہ موکھ گزھن نہ باقی اعرابن ستر دنہ ستر۔ یم اچھر (یعنی ا، و
 تہ ے) چھہ دوبارہ ”زرڈ اچھر“ عنوانس تل دنہ آمتز۔ اکے اچھر
 ارٹن اچھرن ستر تہ پتہ بیہ زرٹن اچھرن ستر دنک کیا جواز چھہ؟ مثلاً
 (اؤ) چھہ نہ کتہ تہ صورت منز اکھ اچھر۔ یم چھہ زہ اچھر الف (ا) تہ واو
 (و)۔ (ے) اعراب چھکھ ستر تھاونہ آمت۔ یم دوشوے اچھر چھہ
 زرٹن اچھرن منز دوبارہ دنہ آمتز۔ تھہ پاٹھ باقی نام نہاد ارڈ اچھر
 (اؤ)، (او)، (او) تہ (او) تہ چھہ زہ یون اچھر یعنی الف (ا) تہ واو (و)۔
 امہ علاوہ (ے)، (ے)، (ے)، (ے)، (ے) تہ (ے) تہ ورا لگ اچھر بناوڈی یا

ثور لہ حروف تہجی اندر دنی کیا معنی چھ تھاوان؟ یم ژوشوے اچھر
چھہ ژکہ اکے اچھر (ے) لیس زرین اچھرن منز دوبارہ دنہ آمت
چھہ۔ ارین اچھرن منز شامل کرنہ آمت (اع) تہ چھہ زہ بیون
اچھرف (ا) تہ عین (ع)، یم دوبارہ زرین اچھرن منز دنہ آمت
چھہ۔

یہ کتھ چھہ اہم ز کاشرس ہیکلس (حروف تہجی) گوہہ نہ ہندی ہیکلج
شکل دنہ تہ، بلکہ گوہہ عربی فارسی تہ اردو وچ روایت کاشرس منز تہ
قایم تھاوندہ تہ۔ اعراب گوہن الگ پاٹھو دنہ تہ تہہ پاٹھو مہ پنہ
پٹھمہ تجویز منز دتی۔ ہندی ہیکلج شکل دنک نتیجہ چھہ یہ نیران ز اکوے
اچھر چھہ دون دون جاین دنہ علاوہ، پھر پھر مختلف اچھرن ستر جور
بنائو تھ دتی پھوان۔ عربی فارسی ہیکلج ژھو چر تہ سہولت تراؤ تھ ہندی
ہیکلج پیروی کرنی کیا ضروری چھہ؟ اگر رسم الخط عربی فارسی اختیار
کرنہ آو، املاکو اصول تہ گوہن اتھ ستر ہم آہنگ آسن۔

(۲) رسم الخط تہ املا

کاشرس املا ہنس متعلق یم مسلہ ونیک تام تلنہ چھہ آمتی، تہن ہند ہر تر
چھہ یہ ز عربی، فارسی تہ اردو پٹھہ آمتی لفظ کتھہ پاٹھو تہن کاشرس منز
لیکھنہ۔ حالانکہ یہ گوژھ نہ کا نہہ مسلے آسن تکیا ز اسہ لیس رسم الخط
پاننومت چھہ، سہ چھہ یمنے زبان ہند۔ کنے رسم الخط ورتاوندہ کنی چھہ
نہ اتھ مسلسل نظری طور کا نہہ گنجائش روزان۔ مگر چونکہ اسہ چھہ نہ یم
لفظ یہند اصلی پھور ہتھ پانناؤ متی بلکہ چھہ یہندن مصوتن تہ
مصمتن پنہ صوتی نظام مطابق تبدیلی انی مرث، لہذا چھہ سوال پیدا
گوژھان ز یہ پھورہ تبدیلی کتھہ پاٹھو بیہ تحریر منز ژھراوندہ۔ چونکہ
کا نہہ رسم الخط چھہ نہ امہ مسلک تھہ فیصلہ پیش کرتھ ہبکان، مثالی
وجھن تراہیہ گوژھ پر تھہ زبانی پنہ خاطرہ تھہ موافق پنن اکھ رسم
الخط آسن۔ مگر رسم الخط چھہ نہ زبان بہ زبان ایجاد کرنک چیز۔ انسانہ

سند تہذیب چھہ نہ الگ الگ زبان ہندن خان منز تقسیم ہبکان
گوژھتھ۔ ہر گاہ اسر تھہ پاٹھو سوچان چھہ سوچہ سانی غلطی۔ انسانی
تہذیب چھہ واریا ہن زبان تام و ہر تھہ۔ تہ واریاہ چیز یمن منز رسم
الخط تہ شامل چھہ، چھہ واریا ہن زبان تام و ہر تھہ۔ یہ چھہ انسانی
تہذیبک وسعت و ہراؤ ز زبان تہ چھہ پانہ وانی تعلق۔ ہر گاہ اسہ
کا نہہ رسم الخط پنہ زبانی ہند خاطرہ ووپر باسہ، تیلہ گوہن اسہ تم
ساری لفظ تہ پنہ زبانی ہند خاطرہ ووپر باسہ یم باقی زبانو پٹھہ اسہ
تام وانی متی چھہ۔ یو پھہ لفظ وراؤے چھہ نہ اسر وکلن پننن زبان
ہند تصور تہ ہبکان کرتھ۔ مثلاً کاشر زبانی چھہ پٹنس ارتقا ہنس
دوران واریاہ لفظ سنسکرت، پراکرت، عربی تہ فارسی پٹھہ قبول کردی
متی تہ بیہ تہ خبر کتہ کتہ پٹھہ۔ مگر یم ساری لفظ چھہ اسہ تہتی پنہ تہتی تم
لفظ چھہ یم نہ اسہ ظاہری طور کنہ زبانی پٹھہ انی متی چھہ۔ لفظن ہندی
پاٹھو چھہ رسم الخط تہ پہہ انہ یوان۔ تہہ پاٹھو پر تھہ زبان زیادہ تر
لفظ تموے زبانو پٹھہ انان چھہ یمن ستر تھہ کنہ رگو تعلق اسہ تھہ
پاٹھو چھہ رسم الخط تموے زبانو پٹھہ یوان یمن ستر اتھ زبانی کنہ رنگہ
تعلق اسہ۔ عربی فارسی رسم الخط کاشر خاطرہ ورتاؤنس اسر زہ وجہ۔
اکھ یہ ز یہ اس تہذیبی تہ ساچی واٹھ لگنہ کتہ گپہ ساہ لٹریسی منز تہ یسے زبانہ
رائج۔ یہ کتھ چھہ صحیح ز یہ رسم الخط چھہ نہ کاشر زبانی ہند پھورہ
کردار چ پورہ پاٹھو نمائندگی ہبکان کرتھ مگر کا نہہ بیا کھ رسم الخط تہ
ہیکہ نہ یہ وپڑھے دور کرتھ، تکیا ز یہ رسم الخط یا بیا کھ کا نہہ رسم الخط تہ
چھہ نہ امہ مقصدہ خاطرہ بناوندہ آمت۔ زیادہ کھو نہ زیادہ ہیکو اسر رسم
الخطس منز شیرہ ژاؤ رکرتھ، مگر تہ تہ چھہ تھو حدس تام ممکن تہہ حدس
تام رسم الخط اجازت دیہ۔ اتھ رسم الخطس منز چھہ فارسی والیو، اردو
والیو تہ سندھی والیو تہ پنہ پنہ حسابہ شیرہ ژاؤ رکرتھ۔ مگر تمہ پتہ تہ چھہ
نہ تم اتھ پٹنس پھورس ہتھ فیصد نزدیک اتھ ہیکو متی۔

(۳) کاشر املاۃ ڈکشنری

برقرار تھاوچ سفارش۔ لہذا چھہ نہ اتھ پٹھ کتھ کرنچ کا نہہ
ضرورت۔

اصول زہ: ”ث، ص، ح، خ، ذ، ض، ط، ظ، ع، ف،
ق، جن تمن سارے لفظن اندر لیکھن یم عربی یا فارسی
پٹھہ آمتی آسن۔ مثلاً ثواب، صاف، حد، دلیل، نظر،
غرض، قلم بہتر بین نہ لیکھنس اندر بدلاونہ۔ صرف بیتہ
تلفظ تلہ آسہ کا نہہ او را چھر (داول) بدلان، تتہ بیتہ
تیز ے یا ژ تبدیل کرنہ۔“

اتھ اصولس منز چھہ پنڈی کنی یہ ونہ آمت زمصمتہ روزن یمن لفظن منز
برقرار، اما پڑ زمصوتہ جن بدلاونہ۔ مگر یمن لفظن منز چھہ نہ کا نہہ مصوتہ
عربی فارسی لیس منز لیکھن یوان، بدلاونہ کیا بیتہ؟ دو یمن لفظن منز
چھہ دراصل یہ ونہ آمت زمین لفظن منز گڑھن مصوتہ لیکھن تتہ۔
یمن منز چھہ صرف زہ لفظ یمن منز مصوتہ عربی فارسی نش مختلف چھہ۔
دلیل تتہ غرض۔ اکس منز چھہ عینہ زیر تتہ بیس منز عینہ زیر تراوچ
سفارش۔ یمن لفظن کیا ز چھہ اسہ اعراب لگاوچ ضرورت پوان؟
سہ کس خدایہ سند بندہ چھہ بیس یم زہ لفظ بیوا اعرابورؤس پڑ تنگن
نہ؟ اگر اسہ پھور رڑھراون چھہ، تیلہ گڑھن مصوتہ بدلہ یم ساری
مصمتہ بدلاونہ۔ مثلاً (ث) تتہ (ص) بدلہ گڑھہ (س)، (غ) بدلہ
گڑھہ (گ) لیکھن یمن۔ تتہ چھہ نہ اس کر نہ خاطرہ تیار بلکہ چھہ
اصول بناؤتھ تم برقرار تھاوچ یژھان۔ اصلی مسلہ پیدہ کرن والو
گڑھہ یے اچھر آسن تنکیا ز یے چھہ سائنن اچھن تل روزان، نز
اعراب یم نہ لیکھن یوان چھہ۔ اگر اس قلم (ق) ست لیکھتھ کلم (ک)
ست پرتھ ہبکان چھہ، سہ اعراب لیس نہ لیکھن یوان چھہ کیا ز ہسکون نہ
عینہ زیر یاعینہ زیر پڑتھ۔ یعنی اسہ کوس مشکل چھہ (دلیل) لفظن
اعرابہ ورأے (دلیل) پرنس منز یوان یا تتھہ پاٹھو اس کیا ز ہسکون
نہ (غرض) لفظ اعرابہ ورأے (غرض) پڑتھ۔ پانژن منٹن ہند

رسم الخط ووزم آنٹھ چھہ نہ زبان منز مسلہ پیدہ کرن وول رسم الخط
بنان بلکہ تمیک عملی ورتاوتھ اسو املا ونان چھہ۔ اگر اس خبر کا ژا تہ
کوشش کرتھ کا نہہ رسم الخط املا رنگو پنہ زبانی ہندس پھورس عکھہ
واتناوون، یعنی از اگر اس پھور تہ املا کن کرون، پگاہ آسہ پھور پیہ
بیون درامت، تنکیا ز زبانی ہند پھور چھہ نہ جامد۔ یہ چھہ بدلان۔ یہ
چھہ نہ املا کو پاٹھو اکو ڈنجہ۔ اس چھہ اکھ چیز لیکھتھ بیا کھ چیز پرنہ
خاطرہ مجبور۔ امہ کنی تتہ ز کنہ تتہ زبانی منز چھہ نہ لفظن کنے پھور
آسان۔ پھور چھہ نہ صرف وقتہ رنگو بلکہ جایہ رنگو تتہ بدلان۔ پھور ک
علاقہ واد پھیرہ کتھ پاٹھو ہیکہ رڑھراونہ تتھ؟ اسہ چھہ لا ز مالفظ اکہ
طریقہ لیکھن تتہ پیہ طریقہ پوان۔ لہذا چھہ زہ کتھ اہم ز کا نہہ زبان
ہیکہ نہ تحریرس منز پن پھور ہو، پھور ژھراؤتھ، اول اوہ کنی ز کا نہہ رسم
الخط چھہ نہ تمہ زبانی ہند خاطرہ بناونہ آمت، دو یم تنکیا ز زبانی ہند
پھور چھہ نہ پانہ ڈنجہ روزان، نہ وقتہ رنگو تتہ نہ جایہ رنگو۔ یم لوکھ یہ
سونچان چھہ ز پھور تہ املا گوژھ کن روزن چھہ دراصل اکہ سچہ غلط
فہمی ہند ک شکار۔ پیہ غلط فہمی چھہ کاشرس منز تمن لفظن ہندس
سلسلس منز پریشانی ہند وجہ نیمہ، یم عربی، فارسی تتہ اردو پٹھہ آمتی
چھہ۔ مسلہ چھہ یہ رودمت زمین لفظن یوس پھورہ تبدیلی کاشرس منز
سچہ مز چھہ، سو کتھ پاٹھو پیہ رڑھراونہ۔ امہ خاطرہ چھہ املا کو کینہہ
اصول بناونہ آمتی۔ کاشر ڈکشنری ہندس پر تتھ جلدس منز چھہ یم
اصول دنہ آمتی۔ یمن ہند تعداد چھہ باہ۔ اس کرو یمن پٹھہ اکہ اکہ
کتھ۔

اصول اکھ: ”اسماے حسینی تتہ صفات محمدی اندر یم نمٹھ
لفظ یوان چھہ تم بین تنھے پاٹھو ہو، ہو نستعلیقس اندر
عربی موجب لیکھنہ۔“

اتھ اصولس منز چھہ مذہبی جذبہ کنی یمن لفظن ہنز تحریری حرمت

خاطرہ مانو ز یمن چھ اعراب صحیح پھور ہاونہ خاطرہ ضروری۔ غرض لفظس چھہ کاشرس منز زہ پھور۔ اکھ ڈکشنری ہند (غرض) عینہ زیر سان تہ بیاکھ (غرض) زیر سان یتھہ پاٹھو اردوس منز چھہ۔ دوشوے پھور چھہ مروج۔ وونی کس ہیو پھور رڑھراوون تہ کتھہ پاٹھو؟ امہ مثالہ نمبر تہ چھہ واریاہ لفظ کاشرس منز دون پھورن منز راتج۔ یو دوے یمن لفظن ہندو مصوتہ لیکھنہ یمن نہ، تمیک فایدہ چھہ یہ ز پرتھ شخص پر لفظ پنہ پھورہ مطابق۔ تہ بیاکھ یو ڈ فایدہ چھس یہ ز غیر ضروری طور اعراب ورتاوندہ چہ ہودہر نش تہ میلہ نجات۔

پچھمس اصولس تل یم لفظ دنہ آمتی چھہ اگر تم تنھے پاٹھو لیکھنہ یمن (ازکل چھہ کتابن منز امہ طریقہ نظر تہ گتھان) یتھہ پاٹھو عربی فارسی لیس منز لیکھنہ یوان چھہ، امہ اصول چھہ نہ کانہہ ضرورت۔ یہ اصول چھہ غرض تہ دلیل لفظن ہندن اعرابن ہندو پاٹھو مدفصول۔

اصول ترہ: ”ع“ اچھہ یہیہ اراچھہ چہ ادلا بدلی سان لفظس گوڈہ تہ پتہ لیکھنہ۔ مثلاً عمل، عقل، علم، عائش، عارف، عائکھ، طالع، شمع، نفع، بیتز۔ مگر بیتز آخرس اندر امہ بردنہہ زیوٹھ او ر اچھہ یہیہ تہ بیتز تراوندہ۔ مثلاً شوروع، بدلہ شورو، الوداع، بدلہ الودا‘ بیتز۔“

اتھ اصولس منز چھہ (ع) اچھہ لفظس گوڈہ تہ اندہ برقرار تھاونج سفارش کرنہ آمت۔ یعنی طالع، شمع، نفع، عمل تہ عقل ہوو لفظ گوڈھن عینہ سنی لیکھنہ ہی۔ مگر عجیب کتھ چھہ یہ ز اتھ اصولس چھہ ڈکشنری پانہ خلاف ورزی کران۔ (واقع) چھہ (واقا)، (ضالع) چھہ (ضایہ)، (ضلع) چھہ (ضلد)، (فرع) چھہ (فراہ) تہ (نفع) چھہ (نفا) لیکھنہ آمت۔ اتھ اصولس منز چھہ مزید تہ ٹھہ اراچھہ پتہ عین حذف کرنج سفارش کرنہ آمت، مگر اتھ تہ چھہ ڈکشنری پانہ خلاف ورزی کران۔ مثلاً (اطلاع) تہ (سماع) ہوو لفظ چھہ عینہ

سان درج کرنہ آمت۔ بہر حال، کیا وجہ چھہ ز اسر چھہ اکہ طرفہ (شمع) تہ (طالع) ہوون لفظن منز (ع) برقرار تھاونج سفارش کران تہ پیہ طرفہ (الوداع) تہ (شروع) ہوون لفظن منز ہٹاونج۔ یہ من مانی حکمت چھہ نہ فکر تران۔ فارسی والیو تہ اردو والیو کونہ ہٹو یہ (ع)۔ یمن لفظن منز چھہ تہ تہ سے تلفظ لیس کاشرس منز چھکھ۔ ہر گاہ یہ اصول یمہ خیالہ بناوندہ آمت چھہ ز (شروع) تہ (الوداع) لفظن منز چھہ نہ (ع) پھور راوندہ یوان، (شمع) تہ (نفع) ہوون لفظن منز تہ چھہ نہ مزید یہ ز ہر گاہ (الوداع) ہوو لفظ (ع) رؤس ہیکو کھ لیکھت، (نفع) ہوو لفظ تہ کونہ ہیکو کھ (ع) رؤس لیکھت۔ اگر یم ساری لفظ (ع) سان لیکھو کھ نقصان کس چھہ؟ مزید یہ ز پیلہ اسر (علم)، (عقل) ہوون لفظن منز (ع) برقرار تھاوان چھہ، یتھہ اصولس منز دتی متبن لفظن منز کیا ز چھہ امیک آسن کھران؟ کانہہ تہ گتھہ دلیل آسن۔ اتھہ اصولس منز چھہ یہ تہ وندہ آمت ز یمن لفظن منز یمن ارڈ اچھہ تہ بدلاوندہ۔ تمہ خاطرہ وچھو پتمہ اصولک بحث۔

اتھ اصولس تل چھہ مثالہ رنگو کیونون دو یمن لفظن ستر یم ترہ لفظ تہ دنہ آمتی۔ (عارف)، (عیش) تہ (عینک)۔ (عارف) لفظ کس الفس پٹھ چھہ عینہ مد تھاوندہ آمت یتھہ نہ کانہہ اتھ (عارف) بجایہ (عارف) پر۔ پیلہ نہ امہ لفظک (ع) تہ (ف) تمہ آوازہ ظاہر کران چھہ، یم یمن ہنز جایہ کاشرس منز کڈنہ یوان چھہ، الفس کوس ژور کر، سہ تہ گوڈھ یلے تراؤن۔ یس ماجہ ژو کاشرس آسہ تس تگہ پانے (عارف) لفظس (عارف) پرن، تس چھہ نہ زبان چھہ ناونج کانہہ ضرورت۔ تنھے پاٹھو (عیش) تہ (عینک) لفظک (ئی) تہ یو دوے لیکھنہ ورأے (ا) پر نہ پیہ لفظ شکل بدلاونج کیا ضرورت چھہ۔ یمہ کتھ تلہ چھہ صاف ظاہر ز یہ اصول چھہ غلط استدلالس پٹھہ بناوندہ آمت، لہذا باطل۔

اصول ژور: ”یس‘ع‘ فارسی یا عربی لفظ منسب
تمہ بدل یہ سہ اذرا چھ لیکھنہ یتھ منزج آواز
کا شرس منز بدلیو آسہ۔ مثلاً تاشوق، ماشوق، جافر،
تأریف، تأجب، تأمیر، تألیم، تأیر، تولق، مومولی،
شولہ، جماتھ بیتز۔“

ہتمن اصولن ہند بحث مد نظر تھاوتھ اگریم لفظ تہ تھے پاٹھ لیکھنہ ہن
یتھ پاٹھ فارسی یا اردو منسب چھ، ہرج کیا چھ؟ یمن لفظن ہند
(ع) نام نہادارو چھرو ستر بدلاوچ کوشش چھہ دراصل لفظ لیکھنہ
بدلہ لفظک کا شرس پھور چھ کوشش۔ یمن لفظن ہند پھورک مسلہ چھ
نہ اسی یوت درپیش بلکہ فارسی تہ اردو والین تہ۔ تم تہ چھہ ماشوق،
تاریف، تألم بیتز بولان۔ تم ییلہ نہ یمن لفظن ہنر ظاہری شکل
کا نہہ مسلہ پیش کران چھہ، اسہ کیا چھہ امیک وہم؟ پھور تہ املا
رلاونک ٹھیکہ چھا کا شرسن نے اوت۔ سہ تہ لیکھہ ہندس ابتدائی
مرحلس منز۔ اردو ییلہ یومسلوسان برصغیرج زبان بٹھہ ہیکہ، کا شرس
کیا ہیکہ نہ کھنہ بل پٹھہ کھادان یا رتاچج زبان بٹھہ؟ از کس تحریر
منسب چھہ یم ساری لفظ عینہ ستی لکھنہ نہج۔

اصول پانژھ: ”عربی تنوین بدل یہ ان
تھاونہ۔ مثلاً فورن، جبرن، آنن فانن۔“

یہ چھہ اکھ لوکٹ مسلہ تکیا تھمن لفظن ہند تعداد چھ مختصر۔ دویم
کتھ چھہ (فورا)، (جرا) تہ (آنا فانا) لفظن پٹھہ تنوین نہ تھاوتھ
تہ ہن یم‘ان‘ بٹھہ پر نہ یتھ پاٹھ فارسی تہ اردو منسب یوان چھہ۔
اردو تہ فارسی لیس منز تہ چھہ یمن وونی خالے تنوین تھاونہ
یوان۔ ییلہ نہ اردو تہ فارسی لیس منز یم لفظ‘ان‘ بجایہ‘آ‘ پر نہ یوان
چھہ، کا شرس منز کیا چھہ اسہ پھیرہ پیک وہمہ گڑھان؟ لہذا گڑھن
یم لفظ تہ اردو فارسی املا مطابقت لیکھنہ نہ۔

اصول شہ: ”دست، وقت، سخت بیتز لفظ ہیکو ز

لیکھت پتمہ‘ت‘ وراے تہ۔ مثلاً دس، وق، سخ بیتز
۔“

یم لفظ دون صورتان منسب لیکھنک وجہ چھہ نہ بیان کرنہ آمت۔ دراصل
چھہ یم لفظ کا شرس منز دوشونی پھورن منز (ت بٹھہ تہ ت وراے)
مروج۔ بلکہ چھہ یم وونی کا شرس زبانی ہندس حدس تام زہ بیون لفظ
نیمت۔ اکھ چھہ پچ ژھوٹرن۔

اصول ستھ: ”یمن لفظن عربی لیس منز‘ال‘ یوان چھہ،
مثلاً ابن الوقت، بالکل بیتز تم ہن یتھہ کڑ لیکھنہ۔
ابتل وقت، بل کل۔“

اتھ اصولس تہ چھہ ڈکشنری پانہ خلاف ورزی کران۔ ڈکشنری منز
چھہ امہ قسمک کل ۶ لفظ دنہ آمت، یومنزہ ۳ عربی مطابق تہ ۲۵
یمہ اصولہ مطابق، تہ ۵ دوشو یو طریقو دنہ آمت چھہ۔ ۳ عربی
مطابق دنہ آمتن لفظن منز چھہ: حق اللہ، حبیب اللہ، محرم الحرام،
ذوالجلال، ضربالمثل، نصب العین، ناقص العقل، ضعیف الاعتقاد
ہوڈ لفظ۔ ۲۵ ہن یمہ اصولہ مطابق دنہ آمتن لفظن منز چھہ: حجرل
اسود، اشرف مخلوقات، ختل و ستھ، جنتل فردوس، عدیل مثال، ختل
شعور ہوڈ لفظ۔ یمن لفظن ہند زہ املا راتج تھاونک کیا مطلب
چھہ؟ ہر گاہ ۳ لفظ عربی املا مطابق لیکھنہ خاطرہ مجبور چھہ، تیلہ
پزن باقی ۲۵ لفظ تہ قی املا مطابق لیکھنہ نہ۔ ییلہ ۳ لفظ عربی املا
مطابق پر پی تگن، باقی ۲۵ کونہ تگن نہ؟ امہ علاوہ ییلہ اسہ یم ساری
لفظ اردو منسب عربی املا مطابق پر نس منز کا نہہ دشواری یوان چھہ نہ،

کا شرس منز کیا چھہ اسہ یمن ہند املا بدلاوچ ضرورت پوان؟
اصول اٹھ: ”یمن فارسی یا عربی لفظن گوڈہ‘ح‘
یوان آسہ تہ یمن کا شرس آواز‘تج‘ تھوتھہ نیر، تم ہن
‘اتج‘ ستر شروع کرنہ۔ مثلاً احسان تہ احترام ہن
لیکھنہ احسان تہ احترام۔ مگر احد، احمد، احمق ہی لفظ

”جن تتھے کی لیکھنہ تکیا ز یمن منز چھ نہ‘ح‘‘سح‘‘ آواز
دوان۔“

ہر گاہ (احسان) نہ (احترام) ہو لفظ پھورہ مطابق لیکھنہ چھ، تیلہ
گوہن نہ تم‘ اسکان‘ نہ‘ اتکترام‘ لیکھنہ سنی، بلکہ‘ یسان‘ نہ
‘بہترام‘۔ یہ گوہن کا شر پھور۔ اس کی کیا چھ مصوتن پتہ لگو متی ہو
باسان؟ اس چھ یمن لفظن منز مصمتہ (ح) برقرار تھاؤن یڑھان۔
یتے یوت نہ بلکہ جھن الف (ا) نہ تتھے پاٹھو تھاؤن
یڑھان۔ کیا؟ تبدیلی کرنک نہ گھہہ کا نہہ استدلال آسن۔ پھورہ
مطابق چھہ نہ (ا نہ ح) دوشونی اچھرن یمن لفظن منز کا نہہ
جائے۔ اگر اس (ا نہ ح) برقرار تھاؤن یڑھان چھہ، منزے اکھ علاوہ
مصوتہ لفظن تتھو کرنہ ستر کوس ہش فرق پیہ؟ اگر یم عربی فارسی پاٹھی
لیکھنہ یمن، کس خدایہ سند بندہ ہیکہ نہ یمن پڑتھ؟ امہ علاوہ چھہ یم لفظ
کا شرس منز دون پھورن منز مروج: (ا‘تکترام) نہ (تکترام)۔ اکھ
پھور لیکھتھ چھہ اس دؤ یم پھور تر آتھ ژھنان۔ (احترام) لیکھتھ نہ
پیہ اتھ اتکترام یا تکترام پر نہ۔

اصول نو: ”عام پاٹھو گھہہ یہ یاد تھاؤن ز کا شر لفظ
”جن کا شر آواز موجودے لیکھنہ۔ مثلاً پیدا، میدان،
شاعر، خواہش، جرات، بیتز بدل گھہہ لیکھن پاؤا،
مآدان، شایر، خائش، جرتھ۔“

اتھ اصولس منز چھہ کا شر یمن لفظن ہنز کتھ کرنہ آمژ نہ لیکھنہ چھہ
آمت ز کا شر لفظ یمن کا شر آواز موجودے لیکھنہ، مگر مثالہ رنگو یم
نہ لفظ دنہ آتھ چھہ، یمن منز چھہ نہ اکھ نہ کا شر۔ یم ساری چھہ فارسی نہ
عربی لفظ۔ یہ چھہ لاعلمی ہند حد۔ بہر حال، یمن لفظن ہندس سلسلس
منز وچھو تمہن اصولن ہند بحث۔ از کس املا ہس منز چھہ گوڈے یبو
منزہ واریاہ لفظ مثلاً شاعر، خواہش بیتز فارسی املا مطابق لیکھنہ
یوان۔ (میدان) لفظن پیہ کا شر پاٹھو (مآدانے) پر نہ۔ بلکہ

چھہ اکثر کا شر اتھ اردو پاٹھو مآدانے پران۔ پیلہ اکثر کا شر اردو
بولن وز (میدان) لفظن (مآدان) پران چھہ کا شر پران وز کیا ز
چھہ اسہ غلطی ہند خدشہ روزان۔

اصول داہ: ”پیہہ کا نہہ عربی لفظ‘اع‘ سان شروع
آسہ سپدان، سہ پیہ‘اع‘ اکھ دکھانٹ شروع اچھہ
مآنتھ،‘اع‘ سنی شروع کرنہ۔ مثلاً اعتراض،
اعتبار یمن تتھے پاٹھو لیکھنہ پیہہ پاٹھو عربیس منز
چھہ۔“

مرحبا، ونن چھکھ یہ ز (اعتراض) نہ (اعتبار) لفظ گوہن عربی فارسی
املا مطابق لیکھنہ سنی، مگر ”دکھانٹ“، کر کے پھش چھہس دین
ضروری زونمت۔ پیہہ اصول اٹھ (احسان) نہ (احترام) کا شر
آواز مطابق (اسکان) نہ (اتکترام) لیکھنہ سنی سفارش کرنہ چھہ آمژ،
تہہ کونہ آئے۔ اتھ اصولس منز (اعتراض) نہ (اعتبار) نہ کا شر آواز
مطابق (ایراض) نہ (ایبار) لیکھنہ سنی سفارش کرنہ؟ یم دوشوے اصول
چھہ اکھ اس ٹھولہ زن۔ باسان چھہ ز ڈکشنری ہندس چیف ایڈیٹرس
پیہہ نس یہ خوش گوہن نس وڈن تی۔

اصول کاہ: ”کھے، ژنے، مے ہی لفظ یمن تتھے پاٹھو
لیکھنہ۔“

کیا ز یمن یم تتھے پاٹھو لیکھنہ؟ نہ چھہ نہ وننہ آمت۔ یم لفظ آس
برونہہ کھہ، ژبہ، تہ مہ لیکھنہ یوان۔ تتھے پاٹھو لیکھنہس منز کیا خرابی
آس؟ یمن لفظن کیا ز پیو و املا ڈالن؟ اسہ چھہ لفظ لیکھنہس نز تمیک
صوتیاتی ٹرانسکرپشن۔ پیلہ اسہ یم لفظ داہن پنداہن و رین تتھہ
پاٹھو لیکھتھ پران تکی، اتہ اور کیا زنگہ یمن نہ؟ یم لفظ ہر گاہ کھہ، ژبہ، تہ
مہ لیکھنہ یمن، تتھہ منز چھہ اکھ فایدہ۔ اسہ ہیکون اکھ اچھہ و یوہ املا
منزہ بالکل ختم کرتھ۔ سہ گو و (ی)۔ یہ اچھہ اس یمن نہ لفظن منز
ورتاوان چھہ، یمن منز ہیکون آسانی سان (ی) ورتاوتھ۔ مثلاً لفظ

ین۔ تھہ پاٹھی لیکھنہ: (مہ، ہیکہ) بیتر تہ (ہیکہ، نیپہ) بیتر ین (ی) ستر لیکھنہ۔

اصول باہ: ”^ چھ نشانہ دون زر اچھرن منز اور
اچھرنہ آسک۔ مثلاً بزم، کیا۔“

اتھ چھہ ونان کودہ کا کل۔ اردو والین چھہ دوہہ قسمکو (کیا)۔ اکھ
(کیا) یعنی انگریزی what تہ بیا کھ (کیا) یعنی انگریزی did۔ تم
چھہ دوشوے کی طریقہ لیکھان مگر پران الگ الگ پنہ پنہ پھورہ
مطابق۔ نہ چھہ تم جزم تراوان تہ نہ زیر۔ مسئلہ گوڑھ تمن پیدہ
سپدن۔ کاشرس منز چھہ کنے (کیا)۔ جزم تراؤ تھہ تہ پروا ستر اتھہ تی
یہ جزم تراونے پروس۔

باسان چھہ زیم الاملا اصول چھہ نہ کاشرن ہند خاطرہ بلکہ تھمن خیالی
پرن والین ہند خاطرہ بناونہ آمت، یہنز ماجہ زو اردو یا فارسی،
سنسکرت یا ہندی چھہ تہ دوڑی چھہ کاشر پھنہ درامتر۔ تہ کیا رنگن نہ
کاشرس پنڈر لفظ صحیح پھورہ مطابق پرڈ؟

اسر ہیکو کھ ذلیل، عارف، شروع، عیش، تعریف، شعلہ، فورا، ابن
الوقت، احسان، شاعر، میدان، اعتراض تہ کیا ہو ک لفظ کنہ اعراب یا
مصمتہ یا کنہ مصوتہ چہ تبدیلی ور اے لیکھتہ، تھہ پاٹھی مہ عرض کوڑ
بلکہ چھہ ہم لفظ از کل چین واریا ہن کتابن تہ رسالن منز تھہ پاٹھی لیکھن
نچ۔ ڈکشنری ہندویم ساری اصول چھہ باطل تہ غیر معیاری۔ لہذا
چھہ امہ ڈکشنری ہندو و چھاپ کرنہ بروہہ، یمن مسلمان پٹھ غور کرن
ضروری۔

یہ دوے اسر عربی تہ فارسی لفظ تھہ پاٹھی لیکھو کھ تھہ پاٹھی ہم یمن
زبانن منز لیکھنہ یوان چھہ، تھہ چھہ ترہ ٹاکارہ تہ بڈر فایدہ۔
گوڈ نیک یہ زاسر چھہ یمن لفظن ہندس اتھ املا ہس فارسی اردو زانہ
کڑ گوڈے واقف لہذا ہم نہ اسہ کاشر پرنس منز کانہہ بڈ دقت۔ اسہ
چھہ املا ہس منز بیڑہ تبدیلی انہ مژہ ہمہ کڑ اردو فارسی زانن والین تہ

کاشر پرن مشکل گڑھان چھہ۔ دویم فایدہ چھہ یہ زاسر ہیکون نہ
صرف پنڈر زبان لیکھتہ پڑتھ بلکہ ہیکون عربی، فارسی تہ اردو چ
خواندگی تہ قائم تھاتھ۔ یہ کاٹا اہم کتھ چھہ۔ اسر چھہ کرلیہ پٹھ
ووٹھ تلٹھ سمندر س تام واتان۔ ترتیم اگر زانہہ کالو یمن زبانن ستر
تعلق تھاون والر کانہہ شخون کاشر لیکھن تہ پرچ کوشش کر، تس سپدن
نصف مرحلہ آسانی سان طے۔ ہر گاہ زبان پھن تہ نہ تو تہ ہیکہ
کاشرن کتابن ہنز ورق گردانی دلچسپی سان کرتھ تہ انی کھلہ معنی تہ
کڈتھ۔ یذات تام عربی فارسی رسم الخط کاشر خاطرہ برقرار روز توت
تام چھہ اسہ املا تھن کتھ تھاون لازمی۔ یہ ام کتھ چھہ اسہ یاد تھاونی
زاسر چھہ تحریرس منز بنیادی طور لفظ لیکھان، تمن ہند پھورہ۔ اسہ پنہ یہ
زانن زبانی ہند پھورہ تہ تحریر چھہ زہ الگ چیز۔ ہر گاہ اسہ تحریری زبانی
بدلہ پھورہ زبان لیکھن چھہ، تیلہ گڑھہ تمہ خاطرہ عربی فارسی ہیو
کمزور رسم الخط ورتاونہ بجایہ انٹرنیشنل فونٹک الفابیٹ ورتان۔ تھہ
منز روز نہ کنہ بلکہ گنجائش۔

حقیقت چھہ یہ زاسر چھہ اعرابن ہند ورتاونہ ۹۰ فیصد غیر ضروری
پاٹھی کران۔ ڈکشنری تہ چھہ ہم غیر ضروری اعراب ستر کچا کچ۔
واریا ہن لفظن (مثلاً ممکن) پٹھ اعراب تھو دتلنہ ستر پیہ نہ اتھ
لفظس کانہہ فرق تکیا ز (ع) تہ (ل) اچھرن پٹھ زیر یا پیش ستر چھہ
نہ پیہ کانہہ لفظ کاشرس منز۔ اصول گڑھہ یہ آسن ز اعراب چھہ
غیر ضروری اگر نہ پیہ کنہ لفظک مغالطہ گڑھہ۔ تعجب چھہ یہ ز کتابن تہ
رسالن منز چھہ تمن لفظن پٹھ تہ اعراب تھاونہ آمت یمن نہ اعرابن
ہند قطعی ضرورت چھہ۔ مثلاً احمد، خیال، نظر، بیتر ہون لفظن تہ چھہ
گوڈ نکس اچھرس پٹھ زبر لگانہ یوان۔ ادب تہ خاص کر کاتبین چھہ
لفظن پٹھ زیرہ زبرہ پیش تھاونس منز زن مزہ یوان۔ زیرن، زبرن،
عینہ کلن منز و لٹھ لفظ چھہ کاشر املا چ پچان بنہ۔ سرکاری کیو غیر
سرکاری ادارن منز کام کرن والین کاتبین تہ کمپیوٹر نویس ہند خاطرہ

پڑسانہ کلچرل اکیڈمی کینون سیمینارن ہندسز کزن یمن منز ضروری
تہ غیر ضروری اعرابن ہنز پچان کرنہ گڑھہ تی۔ اگر زبانی ہندس
املاہس منز معیار تہ سنجیدگی پیدہ کرنہ چھہ یہ سز چھہ تمہ خاطرہ سبٹھا
ضروری۔ غیر ضروری تہ شوقیہ اعرابن ہند گڑھہ تدارک سپدن۔

(۴) املا تہ معیار

موجودہ کاثر املا پنج اکھ بارہ کمزوری چھہ یہ ذاتھ منز چھہ نہ لفظس
کانہہ معیاری شکل۔ اکھ لفظ چھہ نہ صرف دو یو بلکہ دو یہ کھوتہ زیادہ
طریقو لیکھنہ یوان۔ پرتھ شخص، تہ پرتھ علاقہ چھہ پنہ پھورہ مطابق
لفظ لیکھان تہ نیچ شکل مقرر کران۔ حالانکہ تحریریک مقصد چھہ نہ ییتے
یوت آسان زاکھ باشہ زبان یہہ اچھرن ہند ذریعہ اکھ وسیلہ پٹھہ
دو یس ولس منز پھرنہ (ہو بہو نمائندگی چھہ نہ ممکن) بلکہ چھہ لکھہ
زبانی ہند مقصد یہ تہ آسان زبانی اندر تہ زبانی ہندن لفظن اندر یہہ
اکھ معیار مقرر کرنہ، بیمہ کڑ لیکھہ پر آسان تہ معیاری اوت نہ بلکہ ممکن
تہ سپد۔ مگر سون املا تجویز کرن والیو بزرگو چھہ نہ امہ کتھہ ہند خیال
تھو وومت۔ نہ چھہ تنہ پٹھہ ازتام کانسہ زبان دانن، ادببن یا ادارن
امہ خاطرہ کانہہ قدم تلمت۔ بلکہ سز لفظ پنہ پنہ طریقہ پنج نیچ
چتمبن کینون دلبن منز عام، بیمہ کڑ لکھہ زبانی منز وکلن معیارہ رنگو
سبٹھا کھر نظر گروہان چھہ۔ یہ صورت حال شدید بناؤس منز پیٹہ
کینون ادببن ہندا تھہ چھہ، تہ چھہ امہ صورت حالکو زیادہ ذمہ وار
ادبکو تہ زبانی ہند ادارہ۔ کاثرس املاہس پٹھہ چھہ تمبن دوستن ہند
ذریعہ واریاہ اعتراض سپدن یمن نہ کاثر لیکھن پرن تگان چھہ۔ بیمہ
ساتہ اس پتس املاہس پٹھہ کنہ رایہ رایہ رؤس نظر تراو، یمن دوستن
ہند اکثر اعتراض چھہ صحیح تہ جایز باسان۔ یہ اعتراض تہ چھہ جایز
اتھ منز چھہ نہ لفظ لیکھن کانہہ معیار مقرر، بیمہ کڑ یہ لیکھن تہ پرن
مشکل سپدن چھہ۔

ییلہ یڑھہ زبانی ہنز ڈکشنری بناونہ یہہ، لازما بن سبٹھا مشکل پیش۔
مگر ڈکشنری ہندن گوڈہ ورتن منز چھہ نہ املاکس کرکچھرس کن کانہہ
تہ اشارہ کرنہ آمت۔ یہ سوال چھہ اہم یہیلہ نہ لفظ لیکھن کانہہ معیار
مقرر آسہ، ڈکشنری منز کتھہ پاٹھی بن تم درج کرنہ۔ امہ رنگو تہ چھہ
موجودہ ڈکشنری منز کھر لبدہ یوان۔ لفظن ہنز مختلف شکلن ہندس
سلسلس منز چھہ ڈکشنری تہ طریقہ ورتاؤ مژ۔ اکھ طریقہ یہ زلفظ
اکہ طریقہ لیکھتھ چھہ سستی کاما تھہ پیہ طریقہ لیکھنہ آمت۔ مثلاً، نم لفظ:

فٹافٹ، فٹوٹ

قد اور، قد اور

فرماون، فورماون

قطعن، قطن

فارغ، فارغ

کڑپس، کڑپس

فہرس، فہرست

کاند، کاکد، کاکد

فروغ، فوری

کتھہ، کتھہ

مختلف املاہن ہند لفظ درج کرنک بیا کھ طریقہ چھہ یہ ورتاونہ
آمت زلفظ چھہ اکھ طریقہ لیکھتھ سستی بریکٹن منز پیہ طریقہ دنہ
آمت۔ مثلاً، نم لفظ:

فراہ (فراع)

کاہ (کہہ)

فاتح (فاتح)

کھڈپانچ (کھڈپنچ)

فتوا (فتوی)

کینیکلٹ (کریٹیکلٹ)

گوڈنک طریقہ لفظن ہنزہ یم زہ شکلہ دنہ آثرہ چھہ، تمومنزہ چھہ
کینون لفظن ہنزہ زہ شکلہ پھورج تفاوت ظاہر کران تہ کینون
ہنزہ زہ شکلہ لفظن ہند زہ مختلف املا۔ مثلاً بنم لفظ چھہ زہ مختلف
پھور ہاوان:

فائش، فیشن

کتھہ، کتھہ

فرماؤن، فورماؤن

مگر بنم لفظن ہنزہ شکلہ چھہ نہ زہ پھور بلکہ لفظ زہ مختلف املا
درج کران:

فارغ، فارغ

فہرست، فہرست

قطعن، قطعن

فارغ، فہرست، قطعن لفظن ہنزہ یمہ شکلہ چھہ تنھے پاٹھ
پھور راوندہ یوان تنھے پاٹھ یم ہنزہ دو یمہ شکلہ مثلاً فارغ، فہرست،
قطعن چھہ۔ لہذا چھہ یمہ شکلہ لفظ زہ املا ہاوان۔

دو یس طریقہ منز تہ چھہ کینون لفظن ہنزہ زہ شکلہ زہ پھور
ہاوندہ باپتہ دنہ آثرہ۔ مثلاً کبابہ (کباب)، کوٹھ (کوٹ)، کینکہ
لٹ (کریٹک لٹ)، کارتوس (کارتوز)۔ مگر اچہ شکلہ چھہ لفظن
ہند زہ املا ہاوندہ باپتہ دنہ آثرہ۔ مثلاً فراہ (فراع)، فتوا (فتوی)،
فاتح (فاتح)، قٹہ (قطعہ)۔ فراع، فتوی، قطعہ فاتح شکلہ چھہ نہ
یم لفظن ہند دو یم پھور ہاوان بلکہ دو یم املا یی شکل۔

تریمس طریقہ منز تہ چھہ یمہ زہ کتھ۔ کراس ریفرنس چھہ اتی
دو یم پھور ہاوان تہ اتی دو یم املا۔ مثلاً بنم لفظ چھہ لفظ زہ پھور
ہاوان:

قہر وچھو ”قہر“

کرا نکھ وچھو ”کرا نکھ“

قاطر (کاٹر)

کبابہ (کباب)

قٹہ (قطعہ)

کوٹھ (کوٹ)

کارتوس (کارتوز)

تھین لفظن ہندس سلسلس منز چھہ ڈکشنری تریمس طریقہ یم
ورتاوان ز لفظ اکہ طریقہ دتھ چھہ کراس ریفرنس دتھ یمہ طریقہ
لیکھنہ آمت۔ مثلاً بنم لفظ:

فرمان وچھو ”فورمان“

فرمالش وچھو ”فورمالمش“

فارغ وچھو ”فارغ“

قہر وچھو ”قہر“

کرا نکھ وچھو ”کرا نکھ“

کاغذ وچھو ”کاگد“

کافر وچھو ”کافر“

کوہ وچھو ”کوہ“

کلم، کلم وچھو ”کلم“

کھڑکھ وچھو ”کھڑکھ“

ہر گاہ ڈکشنری منز لفظ درج کرکے کانہہ خاص طریقہ ورتاوندہ یمہ، تج
وضاحت چھہ گوڈہ ورتن منز ضروری بنان۔ مگر ڈکشنری چھہ اتھ
سلسلس منز خاموش۔ پرن ولس کتھ پاٹھ تر فکر ز دو یس
املا ہس منز لفظ اتی، کاما دتھ، اتی بریکٹس منز دتھ تہ اتی کراس ریفرنس
دتھ چھہ لفظن ہنزہ زہ املا یی شکلہ کتہ زہ پھور۔ کتہ یمہ ہاوندہ باپتہ ز
یم چھہ زہ مختلف لفظ مگر کتہ معنی تھاوان۔ یم لفظن ہندس سلسلس
منز چھہ پرن ولس پانے فیصلہ کرن ہاوان۔ اس کروکش یمہ چھہ ز
یم ترین طریقہ ہند مطلب کیا یمہ آستھ۔

کھر ٿڻ ڇھو ”کھر تھ“

مگر نمہ ٿڻ کراس ريفرنس ٻھہ املا چہ زہ شڪلہ باوان:

فارغ ڇھو ”فارغ“

کاڱد ڇھو ”کاڱد“

مختصر پاڻھي ٻھہ یم تریثوے طریقہ لفظن ہزن مختلف شکل متعلق

کئی کتھ باوان یعنی یہ زمین لفظن ٻھہ پھورہ کئی یا املا کئی زہ شڪلہ۔

اگریم کئی کتھ باوان ٻھہ، الگ الگ تہہ طریقہ کیاز آے ورتاونه،

تہ زان ڏکشنری بناون وائی۔ ڏکشنری منز ٻھہ امہ علاوہ لاتعداد لفظ

یمن ہنزہ دؤیمہ املائی شڪلہ یادویم پھورہ نہ آمت۔ مثلاً نم

لفظ:

قواید کانہ کوبہ قاف

کھاہ اجنی وُلے

وو پراز ووڊو

یمن لفظن ہنزہ نمہ شڪلہ ٻھہ ٻٽھم کھوتہ ڙری پاڻھي ورتاونه

یوان، مگر ڏکشنری منز ٻھہ نہ نہ آمتہ:

قواعد کانہ کوبہ قاف

کھہہ اجنی وولے

وو پرازی ووٽھو

امہ مزید ٻھہ موجودہ ڏکشنری منز واریا ہن لفظن ہنزہ زہ شڪلہ

الگ الگ جاین دہ آمتہ تہ تریو منزہ ٻھہ نہ کنہ طریقہ باونہ آمت ز

یم ٻھہ اکی لفظہ چہ زہ شڪلہ۔ مثلاً آسمان ٻھہ الگ پاڻھي تہ آسمان

الگ پاڻھي دہ آمت۔ تہ ٻٽھہ پاڻھي ولامہ تہ ولامہ، یا وانگہ تہ

وائگہ، یا وائے تہ وائے بیتہ۔ یم لفظ ٻھہ الگ الگ جاین کنہ

رِیفرنس ورائے، یا کا ما گا دہ ورائے بیا کھ شکل دہ رؤس، یادویم

شکل سٽی بریکٹس منز تھاونہ ورائے دہ آمت۔

در اصل ٻھہ یہ سورے ناقص املا یک کھر۔ تہ ڏکشنری بناون والو تہ

ٻھہ نہ ٿڻ کا نہہ شکل معیاری قرار ڏیو۔ ضرورت ٻھہ یہ زموجودہ

املا، ہس منز یہ لفظ لیکھنہ چہن معیاری شکل کن توجہ کرنہ۔ یہ ٻھہ

تیلی ممکن بیلہ اسر لفظن ہند پھور لیکھنہ بجایہ یمن ہزن تحریری شکلن

اہمیت دمو۔ بیلہ اسر غیر ضروری تہ شوقیہ اعراب تحریرہ منز نہ ہر کڈو۔

(۵) لفظن ہنز ترتیب

اچھرار دہ زری دہن منز با گراونہ سٽی تہ نام نہادار ہن اچھرن

منز اعراب تہ کینہہ اچھرتلہ ٻٽھہ کینہہ نشانہ ترا و تھ شامل کرنہ سٽی

ٻھہ کاشر ڏکشنری منز لفظن ہنز ترتیب وائے پاڻھي متاثر سہز مٽ۔

لفظن ہنز ترتیب ٻھہ سبھا ز تھیمو تہ پیچیدہ سہز مٽیوس زن

ڏکشنری ہندس عام ورتاوس خلاف ٻھہ۔ پرتھہ اچھر ٻھہ اعرابو کئی

شرابہ لہ تقسیم سپدان تہ اکی اچھرہ سٽی ینہ والو لفظ ٻھہ شراہن جاین

بیون، بیون دہ آمت۔ لفظن ہنز ترتیب ہند مسلہ ٻھہ دراصل اچھرن

ہنز غلط ترتیبہ ہند نتیجہ، یمیک احساس ڏکشنری بناون والین تہ

اوسمت ٻھہ۔ ڏکشنری منز ٻھہ ونہ آمت:

”عام پاڻھي ٻھہ فارسی تہ اردو ڏکشنری ہنز ترتیب

زیر بر ترا و تھ حروف تجو موجب دہ یوان، مگر یوسہ

اسہ ٻٽھہ کنہ اچھرن ہنز ترتیب دہ تمہ موجب ٻھہ

لفظن ہنز ترتیب بدلان۔“ کاشر ڏکشنری، جلد اکھ

پانے ٻھہ ونہ آمت ز عربی فارسی املا ورتاوان واجہن زبانن ہنزہ

ڏکشنری ٻھہ نہ اعراب لفظن ہنز ترتیبہ منز شامل کران۔ چونکہ اسہ

ٻھہ اعراب پنہ تحریر کو لازمی جز بناو کٽی، لہذا ٻھہ ڏکشنری منز لفظن

ہنز ترتیبہ منز اعرابن ہند برابر دخل رودمت، یمہ کئی پرتھہ اچھرس تل

ینہ والو لفظ ٻٽھہ پاڻھي زن پتھ کن ونہ آوشراہن جاین وچھن ٻھہ

پوان، بیلہ زن اکو سہ جایہ وچھنہ گوہی کٽی۔ امہ پیچیدگی کئی ٻھہ

ڏکشنری ہندس پرتھہ جلدس منز ”لفظہ باوک“، دٿج ضرورت ٻہیمہ۔

لفظ ژھارنہ خاطرہ چھ نہ صرف ڈکشنری ہند پر ہتھ صنفک پٹھم حاشیہ
 وچھن پو ان لیس زن لازمی تہ جایز چھ، بلکہ چھ گوڈہ ورتن منز لفظ
 ہاوک تہ وچھن پو ان۔ نتہ چھ یہ لفظ ہاوک (یعنی اعراب ہتھ تمام
 زرنن اچھرن ہنز ترتیب) یاد تھاؤن۔ غرض اتھ ڈکشنری منز چھہ
 لفظ ژھارنہ خاطرہ سبٹھا ہودہ ہرتلن پو ان۔ مثلاً الف (۱) اچھہ ستر
 ینہ والین لفظن ہند لفظ ہاوک چھ ہتھ پٹھو دنہ آمت:
 ”لفظ ہاوک

کنہ چھ لفظ ہاوکس منز اک سے اچھرس یعنی الفس (۱)، اعراب
 لگاوتھ تہ باقی نام نہادارڈ اچھر رلاً وٹھ شراہ الف بناوندہ آمت۔ یعنی لفظ
 ژھانڈنچ اکھ ٹوکھڑ کاگر۔ اگر اس الف (۱) پٹھہ یم ساری اعراب
 تھو دلوکھ، مسلہ چھ یکدم حل سپدان۔ ساری لفظ ہن اک سے جایہ،
 تہ الف (۱) اچھہ ستر ہن ڈکشنری منز ژھارنہ۔ اکھ چھ یہ طریقہ
 اتھ املاہس منز آفاقی تہ دو یم سبٹھا آسان۔ الف (۱) ستر یم تہ لفظ
 کاشر زبانی منز چھہ، تم ہن اک سے جایہ مثلاً ہتھ پٹھو: (پڑو ہیرہ
 پٹھہ یون کن کالم وار۔)

اچھر	صفحہ پٹھہ	صفحہ تام	۱	۲
ا، ا	۱	۱۱۲	ابہ ڈس	ابہ تکھ
آ	۱۱۳	۱۴۲	اُ بدور	ابل
اُ	۱۴۲	۱۵۷	ابدی	ابلہ
اُ	۱۵۷	۱۶۹	ابرار	ابلق
ا	۱۷۰	۱۷۹	ابراہیم	اُنلکھ
ای	۱۷۹	۱۸۰	ابرُق	ابنل وقت
اِ	۱۸۰	۱۸۱	ابری	اؤد
اِ	۱۸۱		ابریشم	ابلیس
اُ	۱۸۱	۱۸۲	اُز	ابو بکر
اؤ	۱۸۲		ابہ زتھ	ابوس
اؤ	۱۸۲	۱۹۴	ابساؤن	ابوسے
او، او	۱۹۴	۱۹۹	ابسن	ابہام
اے	۱۹۹		ابسنر یوٹھ	اُج ہتھ
اے	۱۹۹		ابسی اسر	اُبی
اپے	۱۹۹	۲۰۰	ابدال	ابکھ

پٹھہ کنہ دنہ آمت لفظ چھہ کاشر ڈکشنری ہند لفظ تہ املا تہ چھکھ سے۔

لفظن ہنز پٹھہ کنہ دنہ آمت ترتیب کاؤرا سہل تہ معقول چھہ، تمیک
 اندازہ کرن چھہ نہ مشکل۔ امہ ترتیب ستر چھہ گوڈنی کاشر زبانی ہندی

اع “۲۰۰”
 صاف ظاہر چھہ ز اچھر دون درن منز باگراوندہ ستر تہ تمن منز اعراب
 شامل کرنہ ستر چھہ لفظن ہنز ترتیب تہ ولہ پٹھو مثا ستر ستر۔ پٹھہ

لفظ فقط ۳۶ بن (کل اچھر چھر ۳۹ مگر لفظ چھر فقط ۳۶ ہوا چھر و ستر شروع گوہان) حصن منز تقسیم سپدان نہ دؤیم تم ژھارڈی چھر آسان۔ کاشر ڈکشتری منز لفظ ترتیبہ ہند کھر چھر یتھہ کنیہ تون نیران زہرگاہ سائہ ترتیبہ مطابق لفظ فقط ۳۶ بن حصن منز تقسیم سپدان چھر، موجودہ ڈکشتری منز چھر یم (۱۱۶ اعراب ۳۶۱۰۰ اچھر) ۵۷۶ حصن منز تقسیم کر نہ آمتی۔ کج لفظن فقط ۳۶ دل لگزی نہ کجا ۵۷۶ دل۔ ہرگاہ اسی حساب دانی کن گوہو، ڈکشتری منز چھر نہ لفظن صرف ۵۷۶ دل لگان بلکہ پرتھ حصن منز امہ لحاظہ پیہ نہ کاتیا دل۔ کم از کم پیہ ۵۷۶ دل۔

موجودہ ڈکشتری منز لفظ ترتیبہ مطابق چھر اسہ نہ صرف ۳۶ بن زرن اچھر ہنز ترتیب یاد تھاوڈی، بلکہ چھر امہ علاوہ ۱۶ بن نام نہادار بن اچھر ہنز ترتیب نہ یاد تھاوڈی۔ زبان لیکھنکو پرکو آسان طریقو بجایہ کیا زچھر اسی مشکل نہ پیچیدہ طریقہ آزماوان؟ یہ منطق چھر نہ فکر تروڈی۔ ہرگاہ متنہ کس کنہ لفظن غلطی کنی یا پھورہ چہ فرقہ کنی ڈکشتری منز نہ آمتی اعراب نش بدل اعراب لگتھ اوس، سہ لفظ ہیکون نہ اسی ڈکشتری منز کنہ نہ طریقہ لیتھ۔ ۱۶ بن نام نہادار بن اچھر ہنز ترتیب یاد تھاوڈی نہ۔ یو دوے پیو ہودہ ہر ہینہ ستر کانہہ لاس لئین آسہ ہے، تیلہ آسہ ہے عربی، فارسی نہ اردو زبان دانو نہ پنہن ڈکشتری یں منز اچھر اعراب لگاوتھ لفظن ترتیب دژمژ۔ تمن تیر ترہ اعراب اسی۔

یو دوے کاشر ڈکشتری منز لفظن ہنز ترتیبہ ہند پیہ نہ کاتیا کھر موجود چھر، اسی کرو پیہ نس پیہ اکس کھر کن اشارہ۔ ڈکشتری منز چھر کاتیا لفظ تم نہ یم اکہ اعرابہ ستر شروع گوہان چھر مگر تھوڈی چھر پیہ تمن لفظن ستر یم پیہ اعرابہ ستر شروع گوہان چھر۔ مثلاً۔

اند

اندی
اندی کچھی
اندیم (بیتز)

اندی، اندی کچھی، اندیم بیتز لفظ گوہو (ا) نام نہاد ارس اچھر س تل ۱۴۲ تا ۱۵۷ صحن درمیان سنی، تکیا زیم چھر امی نام نہاد اچھرہ ستر شروع گوہان۔ مگر یم چھر دنہ آمتی (ا) نام نہاد ارس اچھر س تل صفحہ ۹۹ تھس پٹھ۔ ظاہر چھر چونکہ یم لفظ چھر (اند) لفظن ستر تعلق تھاوان، لہذا روزن اتھ سنی دنی جان۔ مگر سوال چھر یم لفظ کتھ پاٹھی جن موجودہ ڈکشتری منز ژھار نہ اگر نہ لفظ ژھارن ولس یہ پتاہ آسہ زیم چھر (اند) لفظن ستر تعلق تھاوان۔ امہ قسمہ کین لفظن ہند تعداد چھر سبٹھا۔ اگر اسی پنہ ترتیبہ کنی الفہ پٹھ اعراب تھوڈو لویا ترتیبہ ہندس حدس تام نظر انداز کرو، یم جن پانے اکو سے جایی، تکیا زسانی کنی روزن الفہ (ا) ستر یینہ والی ساری لفظ اکو سے حصن منز۔ مگر کیون لفظن چھر کراس ریفنس دنی ضروری۔

(ا) اراچھرہ ستر یینہ والی تقریباً ۲۵ فیصد لفظ چھر نہ اتھ اچھر س تل دنہ آمتن لفظن منز موجود تکیا زیم چھر باقی اچھر س تل لگو متی۔ (ا) اچھر س تل چھر موجودہ ڈکشتری منز کل ۳۶۰ لفظ ترکیبہ نہ محاورہ دنہ آمتی۔ مگر امی اچھرہ ستر یینہ والی تقریباً ۱۱۱ لفظ چھر یینہ جاین موجود۔ یم کتھ پاٹھی جن ژھار نہ اتھ مسلسل کن چھر نہ ڈکشتری بناوان والیو کانہہ ژیینہ ون دژمژ۔ مثلاً وچھو تفصیل:

(ا) اراچھرہ ستر یینہ ولس اتھک لفظن تل چھر ۴ لفظ (ا) اچھرہ ستر دنہ آمتی
(ا) اراچھرہ ستر یینہ ولس از لفظن تل چھر ۷ لفظ (ا) اچھرہ ستر دنہ آمتی
(ا) اراچھرہ ستر یینہ ولس اکھا لفظن تل چھر ۷ لفظ (ا) اچھرہ ستر دنہ آمتی

١ لفظ (ا) اچھرہ	لفظس تل چھرہ	(ا) اراچھرہ ستر یندو ا لس ال
ستر دنہ آمت		
١ لفظ (ا) اچھرہ	لفظس تل چھرہ	(ا) اراچھرہ ستر یندو ا لس ان
ستر دنہ آمت		
١٣ لفظ (ا) اچھرہ	لفظس تل چھرہ	(ا) اراچھرہ ستر یندو ا لس اند
ستر دنہ آمت		
٢٥ لفظ (ا) اچھرہ	لفظس تل چھرہ	(ا) اراچھرہ ستر یندو ا لس اندر
ستر دنہ آمت		
١ لفظ (ا) اچھرہ	لفظس تل چھرہ	(ا) اراچھرہ ستر یندو ا لس انزمنز
ستر دنہ آمت		
١ لفظ (ا) اچھرہ	لفظس تل چھرہ	(ا) اچھرہ ستر یندو ا لس اؤب
ستر دنہ آمت		
٨ لفظ (ا) اچھرہ	لفظس تل چھرہ	(ا) اچھرہ ستر یندو ا لس اؤدر
ستر دنہ آمت		
١٣ لفظ (ا) اچھرہ	لفظس تل چھرہ	(ا) اچھرہ ستر یندو ا لس اؤش
ستر دنہ آمت		
٨ لفظ (ا) اچھرہ	لفظس تل چھرہ	(ا) اچھرہ ستر یندو ا لس اؤگن
ستر دنہ آمت		
١٤ لفظ (ا) اچھرہ	لفظس تل چھرہ	(ا) اچھرہ ستر یندو ا لس اؤن
ستر دنہ آمت		
٥ لفظ (ا) اچھرہ	لفظس تل چھرہ	(ا) اچھرہ ستر یندو ا لس اوٹ
ستر دنہ آمت		
۱۱۱ کل لفظ		

ڈکشنری ہندس چیف ایڈیٹر س چھبہ پنہ امہ ترتیبہ ہنز کمزوری پتہ
 اُسمو۔ توے اوسن ”کاشر لفظ راش“ ناوچہ گوڈونچ ڈکشنری منز
 (یوسہ پتولاکن زالنے آے) لہو کھمت:

زه غزل رخسانه جبين

وتھ اُس رَا و مثرے تس تہ پلاز مہ ماہاؤس
یوتاں بہ ستر چکیس تمس بہ تے رَاؤس
چھ از تہ سے مہ اوچھ شراکہ ہتھ پتے دوران
بہ عار اوس زندے یکر بہ میو اندر ساؤس
سہ پنہ عملہ پتو دراو بیتہ تہ لگو موران
مہ سہزہ پزہ ہرد اُس تھے پھلے چھاؤس
یہ اُنہ چھم مہ وچھاں عین زنتہ یکر ہیو کانہہ
بہ وایہ پاٹھر توے از دلچ کتھا باؤس
وجود چھم تہ کھڑا چھس خودا تہ ستر مہ چھم
بہ چھس نہ تھالے دپو کانسہ کیا پھر تر اوس
اگر نہ پیالہ سہ برہا بہ آسہ ہا مومثر
پتو حیات تہی دژ مہ یکر زہر چاؤس

چھ کانہہ اتا نہ پتا چون ون کتیو تھارتھ
نہ چھ قبیلہ نہ کانہہ کروں ون کتیو تھارتھ
چھکھے تہ سرپہ تہ اسمان چھ کتیو آسان
تہ رؤس چھ زونہ لگتھ گرون ون کتیو تھارتھ
چھہ زو تہ چاڑی بدل کن وچھاں تہ اچھ بوزان
انس تہ کیا زو تھ کون ون کتیو تھارتھ
منگاں بہ از تہ چھسے ژر یہ مامہ زانہہ پرژھے
تہ بوزتھا تہ منگن میون ون کتیو تھارتھ
مہ پنہ چشمہ وتن چانہ نے چھہ وٹھراؤتھ
یکھا تہ سالہ وول از سون ون کتیو تھارتھ

زہ غزل غلام رسول جوش

بہت مجلسِ اندر کانہہ لِر نہ کائنی
اکس اکھ کُن توے کتھہ کر نہ کائنی
چھہ یہ کتھہ اشتہارن پٹھ لیکھتھہ از
کتابن منز تے کتھہ پر نہ کائنی
بہ چھس یس لیو کھ تہ لفظن حرف چھوئیر
بہ چھس یس جملہ زو پٹھ در نہ کائنی
بہ تھوہ ہا چانز تصویرے اویزان
مگر تمہ لبہ مکانن گر نہ کائنی

آرہ بٹھس پٹھ اوس تہ لوت لوت آدمہ کن
اوٹگجہ اشارو ستر پھرن دریاو مہ کن
شکوہ پنن ہتھہ درایہ بہ سوکھ اکھ آبہ وزنی
آیہ وستھہ سیلاب سو تکر سنز گراو مہ کن
پان بجوون رآژ سیاہی پٹھ تہ دوپن
سریہ چھکھا دولہ گاشہ رزھا اکھ تراو مہ کن
آو دما اکھ رود سہ منز ہتھہ سڑکہ کھڑا
زننہ بنوون دور پٹھن وہراو مہ کن

زہ غزل جواہر لال سرور

پود پود دزان پر ہتھ جالیہ کنن نار ہیو ما
چھ نہ مائز گلین کانہہ تہ خریدار ہیو ما
از کل چھہ لچر بولر ژوداپارک وٹن پٹھ
تمہ شینہ شہرک مارک مؤند انہار ہیو ما
پھیران کس تام جوگی اس جوگی کرہس تل
کرکھ اوس دوان کانہہ اکھا شہمار ہیو ما
صحراور وٹن تاپہ تہر پیہ چھہ دزاں وچھ
تمہ ناگہ بلک خوش یون شہجار ہیو ما
تم اسی تے کیا خبر اجہ راکھ کپارک درائے
ددر مٹر چھہ یم سبزار پیہ گلزار ہیو ما
سورہ ژونم یم سونک واو ٹھہیومت
لاگم کنز مہ تام پنز شعر ہیو ما

یا تہ لیکھن ہلو اچھر وولیو واد
نتہ وچھن میونے مٹر وولیو واد
تارکن مٹھر مٹر چھہ شاید ڈری گندڑی
تراو نا کانڑھا طہر وولیو واد
ژھوگ کاستھ پلچر کر بولر کوس
تس گوامت پانس قہر وولیو واد
میائہ گامچ راش کمر سنا ڈاچھو
لج یہ کتھ کمر سنز نظر وولیو واد
یا تہ برہے شورہ ستین مؤر پنن
یا تہ دیہ ہے چیون زہر وولیو واد
تج نہ ازتامت سروس پڑھ رچھن
نابلس نتہ کتہ ٹچھر وولیو واد

پاڑھ نظمہ شبہم عشایی

(۱)

کمن غوطن چھکھ گومت

اوه

بہ چھس تہی آبک قطرہ

لیس چائس کمرہ کس اکس کونس منز پیومت

صراحہ منز اوس

چون سدر

خدازانہ

کا تہن دریاون ہنز

تریش بہتھ اوس تھر تھر پھیران

بہ

پر تھ شامس صراحہ ہند بندت ژٹان

چاڈی وٹھ

آس تراوتک مزہ تلان

تھر تھر پھیرنک چون تھلن اوس ژلان

پر تھ تھر ہند زانی بنو وکھ ژہ پانہ بھگوان

پتہ وکھ چاڈی کتہ اتھ

کونس منز پتھ صراحی پھڑا وٹھ

چھو کہ دآے گو و آب

پر تھ قطران دلی ژھر ٹھ

کلہ ٹھوس

ژہ نہ پنن ہو کھمت روح تھو دتھ

کمن غوطن گوکھ

بہ چھس سے آبہ پھڑا۔

(۲)

چانہ مرضی چھہ لوکھ

میون اٹرونان

مہہ نیو کھ سہ پوشاک اتھ مور تھ

لیس مہہ لاگن نالی اوس

نالی پلو آس مہہ برو نہی کڈی مٹر

میانی ینہ والی ساری موسم

آیہ منسو خ کرنہ

مہہ لاج نہ کر کھ

کلہ اوسم نمرو وومت

مہہ دتھ تیوت ایذا

زینین ارمانن ہند ریشم کٹن

چھہ وونی میانہ و ہرا وہ بہر

اگر موسم منسو خ گڑھہ ہن نہ

پنشن تالہن ریشم

میون نتھہ ٹون بیہ ہے ولہ

چانہ تابعداری منز

وچھ نہ مہ پنن اتھہ مژرتھ

کس دیہ پننہ خوابک اکھ ول ٹٹھ

میون نتھہ ٹون بیہ ہاولہ

وولہ بہ نہنا وہ پننہ اتھہ چہ رکھ

(۳)

چانی دروے آسنن کر میانی خواب ہاشہ

مہ ستر چھہ یم ہاشہ گمتر خواب وانہ وانہ

کھنڈر کھو ان

کون محفلن منز نیم

میانہ اچھ چھہ مہ محفلہ منز بہنا وتھ

نوک خواب ژھاران

پتہ را ژ پھرن

نندری پلہ ستر

چھس یمن خواب وچھنکی ٹھٹھہ کران

ہے بوز

امہ برونہہ زمیانہ اچھ ان ژور بیا کھ خواب

یامہ ونن دوکھہ باز

ژہ ژار پنن اکھ

(۴)

بہ چھس نہ پننن پانس ٹاکم

بلکہ نون یژھان متھن

شتلین ہندشتر چھس یژھان پھٹرن

ژہ زوراوکھا

رشتن ہندنار

بہ چھس یژھان پننن اچھن اشہ نش

موکجاردین

یمن ووت صدیہ واداش ووپدان

ژھ دکھامیانن اچھن خواب

زمانہ چہ چکھہ چکھہ منز نہ

منہ چہ بترأ ژ پٹھ چھس

بناون یژھان گرہ

بس وونی چھس یژھان

صرف منک بوزن

ژہ دکھامیانن منس

زہ

بہ چھس نہ کنہ اچھ منز

روزن جاے

بلکہ چانی راوژمندرتھاران

گرہ نشہ

چھس نہ موکجارکا پنچھان

بلکہ تھہ ژلہ لا منز زوہ ہا

یتھ منز چانی زندگی چھہ

(۵)

دولہ بہ دولہ ہتھ پانس
کنہر کو ڈم نہر
نہرہ چھہ کارڈ ورس منز
پنہر لوثر آواز منز بوزہ ناہا
تمہ ساری داستانہ
یمہ بوزتھ بہ
پہرہ وادن دزان اُسس سوت نارس منز
دولہ بہ دولہ ہتھ پانس
سوچھہ کی ہول منز وچھان
تتھے ہتھہ پاٹھرا سڑ موقعہ وچھتھ
پنتس اصلس چھہ نظر تراون
امہ برونہہ زسو وچھہ مہہ ننگہ
دولہ اکھ اکھ سندس پزرس منز رلو
بہ تراوہ پنڈر لوچائین ٹارن پٹھ
ژہ کچھ میانین شہن پٹھ تہ وس
میانس اندرس منز
بہ یمہ ولنہ
پنتس
اصلس منز بہ آرام
دولہ بہ دولہ ہتھ پانس

(اردو پٹھ ترجمہ: منوہر لاگامی)

زہ غزل نثار عظم

آؤکھ نہ اگر راس یہ دریاو کیاہ کرن
پھٹ زن بٹھس پٹھے ووں تمن ناو کیاہ کرن
پراگاش چھکھ لبُن تہ ژھنڈن لوکھ پتھ ون
یو دوی نہ آفتاب تنہن دراو کیاہ کرن
اتھواس کرنہ خواجہ خضر آکھ وتھ لبُن
راؤکھ اگر ووں توتہ کہن گاو کیاہ کرن
گاچ خبر ان تہ گذارن یہ شب کتن
میجکھ نہ اگر جایہ پناہ کاو کیاہ کرن
چن دامہ ستھ سدر تہ اگر تاپہ دُدر بدن
ہمریاکھ یو د نہ توتہ منک تاو کیاہ کرن

کتجن زن گے ہردج لے
پتہ گس ونہ اسہ سونک پے
تھہ چھکھ کرہن جنگل پراں
انہ گلمہ خوابن رچھتن دے
شجرہ چھ کاغذ تلمن پٹھ
واوس وڈز نہ یورک پے
مبضس مبضس تجم دگ
دور چھ وایاں گستام نے
چائنن یادن ہندک کھنڈر
دلہ کس شہرس پیڑے شے

مشقہ ہند خالی اند منیب الرحمن

خالہ باطس نش سپہ ہند اکھرہ انتھ
گرہ ووتس
زپو پٹھ لوٹ پاٹھن مزہ وچھمس
دندہ ستر زل دتی مس
دجہ منز تھاوتھ کو رس بسرکھ
آب رلاوتھ چھمیلہ دواتہ اندر دژ مس کھلن
نرکانی قلم کو رم موئڈ شراپچہ ستین
موٹ قط تراوتھ تھووم اندکن
مشق تجم چیں پیالہ چہ پھچہ موئڈ کھنچہ ستر دتمس موہرہ دپاسے
اکہ اندہ لیکھ مس ہیرہ پٹھ یون تام
ججن کجن سطرن منزا در میلہ اندر کینہہ لفظ مکرر
تام شربن ستر گندس منز کو و شام

یعنی لیو کھمت اند گروہہ خالی اندس واری کھنس منز
برونہہ برو نہہ روزن
وتہ ووتہ خالی اند غیپے کرنچ مشق کرم
یڈت تامت ووت سکول
یینہ کانہہ چغلو کھیم خالی اند تھووم تل کن رژھر تھ
زن تھہ اُسم راُچہ کرنی
امہ پتہ گو و بو بوجی دوکھس منز
لیو کھمت اند دویہ پھر وچھنس پٹھ راضی
پر تھ دو بہ مہ پتہ گو و مشقہ دس وردنہ کس شوقس ہر برگوہان
خالہ اندر وود خالی

یار و زندگی ہند سے لیو کھمت گسہ امت اند
بازو کرن ہند کی پاٹھی اتھن ہنز پھرتی ہاوتھ
نظرن برو نہہ کتہ تھووم
راُژ وچھنس منز خالی اند دؤ برووم
صحبس صجے سمکھووم

اکہ اندہ خالی مشق رٹھ در اس ڈنکے سکول
زا کو شاطر لڑکن ووتہ ووتہ نم
اکھ اند ہاوتھ مشقہ دس دز ورتھہ پاٹھن
بو بوجی لیس ژھس کی زا چھن کچھ
اکس اندس پیہ وچھنس منزینہ تار لکس

غزل منیب الرحمن

ثریا آئی ہندِ خاطرہ

صو ادس بکار آثر
خو ادچ حساب دانی
طوے تھوک نہ ژچہ ماراں
ظوے پیو یواں یوانی
عینس عقل چھہ ماراں
غینس چھہ غیب دانی
فے ژالہ ہے تہ کوتاہ
قافج یہ خشمہ خانی
کیفس یہ کاغذس پٹھ
گافن تہ پور زبانی
لاچ مصالحہ داری
میمس نہ دوئی ویانی
نونس نبض چھہ وہون
واوس چھہ دل وپھانی
ہیسس یہ ہمہ چھہ اندری
تچ چھہ حکمرانی

الفس نہ کانہہ پرژھانی
بے سون یارِ جانی
پے پیو پتھر تہ پیتن
تے لوب مہ ناگہانی
ٹے مانہ ہے نہ لیکن
چیچ چھہ مہربانی
جیچ یہ جستہ خیزی
چیمس نہ کینہہ ویرانی
ہے یہ کوس سا خوشکبتھ
خی ہتھ براجمانی
دلس خیال بے سند
ڈلس فکر چھہ سانی
ڈلس ون چھہ کیاہ تاں
رے چھس نہ وتھ دوانی
زچن کتھن کتھن منز
ژے آو درمیانی
سینس تہ کینہ اندری
شینس چھہ اس کھرائی

غزل منیب الرحمن

سوے وَا ر آگنس سب
 حاصل نہ وَاگنس سب
 سوے دوس تہ بیارک کافی
 پیورے نہ پھیانگنس سب
 سے منز دہل تہ سوے وَا
 اکھ خر نہ وَاگنس سب
 سے وق چھ راتھ ڈلنک
 کوکرے نہ باگنس سب
 سے آب سے چھ موسم
 جنگل نہ چھانگنس سب
 سے کل چھ زندگی ہند
 وَاہرے نہ چھانگنس سب
 تقریر ہاکہ تل ہیو
 مدعا رواگنس سب
 مینو تہ آنچہ نچنے
 تولو چھانگنس سب

اقرار میانگنس ہیو
 انکار چیانگنس سب
 صحراو کھور یوتاہ
 دریاو لانگنس سب
 آمادگی برابر
 روی نہ مانگنس سب

دودھ کھٹھ گلدان منر۔۔ شہناز رشید
شعرہ سومبرن، ۱۸۲ صفحہ، مول ۲۲۵ روپیہ

کا شر غزل چھ کینون ہنرمند نو جوان ہند دکنی امکان دریافت
کرنہ چہ کوشش منر۔۔ یمن نو جوان منر چھ شہناز رشید سندناو سبھا
اہم۔ شہناز س چھ غزل و ننگ سلیقہ۔ تس چھ زبانی تہ بیانس پٹھ
ماہر اند قدرت، تس چھ وزن ورتاؤنی تگان، تس چھ قافیہ تہ ردیف
ورتاون تگان، تس چھ استعارہ ورتاون تگان، تس چھ شعر بناون
تگان۔ سندس غزل منر چھ معنی تہ احساس کس سوہرس پٹھ نور،
تازگی تہ سرتیر موجودیمہ کنی پرن وول اس کن سنجیدی سان متوجہ
گوشہاں چھ۔ یہ چھ صحیح کتھ زکو کر پٹھ غزل گوینی رفیق راز سندس
مخصوص لفظیات یہ ردیفن ہندس اثرس تل شروع مگر یہ تہ چھ
حقیقت تہ سہ چھ اسی سند خالص تقلیدہ نمبر نی تھ تہ کامل سند غزلہ کس
لب لبس تہ فائدہ تلکھ اکھو تھ پیدہ کرنچ یا کم از کم پتین کوٹھن
پٹھ استادہ گوشہن وول غزل تشکیل دینچ تخلیقی صلاحیت تھاوان تہ
اکثر غزل منر امہ رنگہ کامیاب۔ شہناز ان اگر کانہ ہندس طرز ستر
رلہ و ن شعر و ن تہ، سہ و ن فنی لحاظ تیوت لوبہ و ن تہ مکمل زامی
سنر شعری صلاحیت ہند قایل گوشہن رؤس چھ نہ کانہ چارہ روزان۔
مثلاً تھو ہو ک شعری:

سینہ دن دولہ سرا بن پانے
آبہ سر چھکھ تہ بچاون پانے
چانہ باپتھ چھ تھ پٹھو کر تھ زول و تن
بالکے شہر وفا گو و نہ تباہ دی ز نظر

یہ پیہ اسم مانن ز شہناز چھ پنہ تقلیدی دورہ منرہ نیر تھ واریاہ برو نہ
آمت۔ اس شاعر س چھ غزل برو نہ پکناونچ توڑھ مگر وچھن چھ
یہ ز کوتاہ برو نہ ہیکہ پکتھ، وتی ژھو کیا کنہ منزلہ ہیکہ طے کرتھ۔

-- مینب الرحمن

♦ اقبال فہیم سنر اردو شعرہ سومبرن 'موج نفس' پیہ جلد منظر
عامس پٹھ۔ اقبال چھ مرح ظفر ستر واریاہو وریو پٹھ وادناوک
رسالہ ترتیب دوان۔ ہم چھ ازکل پانہ اکس ہا ریکینڈری سکولس منر
پرنسپل۔ ♦ امین کامل سنر تنقیدی کتاب 'جوان چھ عرض' جلد
دوم چھ زیر طباعت۔ بہنر پنومہ 'یم میانی سوخن' شعرہ سومبرنہ
ہند ا جراسپد حال حالے۔ ♦ جواہر لال سرور چھ کاشر
شاعری ہند اکھ ویو دناو۔ ♦ حیات عامر حسینی چھ ازکل
اردو زبانی ہندن مرثیہ نگارن پٹھ اکھ کتاب لیکھان۔ یم چھ علی
گڈھ فلسفہ پرناوان۔ ♦ رخسانہ جبین چھ اردو علاوہ
کاشری پاٹھو تہ شاعری کران۔ یم چھ ریڈیو شیمس منر اسٹنٹ
ڈائریکٹر۔ ♦ رفیق راز سنر کتاب 'کاشر زبان، شاعری تہ عروض'
سپز حال حالے شائع۔ ♦ شبنم عشایی چھ کشر ہنر اکھ جواں
سال اردو شاعر۔ امی سنر شاعری چھ برصغیر کن رسال منر شائع
سپدان۔ امی سنر نظم ہنر سومبرن چھ 'من بانی' ناوہ شائع
سپز مٹر۔ ♦ شہناز رشید چھ کاشر شاعری ہند اکھ ویو دناو۔
♦ غلام رسول جوش چھ کاشر شاعری ہند اکھ ویو دناو۔ ♦
غلام محمد شاد سنر تھ شارس منر شامل نظم چھ ہنر اکھ مقبول
نظم۔ یم چھ اسلام آباد کشر روزان۔ ♦ فاروق آفاق سند
غزل چھ بطور خاص تھ شارس منر شامل۔ ♦ فیاض دلبر
سندن نثر پاران ہنر سومبرن پکان دور فلک چھ زیر طباعت۔
♦ محمد رمضان چھ پٹھو گو وچ شعرہ سومبرن ترتیب دوان۔ یم
چھ سعودی عرب روزان۔ ♦ مظفر عازم سنر حرف ڈائے تریم
شعرہ سومبرنہ سپد پتمہ وریہ سرتیر منر اجرا۔ یم چھ امریکہ
روزان۔ ♦ منوج رازدان چھ ہندی شاعر۔ یم نظم چھ بیو
کاشر اخبار تہ نیب وچھ خاص طور نیب خاطرہ ونہ مٹرہ۔ ♦ مینب
الرحمن چھ ہاسٹن امریکہ روزان پیہ پٹھ یم آن لائن کاشر
اخبار تہ شائع کران چھ www.koshurakhbar.net۔
♦ نثار عظم چھ اکھ تازہ وارد شاعر۔ یم چھ ونگوچہ دور ملکو
روزان واکر۔ ♦ نسرین محسن چھ کاشر منر مصورن منر خاص
مقام تھاوان۔ یم چھ غازی آباد روزان۔ ♦ نسیم شفاپی سنر
دو یم شعرہ سومبرن نہ ژھائے نہ کس چھ چھ آثر۔ امی سند
گوڈ نیک مجموعہ ڈیجیٹل مٹر تھ آوسٹھاپنہ کر نہ۔ ♦ ہری کرشن
کول سنر یہ کہانی چھ تہند افسانہ سومبرنہ زول اپارم منر کڈ نہ
آمت۔ ہری کرشن چھ نو دلہ روزان۔